

ጎዳ ዩሱስ ኪሪስቶስ ዛሎ" ማርቆስ ፃኣፔ ኮዥ ሓይሶ

ዓይያ ካሮ"

ማርቆስ ፃኣፔ ኮዥ ሓይሳ፡- «ሃይ ያኦሲ ናዓሢ ዩሱስ ኪሪስቶስኮ ኮዥ ሃይሶ ቤርቶኬ» ጌይሢና ዓርቃኔ፤ ሃኖ" ኮዥ ሃይሴሎጋራ ዩሱሴ ማዳ ዓሲና ሓሣ ቢታንቶ ዓኣ ዓሲ ማዒ ጴዳኔ፤ ዒዛኮ ቢታንታኣ ዔርዚያይዳ፡ ፑርቶ ዓያኖ ዑያይዳ ዓኣ ዋልቆና ዓሲኮ ጎሜ ዓቶም ጌይያናይዳ ጴዳኔ፤ ሓሣ ገንሣ ዩሱሴ፡- «ዓሲ ጎሜ ዓይሉምይዳፓ ኬሲ"፡ ታ ሺምፖዋ ዩያ ዛሎ" ማሂ ጉሪ ዒንጋኒ ሙኬያ ታኣኒ ዓሲናይኬ» ጌዒ ፔ ቶኦኪና ኬኤዜኔ።

ማርቆስ ዩሱሴ ዛሎ" ዓኣ ሓይሶ ሺኢሺሢሢ ፒዜና ዶዲ ዋልቁና ዓኣ ጎይሢና ማዓዛ ዒዛኮ ባሺ ማሊፃ ዩሱሴኮ ቃኣሎ"ና ዔርዚያናይዳቱዋንቱ ዒ ማዳ ዲቃሢ ሄርሺሳ ማዶ"ይዳኬ፤ ቃሲ" ሓሣ ማሰካ ዮሓኒሴ ዛሎ" ሓይሶ፡ ዩሱሴኮ ዋኣያና ማሰቲያና ፃላሄ ዩሱሴ ዳቢሻኩዋያ ጌሺ ጌሺያ ዛሎ" ቃሚሢ ማዔ ዓይሢ ካራ ዒንጌሢኮ ገንፃ ዩሱሴኮ ዔርዚያና ሓርገንቱ ዓሶ ፖዒሶ ማዶ" ዛሎ" ኬኤዜኔ። ገንፃፓ ናንጊቤቃ ዩሱሴኮ ገንፃ ሓንታ ናኣታ" ዩሱሴ ኮሺ ዔሪ ዔሪ፡ ዲሴ ዋዶ"ና ዩሱሴ ዒፃ ዓሳኣ ባሺና ዒዛ ዒደ ዒደ ዳንዴኔ፤ ሓሣ ጋፒንፃ ዓይያንሢ ዩሱሴ ሺምፓሢዳ ጋፒንፃ ቃልሾ ኬሎ" ጋራ ማዲንቱ ማዶና ባሺ ዒዛኮ ሱዲንቶ ዛሎ"ና ሓይባ"ፓ ዔቂያ ዛሎ"ዋ ኬኤዛያኬ።

ማፃኣፔላ ዲማ ዲማ ዓርቁ ባኮ

- ኮዥ ሓይሶኮ ቤርቶ 1፡1-13
- ዩሱሴኮ ጌለላይዳ ማዶ"ና ዓሶ ቤርታ ፔጋዲያ 1፡14—9፡50
- ጌለላይዳፓ ዩሩሳላሜ ሄላ"ንዳኣና ማዲንቱ ባኮ 10፡1-52
- ጋፒንፃ ቃልሾ ኬላ" ዩሩሳላሜይዳ ሓሣ ኮይሎ" ዓጫ" ማዲንቱ ባኮ 11፡1—15፡47
- ዩሱሴኮ ሓይባ"ፓ ዔቂያ 16፡1-8
- ሓይባ"ፓ ዔቁ ጎዳኮ ጴዳያና ሌካ ጫሪንጮ ዓኣዲያ 16፡9-20

ማሰካ ዮሓኒሴ ዩሱሴ ዛሎ" ዳጊዲ ኬኤዜሢ
(ማቲ. 3፡1-12፤ ሉቃ. 3፡1-18፤ ዮሐ. 1፡19-28)

1 ሐይ ያኦሲ ናዓሢ * ዩሱስ ኪሪስቶስኮ ኮዮ ሐይሶ ቤርቶኬ፤
 2 ያኦሲ ማሊያ ኬኤዛ ዒሲያሴ ዛሎ"ና፤
 «ያኦሲ ኔኤኮ ቤርታ ጎይያ ጲሻንዳያ
 ታኣኮ ኪኢቶ" ናዓሢ ታ ዳካንዳኔ፤

3 ዩይያ፡-

‹ዒንሢ ጎዳኮ ጎይያ ገኢገሹዋቱ፤
 ሉኡጎ ጎይያዋ ፒዚሱዋቱ›
 ጌዒ ጌዒ ዓሲ ናንጉዋ ዳውሎ"ይዳ ዒላታ ዓሲ ዑኡሲ»
 ጌይንቲ ፃኣፒንቴሢ ጉዲ፡-

4 ማሰካ ዮሐንስ ተ ዓሲ ናንጉዋ ዳውሎ"ይዳ ዓሰም፡- «ያኦሲ
 ዒንሢም ጎሞ ዓቶም ጋዓንዳጉዲ ጎሞ ቡኡዲ ቡኡዲ ዋኣሢና
 ማሰቱዋቱ» ጌዒ ኬኤዚ ኬኤዚ ሙኬኔ። 5 ዒማ"ና ዪሁዳ ዓጮ"
 ዓሰንታ ዩሩሳላሜ ዓጮ" ዓሳ ቢያ ዒዛ ኮራ ሙኪ ጎሞ ቡኡዲ ቡኡዲ
 ዮርዳኖሴ ጎያ ዋራ ማሰታኔ።

6 ዮሐንስ ጋኣሎ ጌይንታ ቆሎኮ ጋፓኔፓ ኮሻ"ና ማኣያ ማይንቲ፤
 ኬርኖይዳ ቃልሻ ቱካ"ኔ፤ ዒዛኮ ሙዓ ዓቢሢና ዑቶ ዔኤሲ"ናኬ።

7 ዒዚ ዓሰም ኬኤዛያ፡- «ታ ሂርኪ ጌዒ ዒዛኮ ዱርዘ ቱኮ" ሱዘ
 ቡላ"ኒ ዒጊቻያ ታ ጌዳ"ፓ ባሽ ታኣኮ ገንጾ ሙካንዳኔ» ጌዔኔ።

8 «ታኣኒ ዒንሢ ዋኣሢና ማሰካኔ፤ ዒዚ ጋዓንቲ ዒንሢ ዓያና ጌኤሺና
 ማሰካንዳኔ» ጌዔኔ።

ዩሱሴኮ ማሰቲያና ፃላሂ ዒዛ ጌሺ ጎሜ ማዲሳኒ ዳንዳዒባኣሢ
 (ማጥ. 3፡13-17፤ 4፡1-11፤ ሉቃ. 3፡21-22፤ 4፡1-13)

9 ዩኖ ዋዶ"ና ዩሱሴ ጌሊላ ዓጮ" ዓኣ ናዚሬቲ ካታማፓ ሙኪ
 ዮርዳኖሴ ጎያ ዋራ ዮሐንስ ኮራ ማሰቲኔ። 10 ዩሱሴ ዋኣጾፓ
 ኬኬሰካኣና ጮሪንጮ ቡሊ"ንቲ ጌኤዮ ዓያና" ዒዛይዳ ደኦሎ"
 ማሊ ኬዳ"ንቲ ዒ ዛጌኔ። 11 ዩማ"ና፡- «ኔኤኒ ታኣኮ ናሽኪንታ
 ናዓሢኬ፤ ታና ኔ ኮሺ" ዋዛሳኔ» ጋዓ ዑኡሲ ጮሪንጮፓ ሙኬኔ።

12 ዩማፓ ኔጉዋዮ ጌኤዮ ዓያና" ዓሲ ናንጉዋ ዳውሎ" ዒዚ
 ዓኣዳንዳጉዲ ዔቂሴኔ። 13 ዩሱሴ ዓሲ ናንጉዋ ዳውሎ"ይዳ

* 1:1 ያኦሲ ናዓሢ፡- ጋዓዛ ፔቲ" ፔቲ" ሚናኣ ማፃኣፓ «ያኦሲ ናዓሢ» ጋዓ ቃኣላ
 ቃሱዋሴ። 1:2 ሚሊ. 3፡1። 1:3 ዒሲ. 40፡3። ተ 1:4 ማሰካ ዮሐንስ፡-
 ፔቲ" ፔቲ" ሚናኣ ማፃኣፓ «ማሰካ ዮሐንስ» ጌይያ ሃሺ" «ዮሐንስ ማሰካ ማሰካ» ጋዓኔ።
 1:6 2ካኣቶ". ማ 1፡8። 1:11 ማዢ. ማፃ 22፡2፤ ዓይኑ. 2፡7፤ ዒሲ. 42፡፤፤
 ማጥ. 3፡17፤ 12፡8፤ ማር. 9፡7፤ ሉቃ. 3፡22።

የይዲታሚ" ከሌ" ፃላሄ ዲዛ ዛጋኒ ገሻንቴ ደዔኔ፤ ዲዚያ ዓኣሢ ካየ ቦያ ባኣካ"ኬ፤ ጋዓንቴ ያኦሲኮ ኪኢታንቻ ሙኪ ዲዛ ማኣዳ"ኔ።

ዩሱሴ ሞላሢ ዓርቃ የይደንሢ ዔኤሌ"ሢ
(ማተ. 4፡12-22፤ ሉቃ. 4፡14-15፤ 5፡1-11)

14 ዮሐንሴ ቱኡዞ ማኣራ ቱኡቴሰካፓ ዩሱሴ ያኦሲኮ ኮዦ ሓይሶ ከኤዚ ከኤዚ ገለላ ዓጮ" ሙኬኔ። 15 ዲዚ ከኤዛዎ፡- «ፒዙሞ ዎዳ" ሙኬኔ፤ ሓሣ ያኦሲኮ ካኣቴማ ዑኬኔ፤ ጎሞይዳፓ ማዑዎቴ፤ ሓያ ኮዦ ሓይሶዎ ጉሙርቁዎቴ» ጌዔኔ።

16 ዩካፓ ዩሱሴ ገለላ ባዞ"ኮ ዓጮና ዓኣዲቤቃ ሲሞኦኔና ዲዛኮ ገርሲ ዲንዲራሴ ጎየሢና ሞሎ ፒሪ ዓርቃያታሢሮ ሞላሢ ዓርቆ ሮኦጮ ሱሲጉዲ ጋሶና ሱዞ ባዞ" ዎኣያይዳ ዓጋንቴ ዛጌኔ።

17 ዩሱሴያ ዔያቶሞ፡- «ሓኒ ታ ገንጾ ሙኩዎቴ፤ ታኣኒ ዲንሢ ዓካሪ ዓሲ ፒሪ ዓርቃያ ማሓንዳኔ» ጌዔኔ። 18 ዔያታ ቤዞና ፔኤኮ ሞላሢ ዓርቆ ሮኦጮጉዳ ሱዞ ሓሺ" ዲዛ ገንጾ ዓኣዳኔ።

19 ዩካፓ ዲዚ ዳካ" ሓኬሰካፓ ሓሣ ሚሌ" ዲሸና ጌኤዚና ማዔያ ዳንቄኔ፤ ዔያታኣ ዜብዲዮሴ ናኣቶ"ንሢ ያይቆኦቤና ዮሐንሴናኬ፤ ዩንሢያ ዎኣያና ፒንቆ ጎንጎይዳ ፔኤኮ ሞላሢ ዓርቆ ሮኦጮጉዳ ሱዞ ኮሻ"ኔ፤ 20 ዩሱሴ ዔያቶ ዛዛጋየ ዔኤሌ"ኔ፤ ዔያታኣ ዩሱሴ ገንጾ ዓኣዲጾር ዔያቶኮ ዓዳሢ ዜብዲዮሴና ዲዛኮ ማዳ ዓሶ ዎኣያና ፒንቆ ጎንጎይዳ ሓሺ" ዓኣዳኔ።

ፑርታ ዓያና ዓርቆ ዓሢኮ ዳቂዎ
(ሉቃ. 4፡31-37)

21 ዩማፓ ዩሱሴ ዲዛና ዓኣዞንሢና ዎላ" ቂፒርናሆሚ ጎየ ካታሞ ጌሌኔ፤ ሔሊ"ሣ ዓይሁዶ ዓሶኮ ሓውሺያ ኬሎ"ና ዔያቶኮ ሺኢጲያ ማኣሮ ገሊ ዔርዚሢሢ ዓርቄኔ። 22 ዩሱሴኮ ዔርዚያ ሙሴ ዔርዜ ዎጎ ዔርዛ ዓሳ ዔርዛሢጉዲቴዎንቴ ፔኤኮ ዳኤፒ ቢታንቶና ዔርዛኔ፤ ዩያሮ ዎይዜ ዓሳ ቢያ ዲዛኮ ዔርዚያና ዲቃቴ ሄርሼኔ።

23 ዲማ"ና ዓይሁዶ ዓሶኮ ሺኢጲያ ማኣራ ፑርታ ዓያናና ዓኣ ዓሲ ዓኣኔ፤ ዲዚያ ሃዚ ጌዒ ዳጌ"ጌዲ ዲላቴኔ፡- 24 «ናዚሬቶ ዩሱሴ! ኔኤና ኑኤና ዎላ" ዓይጎ ፔቱሞ ዓኣይ? ኔ ኑና ባይዛኒ ሙኪያ? ታኣኒ ኔኤኮ ያኑሞ ዔራኔ፤ ኔኤኒ ጌኤሺ ያኦሲ ናይኬ» ጌዔኔ።

25 ዩሱሴያ ፑርቶ ዓያናሢ፡- «ዚቴ ጌዔ፤ ዓሢዳፓ ከሰኬ!» ጌዒ ጎሬኔ።

26 ፑርቶ ዓያናሢ ዓሢ ሚርጌና ጎቃይሴሢኮ ገንፃ፡ ፑኡፒ ዑኡሲና ዲላቴ ዲዛይዳፓ ከሰኬኔ። 27 ዓሳ ቢያ ዲቃቴሢና ሄርሺ

ዋሊ ኮራ፡- «ሓይ ዓይነ ሰጠኪ"ዳይ? ፑርቶ ዓያኖ ፔ ቢታንቶና ዒዚ ዓይሣኔ፤ ዔያታኣ ዒዛም ዓዓይሣንታኔ፤ ሓይ ዓኪ ዔራቶቱዋይ?» ጌዒ ጌዒ ሴካና ሓንጋና ዋሊ ያኔ።

28 ዔያሮ ቤዘማና ዩሱሴኮ ሱንፃ ጌለላና ኮይሎ"ይዳ ዓኣ ዓጮ" ቢያይዳ ዋይዚንቴኔ።

ዩሱሴ ሚርጌ ሓርጊንቴ ዓሶ ፓሣሣ
(ማቴ. 8፡14-17፤ ሉቃ. 4፡38-41)

29 ዔማ"ና ዩሱሴ ዓይሁደኮ ሺኢጲያ ማኣራፓ ከሰኪ ያይቆኑቤና ዮሐኒሴና ዋላ" ሲሞኦኔና ዒንዲራሴና ማኣሪ ጌላንቴ። 30 ጋርይዳ ሲሞኦኔኮ ባይሳ ቆይንቴ ለሂ ዓኣኔ፤ ዒዛኮ ቆይንቴዎዋ ዓሳ ዒዛም ቤዘና ከኤዘኔ። 31 ዩሱሴ ዒዛ ባንሣ ዑካፃ ከጮ ዒዛኮ ዓርቂ ዔቂሴኔ፤ ቆሣኣ ዒዛ ሓሼኔ፤ ዒዛ ዔቂ ዔያቶ ሾኦቹንሣኔ።

32 ዓሳ" ጌሊ ሳዓ ዓማሣኮ ጊንፃፓ ዓሳ ሓርጊንቴ ዓሶንታ ፑርቶ ዓያኖ" ዓርቂ ዓሶ ቢያ ዩሱሴ ባንሣ ዔኪ ዔኪ ሙካኔ። 33 ካታዎ ዓሳ ቢያ ማኣሮ ጋርይዳ ቡኪንቴ ዓኣኔ። 34 ዩሱሴ ሚርጌ ዲማ ዲማ ደርዖና ማታዳ ዓሶ ፖዒሴኔ፤ ፑርቶ ዓያኖዎ ዓሶፓ ከሴኔ፤ ፑርቶ ዓያኖ" ዩሱሴ ያናታቴያ ዔራኔ፤ ማዔቶዎ ዔያታ ፔቴ" ባኣዚ" ጋዓንዳጉዲ ዩሱሴ ዔያቶ ዓይሣባኣሴ።

ዩሱሴ ጌለላይዳ ዔርዘሣ
(ሉቃ. 4፡42-44)

35 ካሪዎ ዑፃ፡ ሳዓ ዲሚ ዓኣንቴ ዩሱሴ ጳጤ ከሰካፃ ሺኢቃኒ ዓሲባኣ ቤሲ ዓኣጳኔ። 36 ሲሞኦኔና ዒዛኮ ላጎንሣ ዩሱሴ ኮዒ ጊንፃ ዓኣጳኔ። 37 ዔያታ ዒዛ ዳንቃፃ፡- «ዓሳ ቢያ ኔና ኮዓንቴቱዋይ?» ጌዔኔ።

38 ዩሱሴ ማሓፃ፡- «ታ ሙከሣ ዔርዘኒ ማዔያታሣሮ ዔርዘኒ ሓያ ዑከ ዓኣ ጉርዶ ኦ ዓኣዶም» ጌዔኔ።

39 ዔያሮ ዓይሁደ ዓሶኮ ሺኢጲያ ማኣራ ዔርዚ ዔርዚ ሓሣ ፑርቶ ዓያኖዎ ዓሶፓ ከሴ" ከሴ" ጌለላ ዓጮ" ቢያ ሓንቴኔ።

ዑፃ ከሰካ ደርዓሣና ዓርቂንቴ ዓሣ ዩሱሴ ፓሣሣ
(ማቴ. 8፡1-4፤ ሉቃ. 5፡12-16)

40 ዑይይዳ ከሰካ ፑርቶ ደርዓሣና † ዓርቂንቴ ፔቴ" ዓሲ ዩሱሴ ኮራ ሙኪ ዒዛኮ ቶኮ" ዴማ" ጉምዓታፃ፡- «ኔ ኮዔቴ ታና ጌኤሻ"ኒ ዳንዳዓኔ» ጌዒ ሺኢቆኔ።

1:39 ማቴ. 4፡23፤ 9፡35። † 1:40 ዑይይዳ ከሰካ ፑርቶ ደርዓሣ፡- ጋዓዛ ጌኤኮ ማፃኣፓ ጋዓ ጎይፃና ዑሣዳ ከሰካፃ ዓሲዳፓ ዓሲ ዓርቃኒ ዳንዳዳ ደርዎ ቢያከ (ሉቂ. ዓከ 13 ጌዳ ዛጌ)።

41 ዩሱሴያ ሚጠነታ? ኩጮና ዒዛ ካላሚ፡- «ጌኤሽኬ! ኔ ጌኤሽካንዳጉዲ ታ ኮዔኔ» ጌዔኔ። 42 ዑያይዳ ከሰካ ፑርቶ ደርዓሢ ዓሢ ሐሻዛ ቤዘማና ዒዚ ጌኤሽኬኔ። 43 ዩሱሴ ዓሢ ዳካኣና ሂዚ ጌዒ ኮሺ" ላቲ" ዓይሤኔ፡- 44 «ሐያ ባኮ የአማኣ ኔ ኬኤዘዋጉዲ ኔና ዔሬ፤ ጋዓንቲ ዓኣዲጋፓ ኔና ቁኤሳሢም ዳዌ፤ ዴር"ማኣ ኔኤኮ ጌኤሽኪያ ማርካ ማዓንዳጉዲ ዩያጉዴ ደርዓሰካፓ ዳቁ ዓሳ ዒንጎም ጌዒ ሙሴ ዓይሤ ዒንጊያ የኦሲም ዒንጌ።»

45 ያዒ ማዔቶዋ ዓሢ ዒኢካፓ ከሰካዎ ዓሲም ቢያ ቤዘይዳ ኬኤዚሢ ዓርቄኔ። ዩያይዳፓ ዔቄያና ዩሱሴ ዎና ካታም ማዔቶዋ ፔጌና ጌላኒ ዳንዳዒባኣሴ። ጋዓንቲ ካታምኮ ዙላ" ዓሲባኣ ዔዌ ቤሰካ ናንጋኔ፤ ዓሳ ቢያ ቤዛፓ ዒዛ ባንሢ ሙካኔ።

2

ዩሱሴ ዎቦ ዓሢ ፒሼሢ
(ማቲ. 9፡1-8፤ ሉቃ. 5፡17-26)

1 ዩሱሴ ዳካ" ዓቢኮ ጊንፃፓ ቁፐርናሆሜ ጌይንታ ካታሜሎ ማዒ ሙኬኔ፤ ዒዚ ዒኢካ፣ ናንጋ ማኣራ ዓኣሢ ዋይዚንቲኔ። 2 ሚርጌ ዓሲ ሙኪ ጋርና ዙሎ"ና ቤሲባይዚ ኩሚ" ቡኪንቲኔ፤ ዩሱሴያ ዔያቶም ቃኣሎ" ኬኤዛኔ። 3 ዩማና ያይዶ ዓሲ ፔቲ" ሐንታኒ ዳንዳዒዎ ዎቦ ዓሲሰኬያ ኬዲ ዩሱሴ ባንሢ ሙኬኔ። 4 ዴር"ኮ ዲቡዎፓ ዔቄያና ዓሢ ዔያታ ዩሱሴ ሔሊ"ሳኒ ዳንዳዒባኣሢሮ ዩሱሴ ዓኣ ዛሎ"ና ሳኮ ሻሂ ዩሱሴኮ ቤርታ ዒዛ ኬዶና ሐላሢና ዎላ" ኬይሴኔ። 5 ዩሱሴ ዔያቶኮ ዎማዒ ጉሙርቁሢ ዓኣቲያ ዛጋያ፣ ሐንታኒ ዳንዳዒዎ ዎቦ ዓሢም፡- «ታ ናዓሢዮ ጎማ ኔኤኮ ዓቶም ጌዒንቲኔ» ጌዔኔ።

6 ሙሴ ዔርዜ ዎጎ ዔርዛዘንሢዳፓ ፔቲ" ፔቲ"ዘንሢ ዒኢካ ዴዒ ዓኣዎ ፔ ዒኖና፡- 7 «ዎዲ" ሐይ ዓሢ ሐያ ጌዒ ጌሰታይ? ሐይ የኦሲ ጫሽኪሢኔ፤ ፔቲ" የኦሲዳፓ ዓታዛ ጎሜ ዓቶም ጋዓኒ ዳንዳዒሢ ያናዳይ?» ጌዒ ማሌኔ።

8 ዩማዒ ጌዒ ዔያታ ማላኣና ዩሱሴ ቤዘማና ዔያቶኮ ዒኖ ማሊያ ፔ ዓያኖና ዔራዎ ሂዚ ዔያቶም ጌዔኔ፡- «ዒንሢ ዒኖና ዓይጎር ሐያ ጌይ ማላይ? 9 ሐያ ሃንታኒ ዳንዳዒዎ ዎቦ ዓሢም ጎማ ኔኤኮ ዓቶም ጌዒንቲኔ» ጌዒሢና «ዔቁ ኔኤኮ ኔና ዔኪሙኮና ሐላሢ ኬዲ ዓኣዴ» ጌዒሢዳፓ ዎና ሹሌዓይ? ጋዓዎ፣ 10 ዓሲ ናዓሢኮ * ሳያይዳ ጎሜ ዓቶም ጋዓኒ ዎልቁና ዓኣ ቢታንቶ ዓኣያ ማዔሢ ዒንሢ

1:44 ሉዊ. ዓኬ 4፡1-32። * 2:10 ዓሲኮ ናዓሢ፡- ጋዓ ሱንፃ ዩሱሴ ኮዦ ሐይሶ ማፃኣፓይዳ ፔና ዔኤላ" ሱንፃኬ።

ዔራሪዳጉዲ» ጌዔሰካፓ ሐንታኒ ዳንዳዑዋ ዋባሢም፡- 11 «ታኔኤም ጋዔ፤ ዔቁ ኔና ኬዲ ሙኮና ሐላሢ ኬዲ ኔ ማአሪ ዴንዴ» ጌዔ፡፡

12 ሐንታኒ ዳንዳዑዋ ዋባሢያ ቤዘማና ዔቃዎ ፔና ኬዲ ዔኪ ሙኮና ሐላሢ ኬዲ ቢያ ዓሳ ዛጋንቲ ኬሰኬ፡፡ ዩያሮ ዓሳ ቢያ ዲቃቲ ሄርሻዎ፡- «ሐያ ጉዴ ባአዚ" ኑ ዛጊ ቤቁ ባአሴ» ሂዚ ጌዔ ጌዔ ያኦሲ ጋላቴ፡፡

ዩሱሴኮ ለዊ ዔኤሊ"ዎ
(ማቲ. 9፡9-13፤ ሉቃ. 5፡27-32)

13 ዩማፓ ዩሱሴ ጌሊላ ባዘ" ዓጮ ላሚ ዓአዴ፤ ዴራ" ቢያ ዒዛ ባንሢ ሙካዛ፡ ዒዚ ዔያቶ ዔርዜ፡፡ 14 ዩካፓ ዒዚ ዴንዳኦና ዒላፒዮሴ ናአዚ" ለዊ ጎዎሢ ኮርሞም ማዓ ባአዚ"ፓ ቢያ ሚኢሾ ቡኩሳያታሢሮ ዒዚ ፔኤኮ ማዶ" ቤዛ ዓአንቲ ዛጋዎ፡- «ሐኒ ዩዔ» ጌዔ፡፡ ዒዚያ ዔቁ ዒዛ ጊንዎ ዓአዴ፡፡

15 ዩካፓ ዩሱሴ ለዊ ማአራ ሙኤዚሮ ጊኢጋዛ ሚርጌ ዓሲ ዒዛ ጊንዎ ሐንታሢሮ ዔያቶይዳፓ ሚርጌሢ ኮርሞም ማዓ ባኮይዳፓ ሚኢሾ ቡኩሳዘንሢና ጎሞ ዓሶናታዎ ዩሱሴና ዒዛኮ ጊንዎ ሐንታ ናአቶ"ና ዎላ" ሙዓኒ ዴዔ፡፡ 16 ፔርሴ ዓሶ ዜርፃፓ ማዔ፡ ሙሴ ዔርዜ ዎጎ ዔርዛዘንሢ ዩሱሴ ሚኢሾ ቡኩሳ ዓሶና ጎሞ ዓሶና ዎላ" ሙዓሢ ዛጋዎ፡- «ዓይጎሮ ዒዚ ዩያጉዴ ዓሶና ዎላ" ሙዓይ?» ጌዔ ዩሱሴኮ ጊንዎ ሐንታዘንሢ ያኦጩ፡፡

17 ዩሱሴ ዔያታ ዩያ ጋዓሢ ዋይዛዎ፡- «ዴኤሻ ዔራ ዓሲ ሐርጊንቲ ዓሲም ኮይሳንዳኦፓዓቴም ዎሊ" ዓሲም ኮይሱዎሴ፤ ታኦኒ ሙኪሢ ጎሞ ዓሶ ዔኤሊ"ኒ ማዓንዳኦፓዓቴም ጌኤኩ ዓሶ ዔኤሊ"ኒ ሙኪባአሴ» ጌዔ፡፡

ሙዎ ሐሺ"ዎ ዳምቦ ዛሎ" ያኦጩንቲ ያኦጩሢ
(ማቲ. 9፡14-17፤ ሉቃ. 5፡33-39)

18 ማሰካ ዮሐኒሴኮ ጊንዎ ሐንታዘንሢና ፔርሴ ዓሶና ሙዎ ሐሺ"ዎ ዳምቦ ካፓ፤፤ ዩያሮ ዓሳ ዩሱሴ ባንሢ ሙካዎ፡- «ማሰካ ዮሐኒሴ ጊንዎ ሐንታዘንሢና ፔርሴ ዓሶና ሙዎ ሐሺ" ዳምቦ ካካፓንቲ፡ ኔ ጊንዎ ሐንታዘንሢ ዩያጉዲ ካፑዎአሢ ዓይጎሮዳይ?» ጌዔ፡፡

19 ዩሱሴ ዔያቶም ማሐዎ፡- «ዑኡታ"ሢ ዔያቶና ዎላ" ዓአንቲ ዔፖ ዓሳ ሙዎ ሐሺ"ዎ ዳምቦ ካፓኒ ዳንዳዓ? ዑኡታ"ሢ ዔያቶና ዎላ" ዓአንቲ ዔያታ ሙዎ ሐሺ"ዎ ዳምቦ ካፓኒ ዳንዳዑዎሴ፡፡

20 ጋዓንቲ ዑኡታ"ሢ ዔያቶይዳፓ ዲማዳንዳ ዎይ ሙካንዳ፤ ዩዮ ዎዶ"ና ዔያታ ሙዎ ሐሺ"ዎ ዳምቦ ካፓንዳ፤» ጌዔ፡፡

21 «የጋታቱያ ዓኪ ዓፒላይዳፓ ዔኪ ጨሚ ዓፒላይዳ ዓገ ሲኩዋሴ፤ ዓገ ሲኩቶ ዓኩ ዓገፀ ጉርሚ ጨሞ ዓፒሎ ዳዳርዘንዳኔ፤ ዳርዒፀኣ ቤርታኣሰካፓ ፔቶ ዳልጋንዳኔ። 22 ዩያጉዲ ሶልኪ ዑሺ ሞሆ ጨንቁ ጾቲዳ ሺሜ ሞሃንቱዋሴ፤ ሞሃንቱቱ ጋዓንቱ ሺሜ ዑዣ ቡርቂ ጾቶ ዲኡሳንዳኔ። ዑዣኣ ላኣሊንታንዳኔ። ዩያር ሺሜ ዑሺም ዓኪ ጌኤሺ ጾቲ» ኮይሳኔ።

**ዓይሁደኮ ሐውሾ" ዓቦ ዛሎ" ጾኦጨንቱ ጾኦጨሢ
(ማቴ. 12፥1-8፤ ሉቃ. 6፥1-5)**

23 ዩሱሴ ዒዛኮ ጊንፆ ሐንታዞንሢና ሞላ" ዓይሁደኮ ሐውሾ" ኬሎ"ና ፔቱ" ዛርጌ ጎሺ ጊዴና ዓኣዳንቱ ዒዛኮ ጊንፆ ሐንታዞንሢ ዛርጎ ቲሻሢ ዲኡዚ ዲኡዚ ዔኪሢ ዓርቄ። 24 ዩያር ፔርሴ ዓሳ ዛጋፆ፡- «ሐኣዛጌ፥ ኔኤኮ ጊንፆ ሐንታዞንሢ ዓይሁደኮ ሐውሾ" ኬሎ"ና ማዳንቱዋ ባኣዚ" ዓይጎር ማዳይ?» ጌዒ ጾኦጨ።

25 ዩሱሴ ማሐፆ፡- «ዳውቱ ፔኤኮ ዓሶና ናይዳንቲ ሜታዳ ሞደ"ና ዒዚ ዓይጎ ማዳቶዋ ዒንሢ ማሊ ናባቢባኣዓዳ? 26 ዓቢያታሬ ጎፆሢ ቄኤሶኮ ቢያ ዑሢ ማዒ ማዳ ሞደ"ና ዒዚ ጾኦሲ ማኣሪ ጌሊ ቄኤሶይዳፓዓቱም ጾኦማኣ ላኣጊንቱያ ማዔ፥ ጾኦሲም ዒንጎና ካፆ ሙዔ፤፤ ዒዛና ሞላ" ዓኣ ዓሶማኣ ዒንጌ።»

27 ሐሣ ዩሱሴ ሂዚ ጌዔ፡- «ዓይሁደኮ ሐውሾ" ኬላ" ዓሰም ማዢንታንዳኣፓዓቱም ዓሲ ዩኖ ሐውሾ ኬሌሎም ማዢንቲባኣሴ።

28 ዩያጉዲ ዓሲኮ ናዓሢ ዩኖ ሐውሾ ዓቤሎኮዋ ጎዳኔ።»

3

**ዩሱሴ ኩቺ ሞቦ ዓሲ ዳቂሼሢ
(ማቴ. 12፥9-14፤ ሉቃ. 6፥6-11)**

1 ዩካፓ ዩሱሴ ዓይሁደ ዓሶኮ ቡኪንቶ ቤዞ ማዒ ጌሌኔ፤ ዒኣካ ፔቱ" ኩቺ ሞቦ ዓሲ ዓኣኔ። 2 ዓይሁደ ዓሶኮ ቡኪንቶ ቤዞይዳፓ ፔቱ" ፔቱ" ዓሳ ዩሱሴ ሞጎና ዓይሢሳኒ ኮዓፆ፡- «ሂንዳ ሐኖ" ዒዚ ሐውሾ ዓሶና ሐያ ሞቦ ዓሢ ፓሣቱ ኑ ዛጎም» ጌዒ ዒዛ ካፔ። 3 ዩሱሴ ኩጮ ሞቦ ዓሢም፡- «ሐይካ ሙኪ ባኣካ" ዔቄ» ጌዔ። 4 ዩካፓ ዒዚ ዔያቶ ጾኦጮፆ፡- «ዓይሁደኮ ሐውሾ ኬሎ"ና ዓይሢንቱሢ ኮሺ ማዳንዳጉዲም ፑርታ ማዳንዳጉዲዳይ? ሺምፖ ዳዳቂሾም ባባይዞምዳይ?» ጋዓዛ፥ ዔያታ ጋዓንቱ ዚቲኖ ጌዔ።

2:23 ላሚ. ሞሃ 23፥25። 2:25 1ሳሙ. 21፥1-6። 2:26 ሉቂ. ዓኬ 24፥9።

5 ዩሱሴ ዔያቶኮ ዒና" ዔኩዋያ ማዒ ዶጩሢረ የዪጋፓ ዒኢካ ዓኣ ዓሶ ዳጋዲ ዛጋያ ዋቦ ዓሢም፡- «ኩጮ ኔኤኮ ፒሺ» ጌዔኔ። ዒዚያ ፒሺ ዋዶ"ና ኩጮ ዳቄኔ። 6 ዩያሮ ፔርሴ ዓሳ ዓይሁዶ ዓሶኮ ቡኪንቶ ቤዛፓ ኬሰካዖ ዑኩና ዋማይዲ ዩሱሴ ዔያታ ሳይዛንዳቴያ ካኣታ"ሢ ሄሮዲሴ ዓሶና ዋላ" ዘርቴኔ።

ዴራ" ባዘ" ዓጫ ዩሱሴ ባንሢ ቡኪንቱሢ

7-8 ዩሱሴ ዒዛኮ ጊንፆ ሓንታዘንሢና ዋላ" ጌሊላ ባዘ" ባንሢ ዴንዴኔ። ዒማ"ና ዒዚ ማዳ ባኮ ዋይዜ ዓሳ ማርጌሢ ዒዛ ባንሢ ሙኬኔ፤ ዔያታ ሙኬሢ፡- ጌሊላይዳፓ፣ ዪሁዳይዳፓ፣ ዩሩሳላሚይዳፓ፣ ዔዶሚያሴይዳፓ፣ ዮርዳኖሴ ዋሮኮ ሱካ ዓኣ ዓጫ"ፓ ሓሣ ደሮሴና ሲዶና ጌይንታ ካታማፓኬ። 9 ዴሮ"ኮ ኮሺ" ዲቢያይዳፓ ዔቄያና ዓሳ ዒዛ ቱቺ ሜታሱዋጉዲ ዋኣዖና ፒንቆ ጎንጎ ዒዛም ጊኢጊሻንዳጉዲ ዒዛኮ ጊንፆ ሓንታዘንሢ ዒ ዓይሣኔ።

10 ማርጌ ዓሶ ዒዚ ቤርታ ዓውሴሢረ ሓርጌና ሜታዳ ዓሳ ቢያ ዒዛኮ ዑፆ ካኣማኒ ኮዒ ሒዒንታኔ። 11 ፑርቶ ዓያና" ዩሱሴ ዛጌ ዋዶ"ና ቢያ ዒዛኮ ቤርታ ሎኦሚ ሎኦሚ፡- «ኔኤኒ ያኦሲ ናዓሢኬ» ጌዒ ጌዒ ዒላቴኔ።

12 ዩሱሴ ፑርቶ ዓያኖም ዒዛኮ ጎኑም ኬኤዙዋጉዲ ዶዲሺ ጎሬኔ።

**ዩሱሴ ታጳ ላምዖ ዳኪንቱዘንሢ ዶኦሬሢ
(ማቲ. 10፡1-4፤ ሉቃ. 6፡12-16)**

13 ዩሱሴ ጌሚሮ ኬሰካዖ ዒዚ ኮዔዘንሢ ፔ ባንሢ ዔኤሌ"ኔ፤ ዔያታኣ ዒዛ ባንሢ ሙኬኔ። 14 ዔያታ ዒዛና ዋላ" ማዓንዳጉዲ፣ ዔርዛንዳጉዲ ዔያቶ ዳካኒ ታጳ ላምዖንሢ ዶኦሬ፡- «ዳኪንቱዘንሢ» ጋዓ ሱንሢ ጌሣኔ። 15 ሓሣ ፑርታ ዓያና ኬሳንዳጉዲ ዋልቁና ዓኣ ቢታንቶ ዔያቶም ዒንጌኔ።

16 ታጳ ላምዖ ዳኪንቱዘንሢ ማዒ ዶኦሬንቱዘንሢ ሓንሢኬ፡- ጳዲሮሴ ጌዒ ሱንፆ ጌሦና ሲሞኦኔ፣ 17 ቦንሮጌሴ ጌይፃ ጉጉንሢጉዲ ማዔ ዓሶንሢ ጌዒ ሱንፆ ጌሢንቱ ዜብዲዮሴ ናኣቶ" ያይቆኦቤና ዒዛኮ ጌርሲ ዮሓኒሴ፣ 18 ዒንዲራሴ፣ ፒሊጳሴ፣ ቤርቴሌሞሴ፣ ማቲዮሴ፣ ቶኦማኦሴ፣ ዒልፒዮሴ ናኣዚ" ያይቆኦቤ፣ ታዲዮሴ፣ ፔ ዓጮ" ማጩንታ ሲሞኦኔ፣ 19 ዩሱሴ ዓኣሢ ዒንጌ ዓሰቆሮንቶ ዪሁዳንታኬ።

**ዩሱሴና ቤዔልዛቡሌ ጌይንታ ፑርቶ ዓያኖኮ ሱኡጋሢና
(ማቲ. 12፡22-32፤ ሉቃ. 11፡14-23፤ 12፡10)**

3:9 ማር. 4፡1፤ ሉቃ. 5፡1-3።

20 ዩካፓ ዩሱሴ ማእሪ ጌላዛ ሚርጌ ዓሲያ ሙኪ ቡኬሢሮ ዒዛና ዒዛኮ ጊንያ ሓንታዞንሢናም ደዒ ሙዒን ማጌጌ። 21 ዩሱሴኮ ማእሮ ዓሳ፡- «ዒዚ ዣኸካኔ» ዓሳ ጋዓሢ ዋይዚ ዒዛ ዓርቂ ዔካኒ ሙኬጌ።

22 ዩሩሳላሜፓ ሙኬ ሙሴ ዔርዜ ዋጎ ዔርዛዞንሢ፡- «ዒዛይዳ ቢዔልዛቡሌ ዓኣኔ፣ ዒዚ ፑርቶ ዓያኖ ኬሳ"ሢ ሓያ ፑርቶ ዓያኖኮ ሱኡጋሢ ማዔ ቤዔልዛቡሌናኬ» ጌዒ ጌዒ ጌሰታኔ።

23 ዩሱሴ ዔያቶ ፔ ባንሢ ዔኤሌ" ኮኣኪንሢና ሂዚ ዔያቶም ጌዔ፡- «ፃላሂ ፃላሂ ዋዲ" ኬሳ"ኒ ዳንዳዒይ? 24 ፔቴ" ካኣቲ ዓጪ ዋለና ፓቂንቲ ያልቴቶ ዩኖ ዓጮ" ካኣቲማ ደዲ ናንጋኒ ዳንዳዒ-ዋሴ። 25 ሓሣ ፔቴ" ማእሪ ዓሲ ዋለና ዣሊ ፓቂንቲቴ ዩና ማኣሪላ ማእሪ ማዒኒ ዳንዳዒ-ዋሴ፤ 26 ዩያጉዲ ፃላሂ ዋለና ፓቂንቲቶ ጋፒንሢ ማዓንዳኣፓዓቴም ዔቃኒ ዳንዳዒ-ዋሴ፤

27 «ሓሣ ፔቴ" ዋልቂና ዓኣ ዓሲ ማእሪ ጌላኒ ዒዛ ዋልቆሲ ቤርታዲ ቱኪ"ባኣያ ዒዛኮ ዓኣ ባኮ ቡሪ ዔካኒ ዳንዳዒንቲዋሴ።»

28 ዩሱሴ ሃሣ ኬኤዛዎ፡- «ጎኔ ታ ዒንሢም ጋዓጌ፤ ዓሳ ማዳ ጎሞና ሓሣ ያኦሲ ጫሽካ ጫዣታዎ ዓቶም ጌዒንታንዳኔ። 29 ጋዓንቲ ዓያና ጌኤሽ ጫሽካሢም ቢያ ናንጊና ጋሌ ማዓንዳኣፓዓቴም ጎማ ዓቶም ጌዒንታዓኬ» ጌዔ።። 30 ዩሱሴ ዩኖ ጌዔሢ ዓሳ፡- «ዒዛይዳ ፑርታ ዓያና ዓኣኔ» ጌዔሢሮኬ።

ዩሱሴኮ ዒንደና ጌርሲንሢና
(ማቴ. 12፡46-50፤ ሉቃ. 8፡19-21)

31 ዩሱሴኮ ዒንደና ጌርሲንሢና ዒዚ ዓኣ ቤዞ ሙኪ ካራ" ዔቃዎ ዓሲ ዳኪ ዒዛ ዔኤሌ"ሴ።። 32 ዒዛኮ ዓጫ ደዒ ዓኣ ዓሳ ዒዛም፡- «ኔኤኮ ዒንዳኣ፣ ጌርሲንሢ፣ ጌርንሢ * ካራ" ኔና ኮዓኔ» ጌዒ ኬኤዜ።።

33 ዩሱሴ ዔያቶም፡- «ዒንዳ ታኣኮ ያናዳይ? ጌርሲንሢያ ያናንሢዳይ?» ጌዒ ማሓዎ፣ 34 ዒዛኮ ዓጫ ደዔ ዓሶ ባንሢ ዛጊ ዛጊ፡- «ሓኣቶ ዛጉዋቴ፣ ታኣኮ ዒንደና ጌርሲንሢና ሓኣቶኬ፤ 35 ያናታቴያ ያኦሲ ዓይሢያ ኩንሣዞንሢ ቢያ ታኣኮ ዒሾ ሚሾንታ ዒንደንታኬ» ጌዔ።።

3:22 ማቴ. 9፡34፤ 10፡25። 3:29 ሉቃ. 12፡10። * 3:32 ጌርንሢ፡- ጋዓዞ ፔቴ" ፔቴ" ሚናኣ ማፃኣፓ ቃሱ"ዋሴ።

4

ዜርሢ ዜርቃ ዓሲ ኮኦኪንሢ
(ማቴ. 13፡1-9፤ ሉቃ. 8፡4-8)

1 ዬሱሴ ጌለላ ባዞ" ዓጫ ላሚ ዔርዚሢ ዓርቄ። ኮሺ" ሚርጌ ዓሲ ዒዛ ባንሢ ሙኪ ቡኪንቴያ ማዔሢሮ፣ ዒዚ ዋኦያና ፒንቆ ጎንጎ ጋሮ ጌሊ ዴዔ፤ ዴራ" ጋዓንቴ ቢያ ባዞ" ዓጫ ዔቄ። 2 ዒዚ ዔያቶም ኮኦኪንሢና ሚርጌ ባኦዚ" ዔርዜ፤ ዔርዚያዎ ሒዚ ጌዒ ዓርቄ፡-

3 «ዋይዙዋቴ! ፔቴ" ዓሲ ዜርሢ ዜርቃኒ ኬሰኬ፤ 4 ዒዚ ጎዞይዳ ዜርቃኦና ፔቴ" ፔቴ" ዜርፃ ጎይፃ ዓጫ ኬዳ"ዛ ካፓ ሙኪ ሙዔ፤ 5 ዛሎ" ዜርፃ ዳካ" ዓጪ ዓኦ፣ ሓኦሻ ሳዒይዳ ኬዳ"ያ ሚርጌ ዓጪ ባኦሢሮ ዑኬና ባቃሌ። 6 ማዔቶዎ ዓባ" ኬሰኬ ዎድ"ና ሹሌ"ኔ፤ ፃጲ ባኦሢሮዎ ሜሌ። 7 ዛሎ" ዜርፃ ዓንጊሢ ቶሻ ባኦካ ኬዳ"ም ዓንጊፃ ዑጊ ባይዜሢሮ ዓኦቶዎ ዓቴ"። 8 ዓቴ" ዜርፃ ሓሢ ቃራ ሳዒይዳ ኬዳ"ሢሮ ባቃሌ፤ ባቃላ"ኦ ዑጊ ካጂ፤ ፔቴ"ዛ ሃይሢታሚ" ዓኦ፤ ባጌላ ላሢ"ታሚ" ዓቴ"ዛኦ ጃኤታ ዓኦ፤»

9 ዬሱሴ፡- «ሓያ ዎይዛሢ ኮሺ" ዎይዞንጎ!» ጌዔ።

ዬሱሴ ኮኦኪንሢና ኬኤዚሳኒ ማሄ ባኮ
(ማቴ. 13፡10-17፤ ሉቃ. 8፡9-10)

10 ዬሱሴ ፔኤሮ ማዔ ዎድ"ና ዒዛ ኮራ ዎይዞሮ ሙኬ ዓሶንታ ዒዛኮ ጊንፃ ሓንታ ታጾ ላምፃ ኦኦቶ"ንታ ኮኦኪንሢና ዒዚ ኬኤዜሢኮ ቡሊ"ያ ጾኤ። 11 ዒዚ ዔያቶም ሂዚ ጌዔ፡- «ዒንሢም ጾኦኪኮ ካኦቱዎ ማኦሮኮ ዓኦሺንቴ ዔራቶ ዒንጊንቴ፤ ሓንጎዎቶ ዙላ" ዓኦኦንሢም ጋዓንቴ ቢያ ባኦዚ" ኮኦኪንሢና ኬኤዚንታ። 12 ያዲ ማዔሢ፡-

«ዔያታ ጾኦኪ ባንሢ ማዒ
ጎማ ዔያቶም ዓቶም ጌዒንቴዎጉዲ
ዛጎ ዛጋያታፃ ዴንቁዎሴ
ዎይዞ ዎይዛያታፃ ዒና ዔኩዎሴ»
ጌይንቴ ጎይፃናኬ።

ዜርሢ ዜራ ዓሲኮ ኮኦኪንሢ ቡሊ"ያ
(ማቴ. 13፡18-23፤ ሉቃ. 8፡11-15)

13 ዬሱሴ ዔያቶም ሂዚ ጌዔ፡- «ዒንሢማኦ ሓይ ኮኦኪንሢ ዔርቱዎዳዳ? ሂዳፃ ሓንጎ ኮኦኪንሢ ቢያ ዎዲ" ዒንሢ ዔራኒ

ዳንዳዔይ? 14 ዜርቃህ ያኑሲ ቃኦ" ዜርቃኔ፤ 15 ቃኦ" ዜርቁንታ ዎድ"ና ጎይያ ዓጫ ኬዳ" ዜርፃላ ዳዎህ፡- ቃኦ" ዎይዛኦና ቤዘማና ዔያቶኮ ዒናይዳ ዜርቁንቲ ቃኦ" ፃላህ ዔካ ዓሶኬ። 16 ዬያጉዲ ሓኦቾ ሳይዳ ዜርቁንቲህ ዳዎህ፡- ቃኦ" ዎይዘያ ዑኩና ዎዛዲ ዔካዘንህ፤ 17 ጋዓንቲ ዔያታ ዳካ" ዎዴሮ ማዓንዳኦታዎ ያድሲ ፃጲ ባኦህሮ ዳካ" ዎዴኮ ጊንፃፓ ያኑሲ ቃኦ" ዛሎና ሜቶና ዳውሲህና ሙኬቶ ዳሲንቲ ኔጉዎያ ሓሻ"ኔ። 18 ዓንጊያ ቶሾ" ባኦካ" ዜርቁንቲ ዜርፃላ ዳዎህ፡- ቃኦ" ዎይዛ ዓሶንህ፤ 19 ጋዓንቲ ሓያ ዓጮ" ናንጎሮ ሜታዲያና ቆሎ ናሹዎና ሜሌ" ፓሁዎ ባኦዚ" ሱኡካዲህ ዔያቶኮ ዒናይዳ ጌላያ ያኑሲኮ ቃኦ" ዎሊ"ሲ ዓኦቻዎያ ማሓኔ። 20 ቃሮ" ዓጮ"ይዳ ዜርቁንቲ ዜርፃ ዳዎህ፡- ጋዓንቲ ቃኦ" ዎይዚ ዔካ ዓሶኬ። ዬያጉዳ ዓሳ፡- ፔቲ"ይ ሓይህታሚ"፣ ባጋህ ላሒ"ታሚ"፣ ዓቲ"ህ ፄኤታ ዓኦፒ ዓኦፓኔ።»

**ዓኦሻንቲ ፖዒ
(ሉቃ. 8፣16-18)**

21 ሄሊ"ሳያ ዬሱሴ ዔያቶም፡- «ዓሲ ፖዒ ፖዒ ሳያ ዔኤቢና ጉኡፒ ጌህ? ጌህህ ፖዓ ጴዳያ ዴጌ ቤሲዳቱዓዳ? 22 ዎይቲቶዎ ዓኦሻንቲ ባኦዚ" ፔጋዲዎያ ዓኦቾና ባኦዚ" ዔርቱዎያ ዓታዓኬ። 23 ዬያሮ ዎይዛ ዎይዚ ዓኦህ ዎይዘንጎ» ጌዔኔ።

24 ዬሱሴ ላሚ ዔያቶም፡- «ዎይዛ ባኮሮ ዒንህ ኮሺ" ዔሩዎቲ፤ ዒንህ ማካ" ባኮማና ዒንህም ማኪንታንዳኔ፤ ዬያፓ ዑህ ዒንህም ቃሲ"ንታንዳኔ፤ 25 ዔኤቢ ዓኦህም ጊዳ" ቃሲ"ንታንዳኔ፤ ዔኤቢ ባኦ ዓህዳፓ ዳካ"ታያ ዓኦቶ ዒማ ዔኪንታንዳኔ» ጌዔኔ።

ባቃሊ ዑጋ ዜርህኮ ኮኦኪንህ

26 ሄሊ"ሳያ ዬሱሴ ዔያቶም ሂዚ ጌዔኔ፡- «ያኑሲኮ ካኦቲማ ሳዓ ዜርህ ዜርቃ ዓሲ ማላኔ። 27 ዓህያ ዎንቶና ጊንዓኔ፤ ካራዛ ዒዚ ጴጫኔ፤ ዎማይዲታቲያ ዒዚ ዔሩዎንቲ ዜርፃ ባቃሊ ዑጋኔ። 28 ሳዓ ፔኤሮ ቤርታዲ ባቃልሲ፣ ሔሊ"ሳያ ጉኡሽኪሲ ዳዎኔ፤ ጊንፃፓ ጉኡዦ ዑያይዳ ዓኦፒ ጴዳኔ። 29 ሓኦካ ካረ ሜሌም ቡሮ ዎዳ" ሄሊ"ዛ ዓህ ዑኩና ሓኦኮ ቡኩሳኔ።»

4:21 ማቲ. 5፣15፤ ሉቃ. 11፣33። 4:22 ማቲ. 10፣26፤ ሉቃ. 12፣2። 4:24 ማቲ. 7፣2፤ ሉቃ. 6፣38። 4:25 ማቲ. 13፣12፤ 25፣29፤ ሉቃ. 19፣26። 4:29 ዓዲ. 3፣13።

ዳካ ሴናፕጩ ጌዲንታ ዜርሢኮ ኮኦኮንሢ

(ማቴ. 13፡31-34፤ ሉቃ. 13፡18-19)

30 ዩሱሴ ሂዚ ጌዴኔ፡- «ጾሱሲኮ ካኣቱማ ዓይኅ ማላኔ ኑ ጋዓንዳይ? ዓይጌንዴ ኮኦኪንሢና ኑ ዒዞ ኮሺ" ኬኤዛንዳይ?» ጌዲ ጾኦጩኔ። 31 «ዒዞ ሴናፕጩ ጌዲንታ ዳኮ" ዜርዩሎ ማላኔ፤ ዒዞ ዜርቁንታ ዎዶ"ና ሳዓ ዜርቁንታ ዜርጾይጋ ሲያ ኮሺ" ዳካ"ኬ። 32 ዜርቁንቲ ባቃሌሢኮ ጊንፃ ጋዓንቲ ዑጊዶና ቱኮ" ባኮ ሲያይዳጋ ባሻኔ። ጩሪንጮ ካጋ ዳዓንዳያ ሄላ"ንዳኣና ዴኤፒ ካኣፒ ጌታኔ።»

33 ዩሱሴ ዴራ" ጳቂሢኒ ዳንዳዓያ ዩንሢና ዩንሢ ማላ ሚርጌ ኮኦኪንሢና ጾኦሲኮ ቃኣሎ" ኬኤዜኔ። 34 ዒዚ ዔያቶም ኮኦኪንሢሢሣሢሣሢሣ ኬኤዙዎሴ፤ ጋዓንቲ ዒዚ ፔኤኮ ጊንፃ ሃንታዞንሢና ሌሊ ዓኣ ዎዶ"ና ሲያ ባኣዚ" ዔያቶም ኮሺ" ፔጋሲ ኬኤዛኔ።

ዩሱሴ ባዞ" ጉዳሢ ዚቲዴሢ

(ማቴ. 8፡23-27፤ ሉቃ. 8፡22-25)

35 ዩኖ ዓባ" ዋንቶ ዩሱሴ ፔኤኮ ጊንፃ ሓንታዞንሢ፡- «ኑኡኒ ባዞ"ኮ ሶንጌኖ ሱኮ ፒንቆም» ጌዴኔ። 36 ዔያታ ዴር"ይዳጋ ዳማዲ ዴዒ ዓኣ፡ ዎኣጾና ፒንቆ ጎንጎና ዩሱሴ ዔኪ ዴንዳኣና ማሌ" ዎኣጾና ፒንቆ ጎንጊያ ዓኣኔ። 37 ማዓዛ ዶዲ ዓልጋ ዎኣጾይ ዔቂ ዎኣፃ ጎንጋ ኩማንዳያ ሄላ"ንዳኣና ጉዳሢ ዎኣፃ ሃዓኔ። 38 ዩማና ዩሱሴ ዎኣጾና ፒንቆ ጎንጎኮ ጊንፃ ዛላ" ኬሬ ጌሢ ላሂ ዓኣንቲ ዒዛኮ ጊንፃ ሃንታዞንሢ ዒዞ ጴቻዎ፡- «ኑና ዔርዛሢኖ! ኑኡኒ ኩዴንቲም ኔኤኒ ዚቲኖ ጋዓ?» ጌዴኔ።

39 ዒዚ ጴጫዎ ዢባር ጎሬኔ፤ ባዞ"ዎ፡- «ዓጊደግ! ዚቲ ጌዴ!» ጌኤኔ፤ ዢባርኣ ዓጊሦ ሓሻ"ዛ ሲያ ባካ" ዚቲኖ ጌዴኔ። 40 ዩያር ዩሱሴ ዒዛኮ ጊንፃ ሓንታዞንሢም ጋዓዎ፡- «ዓይጎር ዒንሢ ሂዲ ዒጊጫይ? ጉሙርቁሢ ዎይቲ ዒንሢኮ ባይቁይ?» ጌዴኔ።

41 ዔያታ ኮሺ" ዒጊጪ፡- «ዓህ! ሓይ ጉዳሢንታ ባዞ"ንታ ዓይሢንታሢ ጾናዳይ?» ዎሊ ኮራ ጌዴኔ።

5

ዩሱሴ ፑርታ ዓያናና ዓርቁንቲ ዓሲሰኬያ ጋሢሢ

(ማቴ. 8፡28-34፤ ሉቃ. 8፡26-39)

1 ዩሱሴና ዒዛኮ ጊንፃ ሓንታዞንሢና ዎኣጾና ፒንቆ ጎንጎ ቶጊ ጌሊላ ባዞ" ፒንቃዎ ጌርሴኖኔ ዓጮ" ሄላ"ኔ። 2 ዒማና ዩሱሴ ዎኣጾና ፒንቆ ጎንጎይዳጋ ኬኤዳኣና ፑርታ ዓያናና ዓርቁንቲ ዓሲ ዴኡፒ ሴሲጋ ኬሰኪ ካኣጫኔ። 3 ዩያ ዓሢኮ ናንጋ ዴኡፒ ሴሲዳኬ፤ ጾኦኒያ

ዲዛ ካኒቢራቴና ቱኪ" ቃዛኒ ዳንዳዑዋሴ፤ 4 ዲዛኮ ቶኮና ኩጮና ሚርጌ ኬሊ" ዓንገ ዲፃና ካኒ ቢራታና ቱኡታኔ፤ ጋዓንጌ ዲ ቢያ ዋደና ካናቢራቶዋ ዲኡዚ ዲኡዚ ቶኮ" ዓንጎዋ ማንህ ማንህ ኬኤራኔ፤ ዬያሮ ዲዛ ዓርቁ ቃዛኒ ዳንዳዓ ዓይጎ ዓሲያ ባአሴ። 5 ቢያ ኬሊ" ዓሞና ሮኦሮና ዲኡፖ ባአኮ"ይዳ፣ ዲኮ" ዑይይዳ ዲላቴ ዲላቴ ሓንታዎ፣ ዑይዋ ፔኤኮ ቴሊንገና ቴቂ ቴቂ ኪፃሳኔ።

6 ዲዚ ዬሱሴ ዳካ" ሓኬ ዓአንጌ ዳንቃዎ ባንህ ጳሽኪ ሙኪ ጉምዓቴ ዚጌኔ። 7 ዬካፓ ፑኤፒ ዑኡሲና፡- «ኔኤኔ፣ ፑኤፖ ያኦሲ ናዓሂዮ ዬሱሴ! ኔኤና ታኣና ዓይጎ ፔቱሞ ዓአይ? ያኦሲ ሱንፃና ታ ኔና ሺኢቃኔ ሃዳራ ታና ማታሲፖ» ጌዲ ዲላቴኔ። 8 ዬያ ዲዚ ጌዔህ፡- «ሓይ ኔ ፑርቶ ዓያና"ህ፣ ሓያ ዓህ ሓሺ" ኬሰኬ!» ጌዲ ዬሱሴ ዓይህህሮኬ።

9 ዬሱሴ ዲዛ፡- «ሱንፃ ኔኤኮ ያናዳይ?» ጌዲ ያኦጮኔ፤ ዲዚያ፡- «ኑኤኒ ሚርጌታህሮ ሱንፃ ታኣኮ ዳሬኬ» ጌዲ ማሄኔ።

10 ፑርቶ ዓያናና ዓአ ዓህ ዬና ዓጮ"ፓ ዬሱሴ ዔያቶ ዳውሱዋጉዲ ደዲሺ ሺኢቁኔ።

11 ዬና ቤዘይዳ ሚርጌ ዓሲኮ ቆሎ ጉዲንህ ወዴ ጌሚሮ ጎኦባ" ሄንቃኔ፤ 12 ዬያሮ ፑርቶ ዓያና" ዬሱሴ ኮራ፡- «ሓዳራ ኑና ሓሴኬ ጉዲንፃ ባንህ ዳኬ፤ ኑኤኒ ዔያቶይዳ ዓአዲ ጌሎም» ጌዲ ሺኢቁኔ። 13 ዲዚ ዔያታ ጌላንዳጉዲ ዓይህዛ፣ ፑርቶ ዓያና" ዓህዳፓ ኬሰኪ ጉዲንፃይዳ ጌላኔ፤ ጉቤ ወዳ" ሴካ ላምፖ ሺያ ማዔ ጉዲንህ ማጎ ዋኣፃ ባንህ ዲርጊ ባዘ"ይዳ ጌሊ ዔኤዲንጎቴ ሓይቁኔ።

14 ጉዲንፃ ሄንቃዘንህ ጳሽኪ ዳንዲ ካታሞና ኮይሎ" ጉርዶ ቢያይዳ ሓይሶ ሚርጌና ዳልጊሼኔ፤ ዓሳ ማዔ ባኮ ዛጋኒ ፔኤኮ ማኣራፓ ማኣራፓ ኬሰኬኔ፤ 15 ዔያታ ዬሱሴ ባንህ ሙካዎ ዬይ ቤርታ ሚርጌ ፑርቶ ዓያናና ዓርቁንጌ ዓህ ዣኣኣህዳፓ ዳቁ፣ ዓፒሎ ፔኤኮ ማይንጎቴ፣ ዳዲ ዓአንጌ ዔያታ ዛጊ ዲቃቴ ዲጊጮኔ። 16 ዬያ ቤርታዲ ዛጌ ዓሳ ፑርቶ ዓያና" ዓርቁ ዓህና ጉዲንፃይዳ ማዲንጎቴ ባኮ ቢያ ዔያቶም ኬኤዜኔ።

17 ዬያሮ ዬና ዓጮ" ዓሳ ዬሱሴ' ዔያቶኮ ዓጮ"ፓ ኬሰኪ ዓአዳንዳጉዲ ዲዛ ሺኢቁኔ።

18 ዬሱሴ ዋኣፃና ፒንቆ ጎንጎ ጌላኣና ፑርቶ ዓያና" ዓርቁንጌ ፖዔ ዓህ፡- «ሓዳራ ታ ኔኤና ዋላ" ዓአዳም» ጌዲ ሺኢቁኔ።

19 ዬሱሴ ጋዓንጌ ዲዛ ላኣኔ፤ ዬሱሴ ዲሞ"ና ዲዛም፡- «ኔ ማኣሪ ዓአዲፓፓ ጎዳ ኔኤም ዋዚጉዴ ፑኤፒ ባኣዚ" ማዴቶዋ ሓህ ዋዲ" ኔና ማኣሪቶዋ ኔ ማኣሮ ዓሳም ኬኤዜ» ጌዔኔ።

20 ዓሢ ዩሱሴ ዒዛም ማዳ ባኮ «ታጾ ካታሞንሢ» ጌይንታ ዓጫ" ኬኤዛዛ፣ ዋይዜ ዓሳ ቢያ ዲቃቲ ሄርሼኔ።

ዒያዒርሴኮ ናይሰኬናንታ ዩሱሴኮ ዓፒሎ" ካኣሜ ላኣሊሰኬና ዛላ

(ማቲ. 9፥18-26፤ ሉቃ. 8፥40-56)

21 ዩሱሴ ዋኣዖና ፒንቆ ጎንጎና ባዘ" ሱኮ ገንሣ ማዒ ፒንቃዛ ማርጌ ዴሬ ዒዛ ኮራ ቡኬኔ፤ ዒማ"ና ዒዚ ባዘ" ዓጫኬ። 22 ዒኣካ ዒያዒርሴ ጌይንታ፣ ዓይሁዶ ዓሶኮ ቡከንቶ ቤዘ ሱኡጎይዳፓ ፔቲ"ሰኬይ ሙኪ ዩሱሴ ዳንቃዖ ዒዛኮ ቶኮ" ዳማ" ሎኦሚ፡-

23 «ታኣኮ ዳካ" ዉዳሮ ናይሰኬማ ሃርገንቲ ባኣሴ ሃይቃኒ ዑኬኔ! ዩያሮ ሙኪ ዒዛ ዳቃንዳጉዲ ሓሣ ሹሞፔና ዒዛ ናንጋንዳጉዲ ሓዳራ ኔኤኮ ኩጮ ዒዛ ዑፃ ጌሣቴራ» ጌዒ ዶዲሺ ሺኣቄኔ።

24 ዩያሮ ዩሱሴ ዒዛና ዋላ" ዓኣዳኒ ዔቄኔ፤ ዒማ"ና ማርጌ ዓሲ ዩሱሴና ዋላ" ጎይዖ ዒዛ ቱቺ ዳንዳኔ።

25 ዒኣካ ታጾ ላምዖ ሌዔ ጉቤ ሱጉሣ ሸኦቲ ማርጌ ማታሳ ላኣሊሰኬና ዓኣኔ። 26 ዒዛ ማርጌ ዳኤሻ ዔራ ዓሶ ኮራ ዓኣዳቶዋ ፔኤኮ ማኢሾ ቢያ ጉሪ ጋፕሴኔ፤ ጋዓንቴ ዳቆንዶ ዋዳ" ሴካ ባሻንዳኣፓዓቲም ፖዒባኣሴ። 27 ዒዛ ዩሱሴ ዛሎ" ዋይዜያታሢሮ ዴሮ"ኮ ባኣከና ዒዛኮ ገንዖ ዛሎ"ና ሙኪ ዓፒሎ ካኣሜኔ። 28 ዩያ ዒዛ ማዳሢ፡- «ታ ዒዛኮ ዓፒሎ"ታዖ ካኣሜቶ ዳቃንዳኔ» ጌዒኬ።

29 ዩማ ዒዛ ዓፒሎ" ሄሄላዛ ዒዛኮ ሾኦታ" ሱጉፃ ዔቄኔ፤ ሓርጋሰካፓ ዳቄሢ ዒዛም ዑዖይዳ ዔርቴኔ። 30 ቤዘማና ዩሱሴይዳፓ ዋልቄ ኬሰኬሢ ዒዚ ዔራዖ ዴሮ" ባንሢ ሺራ፡- «ታኣኮ ዓፒሎ ሔሌ"ሢ ዖናዳይ?» ጌዒ ዖኦጩኔ።

31 ዒዛኮ ገንዖ ሓንታ ናኣታ"፡- «ዓሳ ሓያይዳ ቱቺንቲ ዓኣዳሢ ኔ ዛጋያታዖ «ዖኦኒ ታና ካኣሜይ» ኔኤኒ ዋዲ" ጋዓይ?» ጌዒ ማሄኔ።

32 ዩሱሴ ጋዓንቴ ዩኖ ዖኦኒ ማዳቶዋ ዔራኒ ኮሮ ሺሪ ዛጌኔ።

33 ዓሴላ ዒዛም ዓይጌ ማዳንቴቶዋ ዔራሢሮ ዓጊቹሞና ጎጋይቄ ጎጋይቄ ዒዛኮ ቶኮ" ዳማ" ሎኦሚ ጎኡሞ ቢያ ኬኤዜኔ። 34 ዩሱሴ ዒዛም፡- «ታ ናዔሌ፣ ኔና ኔኤኮ ጉሙርቁፃ ፓሣኔ፤ ኮሺና ዓኣዳ፣ ማታ"ፓኣ ዳቄ» ጌዔኔ።

35 ዩሱሴ ዩኖ ኬኤዛ ጎይሣ ዓኣንቴ ዒያዒርሴ ማኣራፓ ኪኣታ ዓሲ ሙኪ፡- «ናዔላ ኔኤኮ ሓይቄሢሮ ማይ ኔኤኒ ዔርዛሢ ዓይጎሮ ላቢ"ሳይ?» ጌዒ ዒዛም ኬኤዜኔ።

36 ዩሱሴ ጋዓንቴ ዩያ ዔይታ ጋዓሢ ዋይዛዖ ዒዛም፡- «ፔቲ"ታዖ ዓጊጩፖ ጉሙርቁሢ ሌሊ ጉሙርቁ» ጌዔኔ። 37 ማዓዛ ዩሱሴ ጴዒሮሴና ያይቆኦቤና ያይቆኦቤኮ ጌርሲ ዮሓኒሴናይዳፓ ዓታዛ

ያኒኒያ ዲዛና ዓኣዳንዳጉዲ ኮይባኣሴ። 38 ዔያታ ዲያዲሮሴ ማኣሪ ሔላ"ዛ ዓሳ ዲኢካ ዲርጊ ዲላቲ ዲላቲ ዩኤካንቴ ዩሱሴ ዛጌ። 39 ዲማ"ና ዲዚ ጋሮ ጌለዎ፡- «ሓይ ዲርጋሢና ዩኤፖና ዓይጎሮዳይ? ናዔላ ጊጊንዓንዳጋዓቲም ሓሓይቁባኣሴ» ጌዒ ዔያቶም ከኤዜ።

40 ዓሳ ዲዛኮ ሃይሶ ቦሃዎ ማኢጮኔ፤ ዩሱሴ ጋዓንቴ ጉቤሢ ዙሎ" ከሲ"፤ ናዔሎኮ ዓዳና ዲንዳና ሓሣ ዲዛኮ ሓይሃ ጊንዎ ሓንታ ናኣቶ"ንሢና ዎላ" ናዔላ ዓኣ ቤዘ ጌሌ። 41 ዲዚ ዲዛኮ ኩጮ ዓርቃዎ፡- «ፃሊታ ኩሚ!» ጌዔ። ጌይፃ «ዓንቆ፥ ታኣኒ ኔና ዔቁ! ጋዓኔ» ጌይሢኦ።

42 ዩና ናዔላ ታጳ ላምዎ ለዔ ናይኬ፤ ቤዘማና ዲዛ ዔቃዎ ሴካ ሓንጋ ጌዒ ሓንቲሢ ዓርቁ፤ ዩይ ያዲ ማዔ ዎድ"ና ዓሳ ዛጋዎ ሚርጌና ዲቃቲ ሂርሼ። 43 ጋዓንቴ ዩሱሴ ዔያቶም ያኣማኣ ከኤዙዎጉዲ ደዲሺ ላታዎ፡- «ዲዘም ሙዎንዶ ባኣዚ" ዲንጉዎቲ» ጌዔ።

6

ዩሱሴ ናዚሬቴይዳ ዲዲንቴሢ (ማቴ. 13፥53-58፤ ሉቃ. 4፥16-30)

1 ዩሱሴ ያገ ቤዘ ሓሺ" ፔኤኮ ዓጮ" ካታም ሙኬ፤ ዲዛኮ ጊንዎ ሓንታዘንሢያ ዲዛ ጊንዎ ሙኬ። 2 ዓይሁደኮ ሓውሾ ዓቦ"ና ዔያቶኮ ቡኪንቶ ቤዘ ዲዚ ዔርዘሢ ዓርቁ፤ ሚርጌ ዓሲ ዲኢካ ዓኣ፤ ዲዚ ከኤዛሢ ዔያታ ዎይዛዎ፡- «ዓንካገ ዲዚ ሓያ ቢያ ዴንቁይ? ዎዚጉዴ ዔራቶዳይ ዲዘም ዲንጊንቴሢ? ሓያ ዲቃሣ ዓኮ ባኮ ዎዲ" ዲዚ ማዳይ?» ጌዒ ጌዒ ዲዛ ሂርሼ። 3 ጊንሣ ሓሣ ዔያታ ጋዓዎ፡- «ማዔቶም ሃይ ሚዎ ዓርሳ ሓኣማሢቲዓዳ? ዲንዴላ ዲዛኮ ማይራም ሓሣ ጌርሲንሢ ዲዛኮ ያይቆኣቤ፥ ዮሳ፥ ዪሁዳ፥ ስሞኣኔንታ ጌርንሢያ ዲዛኮ ሓይካ ኑኡና ዓኣዘንሢቲዓዳ?» ጌዒ ዲዚ ከኤዛ ባኮ ዔኩዎዎ ሃሺ"።

4 ዩሱሴ ዔያቶም ከኤዛዎ፡- «ፆኦሲ ማሊሢ ከኤዛይ ሜሌ" ዓሲ ኮራ ቦቦንቲንታ፤ ፔኤኮ ዓጮ"ይዳ፥ ፔኤኮ ዲጊና ባኣኮ"ና ፔኤኮ ማኣሮ ዓሶና ባኣካ" ቦቦሂንታ።» ጌዒ ማሄ።

5 ዲዚ ዲኢካ ዳካ" ሓርጊንቴ ዓሲኮ ሌሊ ዑፃ ኩጮ ጌሢ ፓሢያገዓቲም ሜሌ" ዓኪ ዲቃሣ ባኣዚ" ማዲኒ ዳንዳዒባኣሴ። 6 ዓሶኮ ጉሙርቁሢ ባኣሢሮ ዲዚ ዲቃቴ፤ ዩካገ ዩሱሴ ጉርዶ ባኣኮ" ሓንቲ ሓንቲ ዔርዜ።

6:4 ዮሐ. 4፥44።

**ዬሱስ ታጾ ላምዎ ዳኪንቴዞንሢ ኮዦ ሃይሶ ኬኤዞም ዳኬሢ
(ማቴ. 10፥5-15፤ ሉቃ. 9፥1-6)**

7 ዒዚ ታጾ ላምዎ ዒዛኮ ጊንጾ ሓንታ ናኣቶ" ፔ ባንሢ ዔኤሊ" ላምዎ ላምዎ ማሂ ዔያቶ ዳኬኔ፤ ዒዚ ዔያቶም ፑርቶ ዓያኖ ዑያይዳ ዋለቁና ዓኣ ቢታንቶ ዒንጌኔ። 8 ዬሱስ ዔያቶም ኪኢታዎ፡- «ዒንሢ ጎይዖኮ ኮኣሎ"ፓ ዓታዛ ጋላ፡ ጋላ ዓርቆ ሉካ"፤ ሚኢሼታቶዎ ቡራሻይዳ ዓጊ ዔኪፖቴ» ጌዒ ዓይሣኔ። 9 ዒ ኬኤዛዎ፡- «ቶካ" ዒንሢኸ ዱርሲ ዓኣሣንዳፓዓቴም ቃሲ" ላምዎ ማኣዎ ማኣዒፖቴ፤ 10 ዓንካኣ ማዎም ዒንሢ ዓሲ ማኣሪ ጌሌቶ ዒኢካፓ ኬሰካንዳያ ሄላ"ንዳኣና ዓማካ ዴዑዋቴ፤ 11 ዋካ ማዔቶዎ ዓሳ ዒንሢሲ ዔኩዋያና ዋይዙዋ ቤዛ ቢያ ዒንሢኮ ቶኮ" ሲላሎ ፒዒ"ፓፓ ኬሰኪ ዓኣዲዋቴ። ዬይ፡- ዔያቶም «ዒንሢና ዔሩዋቴ» ጋዓ ማርካ ማዓንዳኔ» ጌዔኔ።

12 ዬያር ዔያታ ኬሰኪ ዓሳ ፔኤኮ ጎም ቡኡፃንዳጉዲ ኬኤዜኔ። 13 ዔያታ ሚርጌ ፑርታ ዓያናኣ ኬሴ"ኔ፤ ሓሣ ሚርጌ ሓርጊንቴ ዓሲ ዛይቴ ቲሺና ቲሺኪ ዓውሴኔ።

ማሰካ ዮሓንሴኮ ሓይቦ"
(ማቴ. 14፥1-12፤ ሉቃ. 9፥7-9)

14 ዬሱሴኮ ማዳ" ቢያ ቤዘይዳ ዋይዚንቴሢረ ካኣቲ ሄርዲሴያ ዒዛ ዛሎ" ዋይዜኔ። ፔቴ" ፔቴ" ዓሳ፡- «ማሰካ ዮሓንሴ ሃይባ"ፓ ዔቄኔ፤ ዬያር ሃይ ጉቤ ዋይዚንታ ባካ ዒዛና ማዲንታያኬ» ጋዓኔ።

15 ዓሳ ዛላ"፡- «ዒዚ ዔኤሊያሴኬ» ጋዓኔ፤ ዛላ" ሃሣ፡- «ሚናኣ ዖኦሲ ማሊዖ ኬኤዞዞንሢዳፓ ፔቴ"ያኬ» ጋዓኔ።

16 ዬያ ካኣቲ ሄርዲሴ ዋይዛዎ፡- «ዬይ ታኣኒ ቶኦኮ" ቲቂሴ ማሰካ ዮሓንሴታዎ ሓይባ"ፓ ዔቄያዋይ ሜሌ"ቱዋዋይ!» ጌዔኔ።

17 ሄርዲሴ ፔኤኮ ጌርሲ ፒልጶሴ ማቾ ሄርዲያዳ ዔኬም፤ 18 ዬያ ዛሎ"ና ማሰካ ዮሓንሴ፡- «ጌርሲ ማቾ ዔኮና ኔኤኒ ዳቤኔ» ጌዒ ጎሪሢረ ካኣቲ ዒዛ ዓይሢ ቱኡሴኔ።

19 ዬያር ሄርዲያዳ ዮሓንሴ ኮሚ ዋዲሳኒ ኮዔቶዎ ዒዛ ዳንዳዒባኣኔ። 20 ዓይጎር ጌዔቶ ካኣቲ ሄርዲሴ ማሰካ ዮሓንሴ ጌኤሺ ሓሣ ደሎ" ዓሲ ማዔሢ ዔሪ ዒጊጨ ካፓሢረኬ። ማሰካ ዮሓንሴ ኬኤዛ ዋድ"ና ካኣቲ ዲቃታቶዎ ዋዛና ዒዛሲ ዋይዛኔ።

21 ማዓዛ ካኣቲ ሄርዲሴ ፔኤኮ ሸይንቴ ኬሎ" ቦንቻያ ማዔሢር ዓጮ" ዋይሣ ዓሶና ፖኦሊሶኮ ሱኡጎና ፔቴ" ፔቴ" ጌሊላ ዓጮ"ይዳ

6:8 ሉቃ. 10፥4-11። **6:11** ዳኪ. ማዳ" 13፥51። **6:13** ያይ. 5፥14።
6:15 ማቴ. 16፥14፤ ማር. 8፥28፤ ሉቃ. 9፥19። **6:18** ሉቃ. 3፥9-20።

ዔርቲ ዓሰናም ደኤፒ ሙኡዚ" ገአጊሼኔ፤ ዬና ሄሮዲያዳም ዒዛ ማሊያና ካአማያ ማዔኔ። 22 ዒማ"ና ሄሮዲያዳኮናአ ሙያ ቤዛ ገሊ ኮያና ካአተጎታ ዒዛና ዎላ" ዒአ ዓሰዎ ዎዛሴሢሢር ካአተና ዔሎም፡- «ኔኤኒ ኮዓ ባካ ዓይገንዴ ማዔታቶዎ ያኦጩ፤ ታኣኒ ዒጎጎንዳኔ፤ 23 ታኣኮ ካአቱዎኮ ዛሎ" ማዔቶዎ ኔኤኒ ያኦጩ ባኣዚ" ቢያ ዒጎጎንዳኔ» ገዒ ጫአቄኔ።

24 ዒዛ ዒጎዶ ኮይላ" ኬሰኪ ዓኣዲ፡- «ዓይጎ ታ ዒዛ ያኦጩቶ ቃራዳይ?» ገዒ ያኦጩኔ። ዒጎዳ፡- «ማሰካ ዮሐንሴኮ ቶኦኮ" ታኣም ዒጎገ ገዒ ያኦጩ» ገዒ ማሄኔ።

25 ናዔላ ዑኩና ሩኡሪ ካአተ ባንሢ ማዒ ሙካዖ፡- «ማሰካ ዮሐንሴኮ ቶኦኮ" ሃሢ ሐይማካ ጎንጊዳ ታኣም ኔ ዒጎጎንዳጉዲ ታ ኮዓኔ» ገዒ ያኦጩኔ።

26 ሂዚ ገዒ ዒዛ ያኦጩሢሢር ካአተ ኮሺ" ያዬኔ፤ ጋዓንቴ ዒዛ ያኦጩ ባኣዚ" ኮንሢኒ ዒዛኮ ሸኦጩ ጉቤሢኮ ቤርታ ዒዚ ጫአቄሢሢር ዒዚ ላኣጋኒ ዳንዳዒባኣሴ። 27 ዬያሮ ካአተ ዑኩና ፖኦሊሶይዳፓ ፔቴ"ሰኬያ ማሰካ ዮሐንሴኮ ቶኦኮ" ተቂ ዔኪ ዬዓንዳጉዲ ዳኬኔ፤ ፖኦሊሶሢሢር ጭኦ ማኣሪ ዳንዲ ማሰካ ዮሐንሴኮ ቶኦኮ" ተቄኔ። 28 ተቂንቴ ቶኦኮ" ጎንጊዳ ዓጊ ዔኪ ናዔሎም ዒጎገኔ፤ ናዔላ ዔኪ ዒጎዴሎም ዒጎገኔ። 29 ማሰካ ዮሐንሴኮ ጊንያ ሐንታዞንሢ ዬያ ዎይዜ ዎዶ"ና ሙካዖ ሌዛ ዒዛኮ ዔኪ ዲኡኬኔ።

ዬሱሴ ደንጎ ሺያ ዓሲ ሙኡዜሢሢ
(ማቴ. 14፡13-21፤ ሉቃ. 9፡10-17፤ ዮሐ. 6፡1-14)

30 ዳኪንቴዞንሢ ዳኪንቴ ቤዞይዳፓ ማዒ ዬሱሴ ኮራ ቡኬኔ፤ ዔያታ ማዴ ባኮና ዔርዜሢሢር ቢያ ዒዛም ኬኤዜኔ። 31 ዒዚ ዔያቶም፡- «ዒንሢሢር ሌሊ ታኣና ዎላ" ዓሲባኣ ቤሲ ሙኪ ዳካ" ሐውሹዎቴ» ገዔኔ። ዬያ ዒ ገዔሢ ዔያቶ ኮይላ" ሙካ ዓሰና ዓኣዳ ዓሰና ሚርጋዛ፤ ሙዒኒያ ዔያቶም ማገሢሢሢር። 32 ዬያሮ ዓሰባኣ ቤዞይዳ ዔያታ ሌሊ ማዓኒ ዎኣያና ፒንቆ ጎንጎ ቶጊ ዓኣዴኔ።

33 ማዔቶዎ ዔያታ ዓኣዳኣና ሚርገ ዓሲ ዔያቶ ዛጊ ዔሪ ፔኤኮ ካታማፓ ኬሰኪ ቶኪና ጳሽኪ ጳሽኪ ዔያቶ ቢራዖ ዔያቶ ኮራ ቡኬኔ። 34 ዬሱሴ ዎኣያና ፒንቆ ጎንጎይዳፓ ኬዳ"ኣና ሚርገ ቡኬ ዴሮ" ዛጋዖ ዔያታ ሄንቃ ዓሲባኣ ማራይጉዴያ ማዔሢሢር ዒዛኮ ዒና" ዔያቶ ሚጩንቴኔ፤ ዬያሮ ዒዚ ሚርገ ባኣዚ" ዔርዜሢሢር ዓርቄኔ። 35 ሰዓ ዓማኣ ጋዓዛ ዒዛኮ ጊንያ ሐንታ ናኣታ" ዒዛ ባንሢ ሙኪ፡- «ሰዓ

6:34 ፓይ. ማፃ 27፡17፤ 1ካኣቶ". ማ 22፡17፤ 2ዖኦሲ. ዓሃኬ 18፡16፤ ሂዚ. 34፡5፤ ማቴ. 9፡36።

ዓሜኔ፤ ቤዛ ሓይ ዔኤቢባኣ ዓሲ ናንጉዋ ዳውሎ"ኬ፤ 36 ሙዖ ባኣዚ" ዓሶኮ ባኣሢሮ ሃይካ ጉርዶይዳፓ ዴንዲ ፔኤኮ ሙዖ ባኣዚ" ሻንቃንዳጉዲ ዓሶ ዳኬ» ጌዔኔ።

37 ዩሱሴ ጋዓንቴ፡- «ዔያታ ሙዓንዳ ባኣዚ" ዒንሢ ዔያቶም ዒንጉዋቴ» ጌዒ ማሄኔ። ዔያታ፡- «ሂዴቶ ዓሳ ሙዓንዳ ካሣ ፔቴ" ዓሲ ላምዖ ዪኤታ ኬሊ" ማዴም ዒንገንታንዳ ሚኢሼና ሻንቁ ኑ ዒንጎንደሞ?» ጌዒ ዖኦጩኔ።

38 ዩያሮ ዩሱሴ ዔያቶ ዖኦጩ፡- «ዓኣፒኒ ካሣ ዓኣቴ ሂንዳ ዴንዲ ዛጉዋቴ» ጌዔኔ። ዔያታ ዛጋዖ፡- «ዶንጎ ካሣና ላምዖ ሞሎሰኬንሢሢና ዓኣኔ» ጌይ ኬኤኬኔ።

39 ዩሱሴ ፔ ጊንዖ ሓንታዞንሢም ዓሶ ፓቂ ፓቂ ቡጩይዳ ዴይሠጉዋቴ ጌዒ ዓይሢኔ። 40 ዩያሮ ዓሳ ዎሊ ጊንዖ ዛላ" ዪኤታ ዛላ" ደንጊታሚ" ማዒ ፓቂንቴ ፓቂንቴ ዴዔኔ። 41 ዩካፓ ዩሱሴ ዶንጎ ካዖንሢሢ ላምዖ ሞሎንሢያ ዔኪ ጩሪንጩ ባንሢ ዛጊ ዖኣሲ ጋላታዖ ቡንዲ ዒዛኮ ጊንዖ ሓንታ ናኣታ" ዓሶም ጊሸካንዳጉዲ ዒንጌኔ፤ ሓሣ ላምዖ ሞሎንሢያ ቢያሢም ጊሸኬኔ። 42 ቢያሢ ሙዒ ሚሸኬኔ። 43 ዓሳ ሙዒ ሚሸካዛ ዓቴ" ካሦና ሞላሢናኮ ዶንቦ ዒዛኮ ጊንዖ ሓንታ ናኣታ" ታጾ ላምዖ ዳልጊ ሌማቴ ኩሙሢ ዔኬኔ። 44 ካሦ ሙዒ ዓሶይዳፓ ዓቴንቆ ፓይዳ" ሌሊ ዶንጎ ሺያኬ።

ዩሱሴኮ ዋኣዖ ዑፃ ሓንቲዖ
(ማቴ. 14፡22-33፤ ዮሐ. 6፡15-21)

45 ዩሱሴ ዓሶ ዳካኣና ዒዛኮ ጊንዖ ሓንታዞንሢ ዑኬና ዋኣዖና ፒንቆ ጎንጎና ሱኮ ቤቴሳይዳ ጌይንታ ቤዞ ቢሪ ዒዛ ፒንቃንዳጉዲ ዒ ዓይሢኔ። 46 ዒዚ ዓሶ ኮሺ ዓኣዲዎቴ ጌዔሢኮ ጊንዖፓ ሸኢቃኒ ጌሜሪ ኬሰኬኔ። 47 ሳዓ ዓማኣና ዋኣዖና ፒንቆ ጎንጋ ዋኣዖ ሳዛ" ዓኣንቴ ዩሱሴ ፔኤሮ ሌሊ ሳይይዳ ዓኣኔ። 48 ዒዛኮ ጊንዖ ሓንታዞንሢ ዔያቶኮ ቤርታ ዠባርሻ ዠባርይዳፓ ዔቂያና ዋኣዖና ፒንቆ ጎንጎ ዒሾ ባሸንጉ ሚርጌ ሜታዳንቴ ዒዚ ዛጌኔ፤ ዩይ ያዲ ማዔሢ፡- ዲሞኮ ሴካ ባራሪ ኮይዳ ቂኢቃኣና ጉዴያናኬ፤ ዩሱሴ ባዞ" ዑፃ ቶኪና ሓንቲ ሙካዖ ኮርሳ ዔያቶኮ ቢሪ ዓኣዲኒ ዑኬኔ። 49 ጋዓንቴ ዔያታ ዒዚ ዋኣዖ ዑፃ ሓንታንቴ ዛጋዖ ዓልጎ ዔኤኬ ዔያቶም ማላዛ ዒጊጩ ዒላቴኔ። 50 ቢያሢ ዒዛ ዛጋዖ ዲቃቴኔ።

ዒዚ ጋዓንቴ ቤዞማና፡- «ሓይ ዒንሢ ዎይታይ፤ ታናኬ ዒጊጩፖቴ» ጌዒ ዔያቶ ደዲሼኔ። 51 ዩካፓ ዒዚ ዔያቶ ኮራ ዋኣዖና ፒንቆ ጎንጎ ጋሮ ጌላዛ ዠባራ ዠባርሺዮ ሓሺ"ኔ። ዒዛኮ ጊንዖ ሓንታ ናኣታ" ጉቤ ሓያጉዴ ባኣዚ" ጌዒ ኮሺ" ዲቃቴ ሄርሼኔ።

52 ዓይጎር ጌዔቶ ዒና" ዔያቶኮ ደንጎ ካሦና ማዲንቴ ባኮ ጰቂሠብዎያ ማዒ ደጩሢርኩ።

ዩሱሴ ጌንሴሬፄ ጎዖ ቤዛ ሓርጊንቴ ዓሶ ዓውሴሢሢ
(ማቴ. 14፡34-36)

53 ዔያታ ባዘ"ና ፒንቂ ጌንሴሬፄ ካታሞ ሄሌ"ኔ፤ ዋእዖና ፒንቆ ጎንጎ ዔያታ ባዘ" ዓጫ ዓኣ ሳዖ ባንሢ ደጩሲ ቱኩ"ኔ። 54 ዔያታ ዋእዖና ፒንቆ ጎንጎይዳፓ ኩኩዳ"እና ዓሳ ዩሱሴ ቤዘና ዔሬኔ። 55 ዩያር ዩሱሴ ዓኣጳ ቤዘይዳ ቢያ ዒዚ ዓኣ ቤዘ ዋይዜ ዓሳ ጉርዶ ባኣኮ" ጳሽኪ ሓርጊንቴ ዓሶ ሓሎና ኩዲ ኩዲ ዒዛ ባንሢ ዔኪ ሙኪሢሢ ዓርቂኔ። 56 ዩሱሴ ዓኣጳ ቤዘይዳ ቢያ፡- ጉርዶ ባኣካ"፡ ካታሞይዳ፡ ካታሞ ዙላ" ሓርጊንቴ ዓሶ ዒዛ ቤርቶ ዓሳ ቡኪንታ ቤዘ ዔኪ ዔኪ ሙካኔ፤ ዒዛኮ ዓፒሎ ዓጮ ዓርቃኒያ ዔያታ ሺኢቃኔ። ዓፒሎኮ ዓጮ ዓርቃሢያ ቢያ ዳቃኔ።

7

ዓሳ ኩሴ" ዎጎ ዩሱሴ ማኬሢ
(ማቴ. 15፡1-9)

1 ፔርሴ ዓሶና ዩሩጎላሚፓ ሙኬ ፔቴ" ፔቴ" ሙሴ ዔርዜ ዎጎ ዔርዛ ዓሶና ዩሱሴ ኮራ ቡኩኔ። 2 ዩሱሴኮ ጊንዖ ሃንታዘንሢዳፓ ፔቴ" ፔቴ"ዘንሢሢ ሙሴ ዎፓ" ዓይሢ ጎይዖ ጌኤሽኪባኣ ኩቺና ሙዓንቴ ዔያታ ዘጌኔ።

3 ፔርሴ ዓሶንታ ሓሢ ዓቴ" ዓይሁዶ ዓሳ' ጨማ ዔያቶኮ ኩሴ" ዎጎ ካፒዖና ኩጮ ፔኤኮ ኮሺ" ማሰቲባኣዖ ሙኡዚ" ሙዑዋሴ። 4 ዩያጉዲ ቦኣካፓ ማዓዖዎ ማሰቲዎዎ ሙዑዋሴ፤ ሓሢ ዑሺ ዑሽኮ ሚሄ፥ ዖቲ፥ ጎንጊ፥ ሻኣላ"፤ ዩያ ቢያ ማሰኮ ባኣዚ"ና ዩያ ማላ ሚሌ" ሚርጌ ዎጌ ዔያታ ካፓኔ።

5 ዩያር ፔርሴ ዓሶና ሙሴ ዔርዜ ዎጎ ዔርዛ ዓሶና፡- «ኔኤኮ ጊንዖ ሓንታዘንሢሢ ዓይጎር ጨማ ኩሴ" ዎጎኮ ዑሢ ዓኣጳይ? ዓይጎር ዔያታ ኩጮ ማሰቲዎዎ ሙዓይ?» ሂዚ ጌዒ ዩሱሴ ዖኔጩኔ።

6 ዒዚ ዔያቶሞ ማሓዖ፡- «ዒንሢ ዓሲ ዓኣፒሞ ሄርሽንቲር ማዳ ዓሳ! ዒሲያሴ ጎዖ ዖኣሲ ማሊዖ ኩኤዛሢ ዒንሢ ዘሎ" ኩኤዘዖ፡- «ሓይ ዳራ" ዳንጎና ታና ቦንቻኔ ዒና" ዔያቶኮ ታጊዳፓ ሚርጌ ሓኬያኩ፤

7 ዔያታ ዓሲ ዎጌ ዔርዚ ዔርዚ ታና ጉሪ ሉኡዙሞና ካኣሽካያ ማላኔ ጌዒ ኩኤዜሢሢ ጎኔኩ።

7:7 ዒሲ. 29፡13።

8 «ዬያር ዲንሢ ያኦሲ ዓይሢያ ሐሺ" ዓሲ ዋጌ ካገኘ።»
 9 ላሚ ዬሱሴ ዔያቶም ሂዚ ጌዔ፡- «ዲንሢኮ ዋጎ ዲንሢ ካገኘ ጌዒ ያኦሲ ዓይሢያ ዲንሢ ሚርጌና ቦሂ ሐሻ"፤ 10 ሙሴ <ዓደና ዲንደና ቦንቱ፤ ዓደና ዲንደና ጫሽኬሢ ዋዎዲንቶንጎ> ጋዓ።
 11 ጋዓንቲ ፔቲ" ዓሲ ዓደና ዲንደና ማኦደንደሢ ሃሺ" ዲንሢም፡- <ዓደና ዲንደናም ማደንደ ባኮ ዛሎ" ቢያ ያኦሲም ታ ዲንጎ ባኦዚ" ዲንጌ።> ጋዓዛ፤ 12 ዬይ ዓሢ ዓደና ዲንደና ማኦደዎጉዲ ዲንሢ ዓይሢ፤ 13 ሂዲያና ዲንሢ ዲንሢኮ ዔርዚያ ካገኘ ጌዒ ያኦሲኮ ቃኦሎ" ሐሻ"፤ ሐሢ ዬያጉዴ ባኦዚ" ሚርጌ ዲንሢ ማዳ።»

ዓሲ ኪንሢና ዓኦያ ማሃ ባኦዚ"
 (ማቲ. 15፡10-20)

14 ዬሱሴ ዴር" ፔ ባንሢ ላሚ ዔኤሊ" ሂዚ ጌዔ፡- «ቢያሢ ዲንሢ ኮሺ" ዋይዙዋቲ፤ 15 ዓሲ ኪንሢና ዓኦያ ማሃ ባኦዚ" ዓሲዳገ ኬሰካ ባኦዚ" ማዓንዳኦገዓቲም ዙልካገ ጌላ ባኦዚ" ዓሲ ኪንሢና ዓኦያ ማሁዋሴ።»*

17 ዬካገ ዬሱሴ ዴር" ሃሺ" ኬኤያ ጌላዛ ዲዛኮ ጊንያ ሐንታ ናኦታ" ዬኖ ጌይፃሎኮ ቡሊ"ያ ኬኤዛንዳጉዲ ያኦጩ። 18 ዲዚያ ዔያቶም ሂዚ ጌዒ ማሄ፡- «ዲንሢያ ሃሃ ዬያ ዔሩዋዓዳ? ዙልካገ ዓሲኮ ዳንጋና ጎጲ ጌላ ባኦዚ" ዓሲ ኪንሢና ዓኦያ ማሁዋኦሢ ዲንሢም ዔርቱዓዳ? 19 ዓይጎር ጌዔቶ ዳንጎና ጎጲ ጌሌዘላ ዙሎ" ጊንሃ ኬሰካኦገዓቲም ዲና ባንሢ ጌሎዋሴ።» ዬያር ዬሱሴ ሙኦዚ" ቢያ ሙዲንታኒ ዳንዳዓያ ማዔሢ ኬኤዜ።

20 ዬሱሴ ላሚ ሂዚ ጌዔ፡- «ዓሲ ኪንሢና ዓኦያ ማሃ ባኦዚ" ዓሲዳገ ኬሰካ ባኦዚ"፤ 21 ዓሲኮ ጋርሲ ዲናገ ኬሰካ ፑርታ ባኦዚ"፡- ኮይሱዋ ጎይሢና ዙኦሰካ ኮኦሚሢ፡ ዉሱሞ፡ ዓሲ ዎዲሢ፡ 22 ዓኒ ሃሃ ማቾ ማዒባኦያና ላሂሢ፡ ታዳቆ ጌዒሢ፡ ፑርቱሞ፡ ጌሺሢ፡ ፔ ሺኔና ሐንቲሢ፡ ቁኦሩሞ፡ ፑሽኪሢ፡ ያቶርሞ፡ ማላሢ ባይሱሞኬ። 23 ዓካሪ፡ ዬይ ፑርቶ ባካ ጉቤ ዓሲ ዒኔገ ኬሰኪ ዓሲ ጎማሳ።»

ፔቲ" ላኦሊሰኬኖኮ ጉሙርቂያ
 (ማቲ. 15፡21-28)

24 ዬካገ ዬሱሴ ዔቂ ፂርሴ ካታሞ ኮይሎይዳ ዓኦ ጉርዳ ዴንዲ ፔቲ" ዓሲ ማኦሪ ጌላያ ዲኦካ ዒ ዓኦሢ ያኦኒያ ዔሩዋጉዲ ኮዔ፤

7:10 ኬሲ. ማፃ 2፡12፤ 21፡17፤ ለዊ. ዓኬ 20፡9፤ ላሚ. ዎማ 5፡16። * 7:15 ፔቲ" ፔቲ" ሚናኦ ማፃኦገ፡- ገይዲ ጌዳ" ቃሳ"፤ ዬና" ቃኦሎ"ላ 4፡23 ጌዳ" ዓኦዛ ማላ።

ጋዓንቲ ዲ ዓኣሺንታኒ ዳንዳዒባኣሴ። 25 ናይሰኪና ዲዘኮ ፑርታ ዓያናና ዓርቁንቲ ላኣሊሰኪና ዩሱሴ ዲኢካ ዓኣሢ ዋይዚ ዑኪና ሙካዖ ቶካ" ዲዘኮ ሎኣሜኔ። 26 ላኣሊሰ ሶኦሪያ ዓጪዳ ፖኖቄ ጌይንታ ቤሰካ ሾይንቲ ጌሪኬ ዜርፃፓ ማዔያኬ፤ ዲዘ ዲዘኮ ናዔሎይዳፓ ፑርቶ ዓያኖ ዩሱሴ ኬሳ"ንዳጉዲ ሺኢቄ። 27 ዩሱሴ ጋዓንቲ፡- «ናኣቶ ሙዖ ዔኪ ካናቶም ዲንገሢ ኮይሱዋሴ፤ ሂንዳ ቤርታዲ ናኣታ" ሙዒ ሚሽኮንጎ» ዲዘም ጌዔ።

28 ዲዘ፡- «ጎኔኬ ጎዳሢዮ፤ ያዲ ማዔቶዋ ካናታ ጎንጎ ዴማ" ናኣቶይዳፓ ዲኢኢሢሢ ሙሙዓያቱዓዲ» ጌዒ ዲዘም ማሃ።

29 ዩያኖ ዩሱሴ፡- «ዩያ ኔ ጌይፆና ፑርቶ ዓያና" ኔኤኮና ዔሎይዳፓ ኬሰኬ፤ ማኣሪ ማዒ ዓኣዴ» ዲዘም ጌዔ።

30 ዲዘ ማኣሪ ማዒ ሙካንቲ ፑርቶ ዓያና" ናዔሎይዳፓ ኬሰኬሢሪ ናዔላ ኮሺ ሻኣሎ"ይዳ ላሂ ዓኣንቲ ዛጌ።

ዩሱሴ ዋይዚና ዳንጋና ባይቄ ዓሲሰኪያ ፓሢሢ

31 ዩሱሴ ፂርሴ ዓጫ"ፓ ኬሰካዖ ሲዶና ጌይንታ ዓጮ"ና ታጳ ካታም ጌይንታ ዓጮ"ይዶና ጌዒ ጌሊላ ባዘ" ሙኤ። 32 ዲማ"ና ዲኢካ ዲዘ ባንሢ ዋይዚና ዳንጋና ባይቄ ዓሲ ዓሳ ዔኪ ሙካዖ ዩሱሴ ዲዘ ዑፃ ኩጮ ጌሢንዳጉዲ ሺኢቄ። 33 ዩሱሴ ዓሶ ባኣካ"ፓ ዓሢ ዴማሲ ኬሳ"ዖ ዓሢኮ ዋዮይዳ ኬኤሎ" ዳኬ፤ ሓሣ ጩቹያ ጩቲ" ዲዘኮ ዲንዲርዘ ካኣሜኔ። 34 ዩማፓ ዩሱሴ ለካ ጫሪንጮ ባንሢ ዛጌ፤ ሚጪንቲ «ዩይያ!» ጋዓዖ፡- «ዔፓታ» ጌዔ። ዩኖ ጌይፃ «ቡሊ"ንቲ» ጌይሢኬ።

35 ዩማ ጋዓኣና ዓሢኮ ዋዮና ዲንዲርዘና ቡሊ"ንቲም ማታባኣያ ጌኤሺ" ጌሰቲሢ ዓርቄ። 36 ዩሱሴ ዩያ ዖኣማኣ ኬኤዙዋጉዲ ዓሶ ዓይሢ፤ ጋዓንቲ ዔያቶም ኬኤዙዋጉዲ ዓይሢሢዳፓ ባሾ ዔያታ ኬኤዜ። 37 ዩያ ዋይዜሢ ቢያ ሚርጌና «ሃያጉዳ ባኣዚ"» ጌዒ ዲቃቲ ሄርሺሢ፡- «ጉቤ ባኣዚ" ኮሺ ማዳ፤ ዋያ ባይቄሢ ዋይዘንዳጉዲ፤ ዳንጋ ባይቄሢ ጌሰታንዳጉዲ ማሃ።» ጌዔ።

8

ዩሱሴ ዖይዶ ሺዮ ዓሶ ሙኡዜሢ
(ማቲ. 15፡32-39)

1 ዩማና ላሚ ሓሣ ሚርጌ ዴሬ ቡኬ። ዩያ ቡኬ ዓሶኮ ሙዖንዶ ባኣዚ" ባኣሢሪ ዩሱሴ ዲዘኮ ጌንፆ ሓንታ ናኣቶ" ፔ ባንሢ ዔኤላ"ዖ ሂዚ ጌዔ። 2 «ሓይ ዓሳ ሃኣዘጉዋቲ ሃይሣ ኬሊ" ሄላ"ንዳኣና ታኣና ዋላ"ኬ፤ ሓሣ ሙዖንዶ ባኣዚ" ዔያቶኮ ባኣሢሪ ታና ሚቻ፤ 3 ዛላ"

ዔያቶኮ ሃኬይዳፓ ሙኬያኬ፤ ሓያ ናዮና ታኣኒ ዔያቶ ዳኬቶ ጎይፃ ዔያታ ላባ"ንዳኔ» ጌዔኔ።

4 ዒዛኮ ጊንፆ ሓንታ ናኣታ"- «ሂዴቶ ሓያ ዳውሎ" ቦኦሎ"ይዳ ሓያ ዓሶም ቢያ ጊዳ ሙኡዚ" ዴንቃኒ ዳንዳዓይ ያናዳይ?» ጌዔኔ።

5 ዬሱሴ ዔያቶም፡- «ዓኣፒኒ ካሣ ዒንሣኮ ዓኣይ?» ጌዔ ዔያቶ ያኦጩኔ፤ ዔያታ፡- «ላንካይ ካሣ ዓኣኔ» ጌዔኔ።

6 ዒዚ ዓሳ ሳዓ ዴዓንዳጉዲ ዓይሣፆ ላንካፆ ካሣንሣ ዔኪ ያኦሲ ጋላታፆ ቡንፂ ዴሮ"ም ጊሽካንዳጉዲ ዒዛኮ ጊንፆ ሓንታ ናኣቶ"ም

ዒንጋዛ፣ ናኣታ" ዓሶም ጊሽኬኔ። 7 ዔያቶኮ ሓሣ ዳካ" ሞላ ዓኣንቴ ዬንሣሮፆ ጋላታፆ ዴሮ"ም ዒንጋንዳጉዲ ዓይሣኔ። 8 ዓሳ ቢያ ሙዒ ሚሽካዛ ዓቴ" ደንቦ ዔያታ ላንካይ ዳልጊ ሌማቴ ኩንሣ ዔኬኔ።

9 ዬያ ሙዔ ዓሶኮ ፓይዳ" ያይዶ ሺያ ኩማንዳያኬ፤ ዬሱሴ ዔያቶ ዳኬሣኮ ጊንፆ፣ 10 ዒዛኮ ጊንፆ ሓንታ ናኣቶ"ና ሞላ" ዋኣያና ፒንቆ ጎንጎ ጋሮ ጌሊ ዳልማኮታ ጌይንታ ዓጮ ዓኣዴኔ።

ፔርሴ ዓሶኮ ዲቃሣ ዓኪ ባኣዚ" ማዲንታንዳጉዲ ያኦጩፆ (ማቴ. 16፡1-4)

11 ፔርሴ ዓሳ ዬሱሴ ባንሣ ሙኪ ዒዛና ሞላ" ማርሞ ዓርቄኔ፤ ዔያታ ዒዛ ጌኤሲና ፔራኒ ኮዓፆ ያኦሲዳፓ ማዔያ ዓኪ ዲቃሣ

ባኣዚ" ዳዋንዳጉዲ ዒዛ ያኦጩኔ። 12 ዬሱሴ ዒማ"ና ፔ ዒና ጋርሲም ጌሰታፆ፡- «ሃኖ" ሞዶ" ዓሳ ዲቃሣ ዓኪ ባኣዚ" ማዲንታንዳጉዲ ዓይጎሮ ኮዓይ? ጎኔ ታ ዒንሣሞ ጋዓኔ፤ ፔቴ"ታፆ

ዔያቶም ጎኔም ዔርዘ ባኣዚ" ማዲንታዓኬ» ጌዔኔ።

13 ዒዚ ዔያቶ ሃሻ"ፆ ላሚ ዋኣያና ፒንቆ ጎንጎና ባዘ"ኮ ሶንጌኖ ሱኮ ፒንቄኔ።

ፔርሴ ዓሶና ሄሮዲሴናኮ ሙኡቆ ፃኣዘ ኮኣኪንሣ (ማቴ. 16፡5-12)

14 ዒዛኮ ጊንፆ ሓንታ ናኣታ" ጋላ ዔካንዳፆ ሞላ"ዛ ዋኣያና ፒንቆ ጎንጎይዳ ዓኣ ዓሶኮ ፔቴ" ካሣይዳፓ ዓታዛ ዓኣ ባኣዚ" ባኣሴ። 15 ዬሱሴ፡- «ፔርሴ ዓሶና ሄሮዲሴናኮ ሙኡቆ ፃኣዘይዳፓ ካፒንቱዋቴ» ጌዔኔ።

16 ዔያታ ሞሊ ኮይላ"- «ዒዚ ዬያ ጌዔሣ ኦኡኮ ጋላ ባኣሣሮ ናንዳኔ» ጌዔ ዘርተሣ ሳርቄኔ።

17 ዬሱሴ ዬያ ማሊፆ ዔያቶኮ ዔራፆ ሂዚ ዔያቶም ጌዔኔ፡- « ኣሣ ኦኡኮ ባኣሣሮኬ» ጌይ ዒንሣ ዓይጎሮ ማላይ? ሓማ

8:11 ማቴ. 12፡38፤ ሉቃ. 11፡16። 8:12 ማቴ. 12፡39፤ ሉቃ. 11፡29። 8:15 ሉቃ. 12፡1።

ሄላ"ንዳእና ዲንሢ ማሊ ጳቂሡቀያ ሓሣ ዲንሢሞ ዔርቱቀያዳ? ዲና" ዲንሢኮ ዔኩቀያ ማዲ ሃጊ ደጩ ጎይሣዳ? 18 ዓኣፓ ዲንሢኮ ዛጉቀዳዳ? ቀያ ዲንሢኮ ቀይዙቀዳዳ? ቀዲ" ዲንሢ ኮይላ" ማሊንቱቀይ! 19 ሃያኮ ቤርታ ደንጎ ካሦንሢ ደንጎ ሺዮ ዓሶም ታኣኒ ቡንዲ ዲንጌ ቀድ"ና ደንቦ ዲንሢ ዓኣፒኒ ለማቱ ኩሙሢ ዔቂሴይ» ጋዓዛ፥ ዔያታ፡- «ታጰ ለምዖ ለማቱ ኩሙሢ» ጌዔኔ።

20 ሓሣ ዲዚ፡- «ታኣኒ ለንካቀ ካሦ ዖይደ ሺዮ ዓሶም ቡንዲ ዲንጌ ቀድ"ና ዓኣፒኒ ለማቱ ኩሙሢ ሃሸና ደንባ ዲንሢ ዔኬይ?» ጌዒ ዔያቶ ዖኦጩኔ። ዔያታኣ፡- «ለንካይ ዳልጊ ለማቱ ኩሙሢ» ጌዒ ማሄኔ።

21 ዲዚ ዲማ"ና «ሂዳዖ ሓማ ሔላንዳእና ዲንሢ ጳቂሡቀያዳ?» ዔያቶም ጌዔኔ።

ዩሱሴ ቤቲሳይዳይዳ ፔቲ" ዓኣፒ ባይቄ ዓሲስኬያ ፓሣሣ

22 ዔያታ ቤቲሳይዳ ሄላ"ዛ ዓሳ ፔቲ" ዓኣፒ ባይቄ ዓሲ ዩሱሴ ኮራ ዔኪ ሙካዖ ዲዚ ፔ ኩጮና ካኣማንዳጉዲ ዲዛ ሺኢቄኔ።

23 ዩሱሴ ዓኣፓ ባይቄ ዓሢኮ ኩጮ ዓርቄ ጎቺ ጉርዶ ባኣካ"ፓ ኬሳ"ዖ ዓሢኮ ዓኣፖይዳ ጩቲሢኮ ጊንፃፓ ዓኣፖ ዲዛኮ ካኣማዖ «ዳካ" ኔኤም ዔኤቢ ጰዳ» ጌዒ ዲዛ ዖኦጩኔ።

24 ዓኣፓ ባይቄሢ ደ"ግ ጌዒ ዛጋዖ፡- «ሂዮ ታኣኒ ዓሲ ዴንቃኔ፤ ጋዓንቲ ዔያታ ዓጊፃ ማላኔ» ጌዔኔ።

25 ዩሱሴ ዓሢኮ ዓኣፖይዳ ኩጮ ለሚ ጌሣኔ፤ ዩማና ዓሢ ጌኤሺ" ዛጌኔ፤ ዓኣፓኣ ዳቄኔ፤ ቢያ ባኣዚ" ጌኤሺ" ዛጊሢ ዓርቄኔ።

26 ዩካፓ ዩሱሴ ዲዛም፡- «ጉርዶ ባኣኮ" ዓኣዲፖ» ጌዒ ዓይሢ ማኣሪ ዳኬኔ።

ጳዲሮሴኮ ዩሱሴ ዛሎ" ማርካቶ

(ማቲ. 16፥13-20፤ ሉቃ. 9፥18-21)

27 ዩካፓ ዩሱሴና ዲዛኮ ጊንፃ ሓንታ ናኣቶ"ና ፒልጰሴ ቁሳሪያ ጌይንታ ካታምኮ ኮይላ" ዓኣ ጉርዶ ባንሢ ዴንዲ ዴንዲ ጎይፃ ዓኣዖ፡- «ዓሳ ታና ዖናኬ ጋዓይ?» ጌዒ ዲዛኮ ጊንፃ ሓንታዘንሢ ኮራ ዖኦጩኔ።

28 ዔያታ ማሓዖ፡- «ዛላ" ኔና ማሰካ ዮሓኒሴኬ ጋዓኔ፤ ሓንጎቀታ ኔና ዔኤሊያሴኬ ጋዓኔ፤ ዓቲ" ዓሳ ሓሣ ዖሲ ማሊዖ ኬኤዛዘንሢ ዳፓ ፔቲ"ያኬ ኔና ጋዓኔ» ጌዔኔ።

8:18 ዔር. 5፥21፤ ሂዚ. 12፥2፤ ማር. 4፥12። **8:28** ማር. 6፥14-15፤ ሉቃ. 9፥7-8።

29 «ዲንሢ ታና ያናኬ ጋዳይ?» ጌዲ ዲዚ ዔያቶ ያኦጩኔ። ጳዊርሴ ማሐዶ፡- «ኔኤኒ ሜሲሔኬ» * ጌዲ ማሄኔ።

30 ዩሱሴ ዔያቶ፡- «ታ ዛሎ" ያኦማኦ ኬኤዚፖቴ» ጌዔኔ።

ዩሱሴ ዲዛ ሄላ'ንዳ ሜቶ"ና ሓይቦ"ና ዛሎ" ኬኤዚሢ
(ማቴ. 16፥21-28፤ ሉቃ. 9፥22-27)

31 ዩሱሴ ፔኤኮ ጊንዖ ሓንታ ናኦቶ" ሂዚ ጌዲ ዔርዚሢ ሳርቄኔ፡- «ዓሲኮ ናዓሢ ሚርጌ ሜቶ ዔካንዳያ ኮይሳኔ፤ ዓይሁዶ ጨሞና ቄኤሶኮ ሱኡጎና ሃሣ ሙሴ ዔርዜ ዎጎ ዔርዘዘንሢና ቤርታ ቦሂንታንዳኔ፤ ሓይቄያ ሓይቃንዳኔ። ማዔቶዎ ሓይሣ ዓቢኮ ጊንዖ፣ ሓይባ"፣ ጌዔቃንዳኔ።» 32 ዲዚ ዩያ ዔያቶም ጋፕዲ ፔጋሲ ኬኤዛዛ ጳዊርሴ ዲዛ ዲማሲጋ፣- «ያዲ ጌዲ፣» ጌዲ ዲዛ ጎሬ። 33 ጋዓንቴ ዩሱሴ ዲዛኮ ጊንዖ ሓንታ ናኦቶ" ባንሢ ሺሪ ዛጋዶ፡- «ኔኤኒ ዓላሄ ታ ኮራ፣ ሺኢኬ፤ ኔኤኮ ማሊ፣ ያኦሲዳ፣ቴዎሴ፤ ዓሲዳ፣፣» ጌዲ ጳዊርሴ ጎሬ።

ዩሱሴ ጊንሢ ሓንቲሢ ጨጊሳ ባኦዚ"
(ማቴ. 10፥38-39፤ 16፥24-28፤ ሉቃ. 9፥23-27፤ 14፥26-27)

34 ዩካ፣ ዩሱሴ ዴሮ"ንታ ዲዛኮ ጊንዖ ሓንታ ናኦቶ"ንታ ፔ ባንሢ ዔኤላ"ዎ ሂዚ ጌዔኔ፡- «ያናታቶዎ ታኦና ዎላ" ሃንታኒ ናሽካሢ ፔና ሓሽ። ሃይቢሞ ጊኢጌያ ማዒ ታ ጊንዖ ሓንቶን።» 35 ያናታቶዎ ፔ ናንጎ ዓይሳኒ ናሽካሢ ዲዛ ባይዘንዳኔ፤ ጋዓንቴ ታናንታ ታኦኮ ኮዦ ሓይሶ ዛሎ"፣ ፔኤኮ ናንጎ ዓኦሢ ዲንጋሢ ጋዓንቴ ናንጎ ፔኤሲ" ባይዘዓኬ፤ 36 ዓሲ ሳይዳ ዓኦ ባኮ ቢያ ዴንቃዎ ፔኤኮ ናንጎ ባይዜቶ ዓይጎ ማኦዳ"ይ? 37 ሓሣ ዓሲ ፔ ናንጎ ቤዞ ዓይጎ ጨጋኒ ዲንዳዓይ? 38 ያኦሲ ቦንቹዎ፣ ጎሞ ዓሶ ሾይንቶ ሓያ ቤርታ ታ ዛሎ"ንታ ታኦኒ ዔርዜ ባኮ ዛሎ"ዎ ኬኤዛኒ ቦርሲንታ ዓሲዳ ቢያ ዓሲኮ ናዓሢ ፔ ዓዶኮ ቦንቹና ሃሣ ጌኤኮ ኪኢታንቸናኦ ዎላ" ሙካዎ ዩያ ዓሢዳ ቦርሲንታንዳኔ።

9

1 ሓሣ ዩሱሴ ዔያቶም ሂዚ ጌዔኔ፡- «ጎኔ ታ ዲንሢሞ ጋዓኔ፤ ሓሢ ሃይካ ዓኦ ዓሶ ባኦካ" ያኦሲ ካኦቱማ ዎልቄና ዩዓኦና ዛጋንዳያ ሄላ"ንዳኦና ፔቴ" ፔቴ" ሓይቄንዲዎ ዓሲ ዓኦኔ።»

* 8:29 ሜሲሔኬ፡- ሜሲሔ ሃሣ ጊንሣ ኪሪሰቶሴ ጌይ፣ ዔብራ ዓሶ ሙኤጮና ካኦቱም ሳርቆና (ዶኦሞና) ጌይሢኬ። 8:29 ዮሐ. 6፥68-69። 8:34 ማቴ. 10፥38፤ ሉቃ. 14፥27። 8:35 ማቴ. 10፥39፤ ሉቃ. 17፥33፤ ዮሐ. 12፥25።

ዩሱሴኮ ዓውካሮ ላኦሚንቶ
(ማቴ. 17፡1-13፤ ሉቃ. 9፡28-36)

2 ላሆ" ዓቢኮ ጊንፃፓ ዩሱሴ ጳጳሮሴንታ ያይቆኦቤንታ ዮሐንሴንታ ሌሊ ፔኤና ዎላ" ዔኪ ፑኡፒ ዲካ ኬሰካዛ ዔያቶኮ ቤርታ ዒዛኮ ዓውካራ ላኦሚ"ንቲ ጳጳኔ። 3 ዓፒላ" ዒዛኮ ኮሺ" ቦኦሬኔ፤ ዓጪዳ ያኦኒያ ማሰኪ ጌኤሺ" ቦኦሬሳያይዳፓ ዑሣ ዓኦጳ ቦኦሬኔ። 4 ዩማና ዔኤሊያሴና ሙሴና ጳጳ ዩሱሴና ዎላ" ጌሰታንቲ ዔያታ ዳንቄኔ። 5 ጳጳሮሴ ዩሱሴ ኮራ፡- «ዔርዛሢዮ! ሐይካ ኑ ናንጋቲ ኮሺከ፤ ዩያሮ ፔቴ" ኔኤም፣ ፔቴ" ሙሴም፣ ፔቴ" ዔኤሊያሴም ማዓያ ሐይሦ ዉዲ ኦኡኒ ማዦም» ጌዔኔ። 6 ዔያታ ሐይሣሢ ኮሺ" ዲቃቲ ዓኦሢሮ ጳጳሮሴ ፔኤሮ ዓይጎ ጋዓቴያ ዔሪባኦሴ።

7 ሻኦሬ ዔያቶ ሙኪ ባይዜኔ፤ ባይዜ ሻኦሮይዳፓ፡- «ሐይ ታኦኮ ታኦኒ ናሽካ ናዓሢከ፤ ዒዚ ጋዓሢ ዎይዙዎቴ» ጋዓ ዑኡሲ ዎይዚንቲኔ። 8 ቤዘማና ሺሪ ዔያታ ዛጋዖ ዩሱሴፓ ዓታዛ ማሌ" ያናኦ ዳንቄባኦሴ።

9 ዲካ"ፓ ዔያታ ኬዳ"ኦና ዩሱሴ፡- «ዒንሢ ዛጌ ባኮ ዓሲኮ ናዓሢ ሐይቄ ሐይባ"ፓ ዔቃንዳያ ሂላ"ንዳኦና ያኦማኦ ኬኤዚፖቴ» ጌዔኔ።

10 ዩያ ዒ ጌዔ ባኮ ዔያታ ዎይዚ ዔኬኔ፤ ጋዓንቲ፡- «ሃይቢፓ ዔቂሢ ጌይሢ ዎዚ ጌይሢዳይ?» ጌዒ ዎላ" ጌሰቲኔ። 11 «ሙሴ ዔርዜ ዎጎ ዔርዛ ዓጎ ዔኤሊያሴ ቤርታ ሙካኒ ኮይሳኔ ዓይጎሮ ጋዓይ?» ጌዒ ዔያታ ዩሱሴ ኮራ ያኦጩኔ።

12 ዒዚ ዔያቶም፡- «ጎኔኬ፤ ዔኤሊያሴ ቤርታዲ ሙካኒና ጉቤ ባኮ ጊኦጊሻኒ ኮይሳኔ፤ ማዔቶዎ ዓሲ ናይ ሜቶ ዔካንዳሢና ቦሃንታንዳሢያ ፃኦፒንቲ ባኦዓዳ? 13 ታኦኒ ዒንሢም ኬኤዛኔ፡- ዔኤሊያሴ ቤርታዲ ሙከኔ፤ ቤርታዲ ዒዛ ዛሎ" ፃኦፒንቲሢጉዳያ ዓጎ ኮዓ ባኮ ቢያ ዒዛይዳ ማዳኔ» ጌዔኔ።

ፑርታ ዓያና ዓርቁ ናይሰኬያ ዩሱሴ ዓውሴሢ
(ማቴ. 17፡14-21፤ ሉቃ. 9፡37-43)

14 ዩሱሴንታ ዒዛና ዎላ" ዲኮ" ኬሰከ፤ ዒዛ ጊንፃ ሐንታ ሐይሦንሢንታ ሐንጎ ዓቴ" ጊንፃ ሐንታዘንሢ ኮይላ" ሙካንቲ ሚርጌ ዳሬ ዔያቶ ኮራ ቡኪ፤ ሐሣ ሙሴ ዔርዜ ዎጎ ዔርዛ ዓጎኦ ዔያቶና ዎላ" ማርማኔ። 15 ዒኡካ ዓኦ ዳራ" ዩሱሴ ዛጌ ዎዶ"ና ሚርጌ ዲቃቲ ሄርሻዖ ዒዛ ባንሢ ጳሽኪ፡- «ኮሺዳ?» ጌዔኔ።

9:2 2ጳጳ. 1፡17-18። 9:7 ማቴ. 3፡17፤ ማር. 1፡11፤ ሉቃ. 3፡22። 9:11 ሚሊ. 4፡5፤ ማቴ. 11፡14።

16 ዩሱስ ዲዛኮ ጊንፆ ሐንታ ናኦቶ" ኮራ፡- «ዔያቶና ዎላ" ዲንሢ ማርማሢ ዓይጎዛላዳይ?» ጌዒ ያኦጩኔ።

17 ዴር" ባኦካ"ፓፔቴ" ዓሲ ሂዚ ጌዔኔ፡- «ዔርዛሢዮ! ጌሰቲሱዎ ፑርታ ዓያና ዓርቄ ናይ ታ ኔ ኮራ ዔኪ ሙኩኔ። 18 ዔቁ ዎድ"ና ሳዓ ዲዛ ጳዲሳኔ፤ ዳንጎና ዲባሲ ዓቶ ዳይሲሳኔ፤ ዑዎዎ ዲዛኮ ማልዚ ሌሲ"ጉዲ ማሃኔ፤ ዩያ ፑርቶ ዓያኖ ዲዛይዳፓ ኬሳ"ንዳጉዲ ኔኤኮ ጊንፆ ሐንታ ናኦቶ" ታ ያኦጩያታንቴ ዔያታ ኬሳ"ን ዳንዳዒባኦ።»

19 ዩሱስ ዔያቶም ሂዚ ጌዔኔ፡- «ዲንሢ ጉሙርቁዎ ዓሳ ዓይዴ ሄላ"ንዳኦና ታ ዲንሢና ዎላ" ናንጋንዳይ? ዓይዴ ሄላ"ንዳኦና ታኦኒ ጊባንዳይ? ሂንዳ ናዖ ታ ባንሢ ዔኪ ሙኩዎቴ።» 20 ዔያታ ናዓሢ ዩሱሱ ባንሢ ዔኪ ሙኩኔ፤ ፑርቶ ዓያና" ዩሱሱ ዴዳንቃዖ ናዖ ሳዓ ጳዲሳዛ ናዓሢያ ሳዓ ኮላዲ ዳንጎና ዲባ ዩይሲኔ። 21 ዩሱሱ ናዖኮ ዓደ ኮራ፡- «ዓይዳፓ ዓርቄ ሃይ ናዓሢ ሃያይዳይ?» ጌዒ ያኦጩኔ።

ናዖኮ ዓዴ ማሐዖ፡- «ዓኦላ" ዓኦንቴ ዓርቃዖኬ፤ 22 ፑርቶ ዓያና" ዲዛ ዎዲኒያ ማርጌ ዎዴና ታሚዳ፣ ዎኦሢዳ ኬኤራሢር ኔኤም ዳንዳዒንታቴ ሃዳራ ኑና ሚጩንቲ ማኦዴ» ጌዔኔ።

23 ዩሱሱ፡- «ኔኤም ዳንዳዒንታቶ ኔኤኒ ዎይቲ ጋዓይ? ጉሙርቃሢም ቢያ ባኦዚ" ዳዳንዳዒንታኔ!» ጌዔኔ።

24 ቤዘና ናዖኮ ዓዴ፡- «ጉሙርቁዖ ታ ጉሙርቃኔ፤ ጋዓንቴ ጉሙርቁሢ ፓጩሢ ፓና ማኦዴ» ጌዒ ዲላቴኔ።

25 ዓሳ ዲርጊ ዩዓሢ ዩሱሱ ዛጋዖ ፑርቶ ዓያናሢም፡- «ሐይ ኔኤኒ ናዖኮ ዎኖና ዳንጎና ባይቁያ ማሄ ዓያናሢዮ ናዓሢዳፓ ኔኤኒ ኬሰካንዳጉዲ፣ ላሚ ጊንሢ ኔኤኒ ዲዛይዳ ጌሉዎጉዲ ታ ኔና ዓይሢኔ!» ጌዒ ጎሬኔ።

26 ፑርቶ ዓያናሢ ዴኤፒ ዑኡሲና ዲላታዖ ናዓሢያ ማርጌና ባርዲሴሢኦ ጊንፆ ኬሰካዛ ናዓሢ ሐይቁ ሌሲ"ጉዲ ማላሢር ማርጌ ዓሳ ሐይቁኔ ጌዔኔ። 27 ጋዓንቴ ዩሱሱ ናዓሢኮ ኩጮ ዓርቄ ዔቁሴኔ፣ ናዓሢያ ዔቁኔ።

28 ዩካፓ ዩሱሱ ማኦሪ ጌላሢኮ ጊንፆ ዲዛኮ ጊንፆ ሐንታ ናኦቶ" ዲዛ ዲማሲ፡- «ዓይጎር ኑኤኒ ፑርቶ ዓያኖ ኬሳ"ን ዳንዳዒባኦ?» ጌዒ ያኦጩኔ።

29 ዩሱሱ ኬኤዛዖ፡- «ሐያ ጉዴሢ ሺኢጲሢና ሃሃ ሙኡዚ" ሐሺ" ሺኢቁሢና ማዒባኦታቶ ማሌ" ዓይጎና ኬሰኩዎሴ» ጌዔኔ።

ዩሱሱ ዲዛ ሄላ"ንዳ ማታሢና ሐይቦ"ና ዛሎ" ሃሃ ኬኤዜሢ (ማቲ. 17፥22-23፤ ሉቃ. 9፥43-45)

30 ዩሱሱና ዲዛኮ ጊንፆ ሐንታ ናኦቶ"ና ዩኖ ቤዘ ሐሺ" ጌላላ ዓጮና ቲቂ ዴንዴኔ፤ ዩሱሱ ዲዚ ዓኦ ቤዘ ያኦኒያ ዔራንዳጉዲ ኮዒባኦ። 31 ዓይጎር ጌዔቶ ዲማ"ና ዲዚ ፔኤኮ ጊንፆ ሐንታ

ናዳቶ"፡- «ዓሲኮ ናዓሢ ዓሲ ኩሽካ ዓአሢ ዒንጊንታንዳኔ፤ ዒያታአ ዒዛ ዎዳንዳኔ፤ ሓይቁሢኮ ጊንፃ ሓይባ"ፓ ሓይሣሳ ከሎ"ና ዒቃንዳኔ» ጌዒ ዔርዚሢሢ ዓአሢሮከ።

32 ዒዛኮ ጊንፃ ሓንታዘንሢሢ ዎይ ዒ ጌዔ ባካ ዔርቲባአሴ፤ ማዔቶዎ ማሂ ዒዛ ምእጫኒ ዔያታ ዒጊጨፎኔ።

ቢያፓ ባሼ ዖናዳይ?

(ማጥ. 18፡1-5፤ ሉቃ. 9፡46-48)

33 ዩሱሴና ዒዛኮ ጊንፃ ሓንታዘንሢሢ ቂፐርናሆሜ ዓጮ" ሙኪ ማአሪ ጌሌሰካፓ ዩሱሴ ዒዛኮ ጊንፃ ሓንታዘንሢ ኮራ፡- «ዒንሢ ዎንዴ ጎይፆይዳ ዓአፆ ዎላ" ማርማሢ ዓይገንዴዳይ?» ጌዒ ምእጫፎኔ።

34 ዔያታ ጋዓንቴ ዚቲዮ ጌዔ። ዓይጎር ጌዔቶ ዔያታ ጎይፃ፡- «ኑ ጊዳ"ፓ ቢያ ባሼሢ ዖናዳይ?» ጌዒ ማርማሢሮከ። 35 ዩሱሴ ዴዔሢኮ ጊንፃ ታጰ ላምፆንሢ ዔኤላ"ዎ፡- «ቢያፓ ቤርታ ማዓኒ ኮዓይ ዖናታቶዎ ቢያፓ ጋፐንሢሢ ሓሣ ቢያም ማዳፆ ማዓንዳፆ ኮይሳኔ» ጌዔ። 36 ዩካፓ ፔቴ" ዳካ" ናይ ዔያቶ ቤርታ ዔቂሲ ናፆ ኮንቂፓፓ ሂዚ ጌዔ። 37 «ሓፆጉዴ ናዳቶ"ይዳፓ ፔቴ"ታፆ ታ ሱ"ንፆና ቦንቺ ዔካሢ ታና ዔካኔ፤ ታና ዔካሢ ታና ሌሊቱዎንቴ ታና ዳከሢሢ ዔካኔ።»

ዩሱሴኮ «ኑና ዒፁዎአሢ ኑኡና ዎላ"ኬ» ጌዒፆ

(ሉቃ. 9፡49-50)

38 ዮሐኒሴ ዩሱሴም፡- «ዔርዛሢዮ! ፔቴ" ዓሲ ኔ ሱ"ንፆና ፑርታ ዓፆና ኬሳ"ንቴ ኑ ዛፓፆ ዒዚ ኑኡና ዎላ"ቱዎአሢሮ ዒዛ ኑኡኒ ላኣጌኔ» ጌዒ ከኤዜኔ።

39 ዩሱሴ ማሓፆ፡- «ታ ሱ"ንፆና ዓኪ ዲቃሣ ባአዚ" ማዲ ማዲ ቤዘና ታ ዑፃ ፑርታ ጌሰታንዳይ ባአሢሮ ሓሹ"ዎቴ ላኣጊፖቴ፤ 40 ዓይጎር ጌዔቶ «ኑና ዒፁዎአሢ ቢያ ኑኡና ዎላ"ኬ» » ጌዔ።

41 ጎኔ ታ ዒንሢሢ ጋዓኔ፤ ዒንሢ ታኣሮ ማዔሢሮ ፔቴ" ሙርሳና ዎአሢ ዒንሢ ዑሻ ዓሢም ዎአፆ ዑሹሢ ዛሎ"ሮ ዒንጊንታንዳ ባአዚ" ባይቃዓከ።

ጎሜኮ ካራ ማዓ ባአዚ"

(ማጥ. 18፡6-9፤ ሉቃ. 17፡1-2)

9:34 ሉቃ. 22፡24። 9:35 ማጥ. 20፡26-27፤ 23፡11፤ ማር. 10፡43-44፤ ሉቃ. 22፡26። 9:37 ማጥ. 10፡40፤ ሉቃ. 10፡16፤ ዮሐ. 13፡20። 9:40 ማጥ. 12፡30፤ ሉቃ. 11፡23። 9:41 ማጥ. 10፡42።

42 ዩሱሴ ከኤዛያ፡- «ታና ጉሙርቃ፥ ሐንሢ ዳኮንሢሃገገ ፔቴ"ማ ዳቢባያ ያና ማዔቶዋ ፑኡፒ ዋንሢ ሆላ" ቱከ" ባዘ"ይዳ ከኤሪንቴቶ ቃራኬ፤ 43 ዩያር ኩጫ ነና ዳቢባቴ ተቂ ኔኤገ ከኤሬ፤ ላምዖ ኩቺ ዓኣንቴ ጋኣናኣሜይዳ፥ ታሞ ባይቁዋኣሢ ዳ ከኤሪንቴገገ ኩቺ ዱጴያ ማዒ ናንጎ ማኣሪ ጌሊፃ ቃራኬ። [44 ጋኣናኣሜ ጌይንታ ቤዛ ዒኢካ ዓኣ ዛኣላ" ሐይቁዋያ፥ ታማኣ ባይቁዋ ቤሲከ።:]* 45 ቶካ" ነና ዳቢባቴ ኔኤገ ተቂ ከኤሬ፤ ላምዖ ቶከ ቢያ ዓኣንቴ ጋኣናኣሜ ጌሊፃገገ ፔቴ" ቶከና ማዒ ናንጎ ማኣሪ ጌሊፃ ቃራኬ። [46 ጋኣናኣሜ ጌይንታ ቤዛ ዒኢካ ዓኣ ዛኣላ" ሐይቁዋያ፥ ታማኣ ባይቁዋ ቤሲከ።:]† 47 ዓኣገ ነና ዳቢባቴ ኔኤገ ከሲ" ከኤሬ፤ ላምዖ ዓኣፒ ዓኣንቴ ጋኣናኣሜ ጌሊፃገገ ፔቴ" ዓኣፒና ናንጎ ማኣሪ ጌሊፃ ቃራኬ። 48 ጋኣናኣሜ ጌይንታ ቤዛ ዒኢካ ዓኣ ዛኣላ" ሐይቁዋያ፥ ታማኣ ባይቁዋ ቤሲከ።

49 «ዖኦሲም ዒንጎ ባኣዚ" ሶኦጌ ዋሂ ጌኤሻ"ሢሃገገዲ ዓሲ ቢያ ታሚዳ ጌሊ ጌኤሻከ ከሰካንዳኔ፤

50 «ሶኦጌ ኮሺከ፤ ጋዓንቴ ሶኦጌ ኮ ጌኤሻ"ኒ ዋልቁ ባኣያ ማዔቶ ዓይጎና ዒንሢ ጌኤሻ"ንዳይ?

«ዒንሢኮዋ ሶኦጌዲ ጌኤሻ" ዋልቁ ዓኣያ ማዖንጎ፤ ሴካና ሐንጋና ዋላ" ጊኢጊ ኮሺ ናንጉዋቴ።»

10

ዩሱሴ ላኣሊ ዓንጂሢ ዛላ ዔርዘሢ
(ማቴ. 19፥1-12፤ ሉቃ. 16፥18)

1 ዩሱሴ ዩኖ ዓጮ"ይዳገ ዔቂ ዩሁዳ ዓጮ"ና ጌዒ ዮርዳኖሴ ዋሮ ሱኮ ፒንቄኔ፤ ሚርጌ ዳሬ ዒዛ ባንሢ ሙኬሢረ ዒዚ ሚናኣገ ዔርዘሢሃገገዲ ሐሢ ዔርዘሢሢ ዓርቄ።

2 ፔቴ" ፔቴ" ፔርሴ ዓሳ ዩሱሴ ባንሢ ሙካዖ ጌኤሲና ዒዛ ፒራኒ ኮዓሢረ፡- «ዓሲ ፔ ማቾ ዓንጃንዳገዲ ዋጋ" ዓይሢ?» ጌዒ ዖኦጌ።

3 ዩሱሴ፡- «ሙሴ ዒንሢ ዩያ ዛሎ" ዋዚ ጌይ ዓይሢዖ?» ጌዒ ዖኦጌሢሢ ማሃኔ።

9:43 ማቴ. 5፥30። * 9:44 ፔቴ" ፔቴ" ሚናኣ ማፃኣገገገይ. 44 ጌዳ" ቃሳ"ኔ፤ ዩና ቃኣላ"ላ ገይ. 48 ጌዳ" ዓኣዘ ማላያከ። † 9:46 ፔቴ" ፔቴ" ሚናኣ ማፃኣገገገይ 46 ጌዳ" ቃሳ"ኔ፤ ዩና ቃኣላ"ላ ገይ. 48 ጌዳ" ዓኣዘ ማላኔ። 9:47 ማቴ. 5፥29። 9:48 ዒሲ. 66፥24። 9:50 ማቴ. 5፥13፤ ሉቃ. 14፥34-35።

4 ዔይታ፡- «ሙሴ ዋጋ" ዓንጂንቶ ዔርዛያ ፃኣፖና ዋርቃታ ዒንገጋፓ ዓንጂንዳፒዲ ጋዓኔ» ጌዔኔ።

5 ዩሱሴ ዔይቶም ሂዚ ጌዒ ማሄኔ፡- «ሙሴ ያዒ ጌይ ዓይህህሂ ዒንሢኮ ዒና" ዋይዞ ዒዲ ደዳሂ ዛገከ። 6 ጋዓንቴ ማኸንቶኮ ዓይፃፓ ጌኤኸ ማፃኣፓ ጋዓ ጎይፆ ለጎሲ ዓቲንቄና ላኣለና ማሂ ማኸኔ፤ 7 ለዩያሮ ዓሲ ዓዶና ዒንዶና ሓሺ" ማኞና ዋላ" ፔቴ" ማዓኔ፤ 8 ለምጋንሢያ ፔቴ" ዑሢ ማዓኔ» ዩካፓ ሴካ ለምፆ ማዒፃ ዓቴ"ም ፔቴ" ማዓኔ። 9 ዩያሮ ጎሲ ዋኣፃሂ ጎሲያ ቡሎ"ፓ።»

10 ዩሱሴኮ ገንፆ ሓንታ ናኣታ" ማኣሮ ባንሢ ማዔ ዋደ"ና ለሚ ዒዞ ዛላ ዩሱሴ ጎሲጩኔ። 11 ዩሱሴ ዔይቶም ማሓፆ፡- «ፆና ማዔቶዋ ፔ ማኞ ዓንጂ ሜሌ" ላኣሊ ዔካሂ ፔኤኮ ቤርታኣ ማኞ ዒኢሳ"ኔ ጌይሢከ። 12 ዩያፒዲ ሓሣ ፆናታቴያ ፔ ዒንፓ ዓንጂንቴ ሜሌ"ም ሎዓ ላኣሌላ ዒኢታያ ማዓኔ ጌይሢከ» ጌዔኔ።

ዩሱሴኮ ናኣቶ" ዓንጂፆ

(ማቴ. 19፡13-15፤ ሉቃ. 18፡15-17)

13 ፔቴ" ፔቴ" ዓሳ ፔኤኮ ናኣቶ"ኮ ዩሱሴ ኩጮና ዑፆ ካኣማንዳፒዲ ዔኪ ሙካዛ ዩሱሴኮ ገንፆ ሓንታ ናኣታ" ዩኖ ዓሶ ጎሬኔ። 14 ዩሱሴ ዩያ ዛገጋፓ ጎሬ"ንቴ ፔኤኮ ገንፆ ሓንታ ናኣቶ"ም ሂዚ ጌዔኔ፡- «ጎሲ ካኣቲማ ሃንሢ ዔይቶ ጉዳዞንሢም ማዔሢሮ ናኣታ" ታ ኮራ ሙኮንጎ፤ ሓሹ"ዋቴ፡ ላኣገፖቴ፤ 15 ጎኔ ታ ዒንሢም ጋዓኔ፤ ጎሲኮ ካኣቲም ናይ ማዒ ዔኩዋ ዓሲ ፔቴ"ታፆ ዒኢካ ጌለንዲዋሴ!» 16 ዩሱሴ ዩካፓ ናኣቶ" ኮንቄ፡ ኩጮ ዑፆ ጌሢ ዓንጂኔ።

ፔቴ" ፆርጎቺ ዓሲ

(ማቴ. 19፡16-30፤ ሉቃ. 18፡18-30)

17 ዩሱሴ ዩካፓ ከሰኪ ገንሣ ዓኣዳኣና ፔቴ" ዓሲሰኪያ ጳሽኪ ሙኪ ቤርታ ጉምዓታፆ፡- «ኮኸ ዔርዛሢዮ! ናንገና ናንገ ዴጎቃኒ ዓይጎ ማዳንዲያ ታና ኮይሳይ?» ጌዒ ጎኦጩኔ።

18 ዩሱሴ ማሓፆ፡- «ዓይጎሮ ኮኸሢዮ ኔኤኒ ታና ጋዓይ? ፔቴ" ጎሲዳፓ ዓቴም ሜሌ" ኮሺ ጎኢያ ባኣሴ። 19 ኔኤኒ ዓይሢጎንሢ ዔራኔ፤ ዩንሢያ፡- ለዓሲ ዋዲፖ፡ ላኣሊ ዒኢሲ"ፖ፡ ዉኡቁፖ፡ ሉኡዙምና ማርካቲፖ፡ ጌሺፖ፡ ዓዶና ዒንዶና ቦንቼ፡ ጋዓዞንሢከ።»

10:4 ላሚ. ዋማ 24፡1-4፤ ማቴ. 5፡31። 10:6 ማኸ. ማፃ 1፡27፤ 5፡2። 10:8 ማኸ. ማፃ 2፡24። 10:11 ማቴ. 5፡32፤ 1ቆሮ. 7፡10-11። 10:15 ማቴ. 18፡3። 10:19 ኬሲ. ማፃ 20፡12-16፤ ላሚ. ዋማ 5፡16-20።

20 ዓሢያ፡- «ዔርዛሢዮ! ዬያ ዓይሢያ ቢያ ናኣቶፓ ዓርቃያ ታኣኒ ካፓኔ» ጌዔኔ።

21 ዬሱሴ ናሹሞና ዒዛ ዛጋያ፡- «ፔቴ" ባኣዚ" ሌሊ ዓቴ"ኔ፤ ዴንዲ ኔኤኮ ዓኣ ባኮ ቢያ ሻንቺ ማንቆ ዓሶሞ ገሸኪ ዒንጌ፤ ዬካፓ ታ ጊንያ ሙኪ ሓንቲ፤ ጫሪንጮ ማኣራ ቡኪንቲ ቆሎ ኔኤኮ ዓኣያ ማዓንዳኔ» ጌዔኔ። 22 ዓሢ ዬያ ዋይዛያ ዓኣፖ ካሮ" ቱኬ"ኔ፤ ኮሺ" ዒ ያርጎቺታሢሮ ያዪ ያዪ ዴንዳኔ።

23 ዬሱሴ ጊንያ ሓንታ ናኣቶ" ባንሢ ሺራያ፡- «ያርጎቺ ዓሲሞ ያኦሲ ካኣቱሞይዳ ጌሊሢ ዋዚጉዲ ሜታንዳይ!» ጌዔኔ።

24 ጊንያ ሓንታ ናኣታ" ዬኖ ዬሱሴ ጌዔዛ ዋይዚ፡- «ሓያጉዴ ባኣዚ"» ጌዒ ዲቃቲኔ፤ ጋዓንቲ ዬሱሴ ላሚ፡- «ናይዮቴ! ያኦሲ ካኣቱሞይዳ ጌሊሢ ዋዚ ሜታንዳይ! 25 ያርጎቺ ዓሲ ያኦሲ ካኣቱሞይዳ ጌላንዳሰካፓ ጋኣላ ናርፔ ያኣናና ጌላኒ ሸሌዓንዳኔ» ጌዔኔ።

26 ጊንያ ሓንታ ናኣታ" ዬሱሴ ጌዔሢና ኮሺ" ዲቃቲ ሄርሻያ፡- «ያዒ ማዔቶ ማይ ያኣኒ ዲቃኒ ዳንዳዓይ!» ዋሊ ኮራ ጌዔኔ።

27 ዬሱሴ ዔያቶ ባንሢ ዛጋያ፡- «ጎኔ ዬይ ዓሲሞ ዳንዳዒንቲሞቤ፤ ጋዓንቲ ያኦሲሞ ዳዳንዳዒንታያኬ፤ ቢያ ባኣዚ" ያኦሲሞ ዳንዳዒንታኔ» ጌዔኔ።

28 ጳዒሮሴ ዒሞ"ና፡- «ሃይሾ ኑኡኒ ቢያ ባኣዚ" ሃሺ" ኔ ጊንያ ሓንታንቲሞ» ጌዔኔ።

29 ዬሱሴ ሂዚ ጌይ ማሄኔ፡- «ጎኔ ታኣኒ ጋዓኔ፤ ታናንታ ታኣኮ ኮዦ ሓይሶንታሮ ጌዒ ፔኤኮ ማኣሮ፤ ጌርሲንሢ፤ ጌርንሢ፤ ዒንዳ፤ ዓዴ፤ ናኣቶ"ንታ ጎዦንታ ሓሻ"ሢ ባሺና ዴንቃንዳኔ። 30 ሓያ ዋዶ"ይዳታቲያ ዒዒንቲ ዳኪንቲያና ፔኤኮ ማኣሮ፤ ጌርሲንሢ፤ ጌርንሢ፤ ዒንዳንሢ፤ ናኣቶ"ንታ ጎዦንታ ሓሺ"ቶ ሚርጌ ዪኤታ ጳንጩ ማሂ ዔካንዳኔ፤ ሙካ ዓጮ"ይዳ ናንጊና ናንጊ ዴንቃንዳኔ።

31 ዬይ ያዲ ማዔቶሞ ቤርቲ ማዔ ጎኦሶ" ማላ ሚርጌ ዓሳ ጊንሢሞ፤ ጊንያ ዓቴ"፤ ላቤያ ማላ ሚርጌ ዓሳ ቤርቲሞ ማዓንዳኔ።»

ዬሱሴ ፔና ሄላንዳ ሜቶና ሓይሶ"ና ዛሎ" ሃሃ ኬኤዜሢ
(ማቲ. 20፡17-19፤ ሉቃ. 18፡31-34)

32 ዬሩሳሌሜ ዴንዳ ጎይያይዳ ዔያታ ዓኣንቲ ዬሱሴ ዔያቶኮ ቤርታ ቤርታ ዴንዳኔ፤ ጊንያ ሓንታ ናኣታ"፡- «ሓያጉዴ ባኣዚ"» ጌዒ ዬኖ ሓይሶ ዲቃቲ ሄርሸኔ፤ ሓንጎ ዒዛና ዓኣ ዓሳ ዒጊጩኔ። ዒዚ ጊንሢ ላሚ ዒዛ ሄላ"ንዳ ባኮ ኬኤዛኒ ታጾ ላሞያንሢ

10:31 ማቲ. 20፡16።

ፔ ባንሢ ዔኤላ"ዎ ሂዷ ጌዒ ከኤዘኔ፡- 33 «ሐይሾ ኑኡኒ ዩሩሳሌሜ ደንዲያይዳኬ፤ ዓሲኮ ናባሢ ቁኤሶኮ ሱኡጎና ሙሴ ዔርዘ ዎጎ ዔርዘዘንሢናም ዓኣሢ ዒንገንታንዳኔ፤ ዔያታኣ ዒዚ ሐይቃንዳጉዲ ጌዒ ጌሰቲ ኩንሢንዳኔ፤ ዓይሁዴ ማዒባኣ ዓሲም ዒዛ ዓኣሢ ዒንጎንዳኔ፤ 34 ዓይሁዴ ማዒባኣ ዴራ" ዒዛ ቦሃንዳኔ፤ ጩታንዳኔ፤ ዠራፓና ጰርቃንዳኔ፤ ሐሣ ዎዳንዳኔ። ጋዓንቲ ሐይሣ ዓሲኮ ገንፃ ሐይባ"ፓ ዔቃንዳኔ።»

ያይቆኦቤና ዮሐንሴናኮ ያኦጪዎ
(ማቴ. 20፡20-28)

35 ዜብዲዮሱኮ ናኣታ" ያይቆኦቤና ዮሐንሴና ዩሱሴ ኮራ ሙካዎ፡- «ኑና ዔርዘሢዮ! ኑኡኒ ያኦጪ ባኮ ኔኤኒ ማዳንዳጉዲ ኑ ኮዓኔ» ጌዔ።

36 ዩሱሴ፡- «ዓይጎ ታኣኒ ማዳንዳጉዲ ዒንሢ ኮዓይ?» ጌዒ ያኦጪ።

37 ዔያታ ማሐዎ፡- «ኔኤኮ ቦንቺንቲ ካኣቱሞይዳ ዓኣ ቦንቾ ቤዛ፡ ኑጊዳፓ ፔቲ"ሢ ኔኤኮ ሚዛቃ፤ ፔቲ"ሢ ሻውሎ ዛላ" ኑና ማሂ ዴይሢ» ጌዔ።

38 ዩሱሴ ጋዓንቲ፡- «ዒንሢ ያኦጪ ባኮ ዔሩሞሴ፤ ታኣኒ ዔካ ማታሢ ዒንሢ ዔካኒ ዳንዳዓ? ታኣኒ ጌላንዳ ማታሰካ ዒንሢ ጌላኒ ዳንዳዓ?» ጌዒ ዔያቶ ያኦጪ።

39 ያይቆኦቤና ዮሐንሴና ማሐዎ፡- «ሂዮ ኑኡኒ ዳንዳዓንዳኔ» ጌዔ። ዩሱሴያ፡- «ጎኔኬ፤ ዒንሢ ታኣኒ ዔካ ማቶ" ዔካኒ፤ ታኣኒ ጌላ ማታሰካኣ ጌላኒ ዳንዳዓ። 40 ጋዓንቲ ታኣኮ ሚዛቆና ሻውሎ"ናይዳ ዴዓንዳጉዲ ዓይሣሢ ታናቱሞሴ፤ ዩይ ቤዛ ዒንገንታሢ ዒዛ ቤዘም ያኦሲ ገኢገሺ ዓሲምኬ» ጌዔ።

41 ዓቲ" ታጰንሢ ዩያ ሞይዘዎ ያይቆኦቤና ዮሐንሴናይዳ ዳጋዴ።

42 ዩሱሴ ቢያሢ ፔ ባንሢ ዔኤላ"ዎ ሂዷ ጌዔ፡- «ዓይሁዴ ማዒባኣ ዓሲኮ ሱኡጎ ዴሮ"ኮ ሞይሣዘንሢ ጌይንቲ ዔኤሊ"ንታያ ማዔሢና ሐሣ ዔያቶኮ ቢቶ" ማዔዘንሢኮ ዔያቶ ዑፃ ቢታንቶ ዓኣያ ማዔሢ ዒንሢ ዔራ። 43 ጋዓንቲ ዒንሢ ባኣካ" ያዒ ማዓኒ ኮይሱሞሴ፤ ዒንሢፓ ፔቲ" ዓሲ ፑኡፒ ማዓኒ ኮዓቶ ቢያሢም ማዳያ ማዎም፤

44 ዒንሢ ባኣካ"ፓ ዴጌ ማዓኒ ኮዓሢ ቢያሢም ዓይሌ" ማዎም፤

45 ዓሲኮ ናባሢታዎ ቢያሢኮ ዴማ" ማዒ ማዳኒና ፔኤኮ ሹምፓሢ ሚርጌዘንሢ ዛሎ" ዒንገ ዳቁሻኒ ሙካንዳኣፓቲም ዓሲ ዒዛም ማዳንዳጉዲ ሙኪባኣ።»

10:38 ሉቃ. 12፡50። **10:42** ሉቃ. 22፡25-26። **10:43** ማቴ. 23፡11፤ ማር. 9፡35፤ ሉቃ. 22፡60።

ዩሱስ ዓኣፓ ባይቄ ቤርዳሚዮሴኮ ዓኣፖ ፖሊሴሢ
(ማቴ. 20፡29-34፤ ሉቃ. 18፡35-43)

46 ዩሱስ ዩሱሴና ዒዛኮ ጊንዖ ሓንታ ናኣቶ"ና ዎላ" ዒያርኮ ጌይንታ ካታሞ ሙኬኔ፤ ዔያቶና ዎላ" ሚርጌ ዳሬ ዒያርኮ ካታማፓ ኬሰካንቴ ፔቴ" ዊሞሴ ናይ፡ ዓኣፒ ባይቄያ ቤርዳሞሴ ጎዖሰኬይ ጎይዖ ዓጫ ዳዒ ዔኤቢ ዒንጎም ሸኢቃኔ። 47 ዒዛኮ ኮርሲና ዳንዳሢ ናዚሬቶ ዩሱሴ ማዔሢ ዒ ዎይዛዖ፡- «ዳውቴ ናዓሢዮ! ዩሱሴ ሓዳራ ታና ሚጨንቲ ማኣዳቴራ» ጌዒ ዒላቲሢ ዓርቄኔ።

48 ሚርጌ ዓሳ፡- «ዚቲዮ ጌዔ!» ጌይ ጎሬኔ፤ ዒዚ ጋዓንጌ «ዳውቴ ናዓሢዮ ታና ማኣሬ!» ጌዒ ሓቺሞ ዒላቴኔ።

49 ዩሱሴ ዔቃዖ፡- «ዒዛ ዔኤሉ"ዎቴ» ጌዔኔ፤ ዔያታ ዓኣፓ ባይቄሢ ዔኤላ"ዖ፡- «ዔኤዛይ ዒጊጨፖ፣ ዔቄ! ዩሱሴ ኔና ዔኤላ"ኔ» ጌዔኔ።

50 ዒዚ ፔኤኮ ቃሲ" ዑፃ ማኣዔ ዓፒሎ ኬኤሪ፡ ጵሊ" ዔቃዖ ዩሱሴ ባንሢ ዓኣዳኔ።

51 ዩሱሴ፡- «ታኣኒ ዓይጎ ዎኦቶም ኔኤኒ ኮዓይ?» ጌዒ ዖኦጩኔ። ዒዚ፡- «ዔርዛሢዮ! ሓዳራ ታኣኒ ዛጋንዳጉዲ ዓኣፖ ታኣም ፖሊሴ» ጌዒ ማሕኔ።

52 ዩሱሴ፡- «ሃዳቶ ዳንዳ፤ ኔ ጉሙርቂፃ ኔና ዓውሴኔ» ጌዔኔ። ዓሢያ ቤዘማና ዛጌኔ፤ ጎይዖናኣ ዩሱሴ ጊንዖ ዓኣዳኔ።

11

ዩሱሴኮ ፑኤፒ ቦንቾና ዩሩሳላሜ ጌሊዖ
(ማቴ. 21፡1-11፤ ሉቃ. 19፡28-40፤ ዮሐ. 12፡12-19)

1 ዩሱሴና ዒዛኮ ጊንዖ ሓንታዘንሢና ዩሩሳላሜ ሙኪ ዑካዖ ዛይቶ ሪሚቶ ዲኮ" ኮይላ" ዓኣ ቤቴፓጌና ቢታኒያ ጌይንታ ካታሞንሢ ሙኬኔ፤ ዩሱሴ ዒዛኮ ጊንዖ ሓንታ ናኣቶ"ይዳፓ ላምዖሰኬንሢ ቤርታ ሂዚ ጌዒ ዳኬኔ፡- 2 «ሃሮ" ሴኮ ጉርዳሎ ዒንሢ ቤርታዲ ዓኣዲዎቴ፤ ዒኢካ ዒንሢ ሄሄላ"ዖ ዖኣኒያ ቶጊባኣ ሓሬ ናይ ቱኡቲ ዓኣንቴ ዳንቃንዳኔ፤ ቡሊ" ሃኒ ዔኪ ዩዑዎቴ፤ 3 ዖኣኒያ ዒንሢ ዓይጎሮ ቡላ"ይ ጌዒ ዖኦጩቶ ሳዳም ኮይሳሢሮኬ፤ ዑኬና ዒዚ ማሂ ዳካንዳኔ» ጌዒ ኬኤዘዎቴ።።»

4 ዔያታኣ ዳንዳዖ ሓሮ" ናዖማ ጎይዖ ዓጫ፡ ማኣሪ ካርካ ቱኡቲ ዓኣንቴ ዳንቂ ቡሊ"ኔ፤ 5 ዒማ"ና ዒኢካ ዔቂ ዓኣ ዓሶፓ ፔቴ" ፔቴ" ዓሲ፡- «ሃሮ" ናዖ ዎዳ"ኒ ቡላ"ይ?» ጌዒ ዖኦጩኔ።

6 ዔያታኣ ዩሱሴ ጌዔሢ ዖኦጩ ዓሶም ማሂ ኬኤዛዛ ዓሳ ዔያቶ ሓሾ"ኔ። 7 ላምዖ ጊንዖ ሓንታ ናኣቶ"ንሢ ሃሮ" ናዖ ዔኪ ዩሱሴ ኮራ ሙካዖ፣ ዔያታ ፔኤኮ ዓፒሎ ሓሮ" ናዖ ዙላ" ጌሃዛ ዩሱሴ

ቶጌ።። 8 ሚርጌ ዓሳ ፔኤኮ ዓፒሎ ጎይፃ ሒኢሣዛ ዛሎ" ዓሳ ካያፓ ዋላሺ ማንሣ ማንሣ ጎይፃ ሂኢሣ።። 9 ዩሱሴኮ ቤርቶና ጊንፎናይዳ ዓኣ ዳራ" ቢያ፡- «ፆኦሲ ጋላቲንቶም! ጎዳ ሱንፎና ሙካሣ ፆኦሲ ዓንጀንጎ፤ 10 ሓጊ ሙካ፣ ኑኡኮ ዓዳሣ፣ ዳውቲ ካኣቱማ ዓንጀንቲያኬ! ጋላታ ጫሪንጮይዳ ፆኦሲም ማፆንጎ!» ጌራ ዒላቲ።።

11 ዩሱሴ ዩሩሳላሜ ሄሊ" ፆኦሲኮ ጌኤዢ ማኣሪ ጌላፆ ዓጫ ዓኣ ባኮ ቢያ ዛጌ፤ ሳዓ ዓሚሣሮ ታጸ ላምፆንሣና ዋላ" ዩሩሳላሜፓ ኬሰኬ ቢታኒያ ጎፆ ቤዛ ዓኣዴ።።

ዩሱሴ ጋዳንቁ ቤሌሴ ጌይንታ ሚጻሎ
(ማቲ. 21፡18-19)

12 ጉቲ" ቢታኒያፓ ዔያታ ማዓኣና ዩሱሴ ናይዲንቲ።። 13 ፔቲ" ዋርቁ ዓኣያ ቤሌሴ ጌይንታ ሚሣ ሃኬ ዴንቃፆ ጎፆንቲ ዒዘይዳ ዓኣፒ ናንጋንዳ፤ ጌራ ሚጻሎ ባንሣ ዓኣዴ።። ጋዓንቲ ሚጻላ ዓኣፑዋ ዋዴ ማዔሣሮ ዒላሺፓ ጋታዛ ፔቲ"ታፆ ዓኣፒ ዒዚ ዴንቁባኣሴ።። 14 ዩያሮ ዩሱሴ ሚጻሎ፡- «ሃይፓ ሴካ ፆኦኒያ ኔጊዳፓ ዓኣፒ ሙፆፓ» ጌዔ።። ዩያ ዒዚ ጋዓኣና ጊንፆ ሓንታ ናኣታ" ዋይዜ።።

ዩሱሴ ጌኤዢ ማኣራ ኮርማ ዓሶ ዳውሴሣ
(ማቲ. 21፡12-17፤ ሉቃ. 19፡45-48፤ ዮሐ. 2፡13-22)

15 ዩሱሴ ዩሩሳላሜ ሙካፆ ጌኤዢ ማኣሮ ጌሊ ዒኢካ ሻንቻ ዓሶና ሻንቻ ዓሶና ዳውሴሣ ዓርቁ።። ሚኢሾ ላኣማ ዓሶኮ ሚኢሾ ጌሦሣና ዶኦሎ" ሻንቻ ዓሶኮ ፆይቶና ሂራ ዶይሴ።። 16 ፆኦኒያ ዓይጎ ባኣዚ" ኬዳ ጌኤዢ ማኣሮኮ ዳሮ ጋሮና ዓኣዳንዳጉዳ ዒ ኮሲባኣሴ።። 17 ዩሱሴ ዳሮ" ሂዚ ጌራ ዔርዜ፡- « ታኣኮ ማኣራ ዓሴ ዜርሣ ቢያኮ ሺኢጶሣ ማኣሪኬ» ጌዒንቲ ፆኣፒንቲባኣዓዳ? ዒንሣ ጋዓንቲ ጩሲ" ዓኣሺንታ ቤሲ ማሔ።። ጌዔ።።

18 ቁኤሶኮ ሱኡጎና ሙሴኮ ዓሶ ዋይሣ ዋጎ ዔርዛዘንሣና ዩሱሴ ዩያ ኬኤዛኣና ዋይዜ፤ ዒዚ ኬኤዛሣ ዳራ" ቢያ ዲቃቲ ሂርሻሣሮ ዔያታ ዒጊጫፆ ዋዲ" ዓርቁ ዒዛ ባይዘንዳቲያ ካራ ኮዔ።።

19 ዩሱሴና ጊንፆ ሓንታ ናኣቶ"ና ሳዓ ዓማዛ ካታማፓ ኬሰኬ።።

ቤሌሶ ሚጻሎኮ ማሊያ
(ማቲ. 21፡20-22)

20 ዚሮ ጉቴ"ሎ ጉቴ" ዓሚ" ጎይጾና ዔያታ ዴንዳጾ ቤሌሶ ሚጻላ ጾጲና ሚሊ ዓኣንቴ ዴንቄኔ፤ 21 ጳጳርሴ ዚጊኖ ዩሱሴ ጌዔሢ ጾቁሣጾ፡- «ዔርዛሢ፤ ኔኔኒ ጋዳንቄ ሚጻላ ሓይሾ ሚሌኔ» ጌዔኔ።

22 ዩሱሴ ዔያቶም ማሓጾ፡- «ጾኦሲ ጉሙርቁዋቴ፤ 23 ጎኔ ታ ዒንሢም ጋዔኔ፤ ጾኦኒያ ላምጾ ዒኔና ማይባኣጾ <ታኣኒ ኮዓ ባካ ማዓንዳኔ» ጌዒ ጉሙርቁሢና ሓያ ዲኮ" <ሓይፓ ዔቁ ባዘ"ይዳ ኬኤሪንቴ» ጌዔቶ ኬኤሪንታንዳኔ። 24 ዩያሮ ሺኢጲሢና ዓይጎ ባኣዚ"ታቶዋ ዒንሢ ሺኢቄቶ ዒንሢም ማዔያጉዲ ጉሙርቁዋቴ፤ ዒንሢ ሺኢቃ ባካ ቢያ ዒንሢም ዒንገንታንዳኔ። 25 ጫሪንጫ ዓኣ ዓዳሢ ዒንሢ ጎሞ ዓቶም ጋዓንዳጉዲ ዒንሢ ሺኢቃኒ ዔቃ ዋደ"ና ዓሲዳ ዒንሢ ዓርቁ ኮሚ ዓኣቶ ሃሹ"ዋቴ። [26 ዒንሢ ሚሌ" ዓሶኮ ዲቢንቶ ዓቶም ጌዒባኣቶ ጫሪንጫ ዓኣ ዓዳሢ ዒንሢ ጎሞ ዓቶም ጌዒንዲዋሴ» ጌዔኔ።]*

ዩሱሴ ዓይጎ ቢታንቶና ማዳቴያ ጾኦጪንቴ ጾኦጪጾ
(ማቴ. 21፡23-27፤ ሉቃ. 20፡1-8)

27 ዔያታ ላሚ ዩሩሳላሚ ማዒ ሙኬኔ፤ ዩሱሴ ጌኤዦ ማኣሮ ጌሊ ሓንታንቴ ቄኤሶኮ ሱኡጋ፡ ሙሴ ዋጎ ዔርዛዘንሢ ሓሣ ጪማኣ ዒዛ ኮይላ" ሙካጾ፡- 28 «ሓያ ባኮ ቢያ ኔኔኒ ማዳሢ ዓይጎ ቢታንቶናዳይ? ሓሣ ሓያ ባኮ ማዳንዳጉዲ ቢታንቶ ኔኤም ዒንጌሢ ጾናዳይ?» ጌዒ ጾኦጪኔ።

29 ዩሱሴ ማሓጾ፡- «ታኣኒያ ዒንሢ ፔቴ" ባኣዚ" ጾኦጪንዳኔ፤ ዒንሢ ታኣም ማሄቶ ታኣኒ ዓይጎ ቢታንቶና ሓያ ባኮ ማዳቴያ ዒንሢም ኬኤዛንዳኔ፤ 30 ዮሓኒሴኮ ማሰኪጾ ጾኦሲፓም ዓሲፓዳይ? ሒንዳ ታኣም ኬኤዙዋቴ» ጌዔኔ።

31 ዔያታ፡- « <ዓካሪ ኑ ዋዚ ጋዓንዳይ?> ጌዒ ዋላ" ዘርታጾ፡ <ጾኦሲፓኬ» ጌዒ ኑኡኒ ማሄቶ <ሂዳጾ ዒንሢ ዓይጎሮ ዮሓኒሴ ኬኤዛሢ ጉሙርቁባኣይ?> ዒዚ ጋዓንዳኔ። 32 <ዓሲፓኬ» ኑኡኒ ጌዔቶሽ?» ዓሲፓኬ ዔያታ ጎዑዋጉዲ ዴራ" ቢያ ማሰካ ዮሓኒሴ «ጎኔና ጾኦሲ ማላሢ ኬኤዛ ዓሲኬ» ጋዓሢሮ ዒገጪኔ። 33 ዩያሮ፡- «ኑኡኒ ዔሩዋሴ» ጌዒ ማሄኔ።

ዩሱሴያ፡- «ያዒታቶ ታኣኒያ ዓይጎ ቢታንቶና ሃያ ባኮ ማዳቶ ዒንሢም ኬኤዛዓ» ጌዔኔ።

11:23 ማቴ. 17፡20፤ 1ቆሮ. 13፡2። 11:25 ማቴ. 6፡14-15። * 11:26 ፔቴ" ፔቴ" ሚናኣ ማጻጻፓ ፓይ. 26 ጌዳ" ቃሳ"ኔ፤ ዩና ቃኣሌላ ማቴ. 6፡15 ጌዳ" ዓኣዞ ማላያኬ።

12

ዎይኖ ቱካ" ዓሶ ማሊሲ ኬኤዘና ኮኦኪንሃ
(ማተ. 21፥33-46፤ ሉቃ. 20፥9-19)

1 ሄሊ" ሳዖ ዩሱሴ ዩኖ ኮኦኪንሃና ሂዚ ጌሲ ኬኤዘሢ ዓርቄኔ፡-
«ፔቴ" ዓሲ ዎይኔ ጌይንታ ሙዖ ዓኣፒ ዓኣፓ ሚሢዳ ባልጋ ባኣዚ" ቱኬኔ፤ ዓጮዎ ኮሺ" ዲርቄ ዩኖ ካፃዛ ሄርቄ ጨኡጲ ዑሺ ኮሺ"ንዶ ዔቴያ ላሌ ሹቹዳ ቆኦቄ ቦኦኪ ጊኢጊሺኔ፤ ሓሣ ዎይኔሎ ካፓ ዓሶም ዴግ ጌዔ ሴኤላ" ሴኤሊ"፤ ዩካፓ ዩኖ ቤዙ ጎሽኪ ጎሽኪ ታኦም ካፑዎቴ ጌሲ ጎሽካ ዓሲም ዒንጊ ሓኬ ዓጪ ዴንዴኔ። 2 ዎይኖ ማንዖ ዎዶ"ና ዒዛ ሄላ" ዛሎ" ዔኪ ሙካንዳጉዲ ዒዛኮ ዓይሢንቲ ማዳ ዓሲ ጎሽካ ዓሶ ኮራ ዳኬኔ። 3 ጎሽካ ዓሳ ዒዛ ዩያ ዓይሢንቲ ማዳሢ ዓርቄ ጳርቄሰካፓ ኩቹ ጉሪ ማሂ ዳኬኔ። 4 ጊንሣ ሓሣ ጎዙ ዓዴ ሜሌ" ዓይሢንቲ ማዳያ ዳካዛ ጎሽካዘንሢ ዩያኮዎ ቶኦኮ" ዲይ ዑሪ፥ ቦርሲሲ ዳኬኔ፤ 5 ሄሊ"ሲ ሓሣ ሜሌ" ዳካዛ ዩያኦ ዎዳኔ፤ ዩያጉዴያ ሚርጌ ዓሲ ዳካዛ ዛሎ" ጳርቄ ዛሎ" ዎዳኔ። 6 ዓካሪ ጎዙ ዓዴ ማዳኒ ዓቴ" ባኣዚ" ፔኤኮ ናሽካ ናዓሢ ዳኪሢ ሌሊኬ፤ ዩያሮ ሳዖንቲ ታኦኮ ናዓሢ ዔያታ ቦንቻንዳኣናንዳኔ» ሂዚ ጌሲ ማላዖ ቢያሢኮ ጋፒንዖይዳ ፔቴ" ናዓሢ ዳኬኔ። 7 ጋዓንቲ ጎሽካዘንሢ ዎሊ ኮራ ሐይ ዒዛ ዳካላንዳሢታሢሮ ሃኒ ዩዑዎቴ፤ ኦ ዒዛ ዎዴቶ ዒዛኮ ዓዶኮ ዓኣ ባካ ቢያ ኦም ማዓንዳኔ» ጌዔኔ። 8 ዩያሮ ናዓሢ ዔያታ ዓርቄ ዎዴ ዩኖ ጎሽኮ ቤዜሎኮ ቲኢዖ ዙላ" ዔኪ ዓኣዲ ኬኤሬኔ። 9 ዓካሪ ዩኖ ጎዙሎኮ ዓዳሢ ዓይጎ ዎኦታንዳይ? ጌዔቶ ዒዚ ፔኤሮ ሙኪጋፓ ጎሽካ ዓሶ ዎዳንዳኔ፤ ዩኖ ጎዙ ቤዜሎ ሜሌ" ጎሽካ ዓሲም ዒንጋንዳኔ። 10 ጌኤዙ ማፃኣፖይዳ፡-

ሐማኣሮ ማዙ ዓሳ ቦሂ ሃሽ" ሹጫሢ
ማኣሮኮ ሄሎ ማዔኔ፤

11 ዩይ ሓሣ ዖኦሲ ማዳኬ፤
ኦኡኒ ዛጋዛ ዲቃሢ ሔርሺሳያኬ።»

ጌይንቲ ዖኣፒንቲሢ ዒንሢ ናባቢባኣዓዳ?
12 ዓይሁዶኮ ሱኡጎ ማዔ ዓሳ ዩሱሴ ዩያ ኮኦኪንሃና ዔያቶ ዛላ ኬኤዘያ ማዔሢ ዔራዖ ዒዛ ዓርቃኒ ኮዔኔ፤ ጋዓንቲ ሚርጌ ዴሪ ዓኣያታሢሮ ዒጊጪ ዔያታ ዒዛ ሓሺ" ዴንዴኔ።

ጊኢራ ጪጊሢ ዛላ ዖኦጪንቲ ዖኦጪሢ
(ማተ. 22፥15-22፤ ሉቃ. 20፥20-26)

12:10 ዓይኦ. 118፥22-23።

13 ፔርሴ ዓሶና ሄሮዲሴ ዓሶና ዛላ"ፓ ማዔ ፔቴ" ፔቴ" ዓሲ ዩሱሴ ገሰታ ጌኤዘና ዳቢንታቶ ቡኡዲ ዓርቃንዳጉዲ ዒዛ ኮራ ዳኪንቴኔ። 14 ዩንሢያ ዒዛ ኮራ ሙካዖ፡- «ዔርዘሢያ! ኔኤኒ ጎኔ ከኤዘያ ማዔሢ ኑኡኒ ዔራኔ፤ ዓሲ ዒጊጨሢሢና ዓሲ ታና ዎዚ ጋዓንዳይ? ጌዒ ኔ ማዳ ባኣዚ" ባኣሢሮ ያኦሲኮ ጎይዖ ጎኑሞና ኔኤኒ ዔርዘኔ፤ ያዒ ማዓዛ ሮሜ ዓጮ" ካኣቲሞ ጊኢራ ጨጊሢ ዎጋ" ዓይሣሞ? ዓይሠቀይ? ኑኡኒ ጊኢሮንደሞ? ኣሾ"ንደይ?» ጌዒ ያኦጮኔ።

15 ዩሱሴ ዔያቶኮ ጌሮ ማሊዖ ዔራዖ፡- «ዒንሢ ታና ዓይጎር ጌኤሲና ቡኡዳኒ ኮዓይ? ሂንዳ ሮሜ ዓጮ" ሚኢሾ ታና ዳውዎቴ» ጌዔኔ።

16 ዔያታ ሚኢሾ ዔኪ ሙካዛ ዒዚ፡- «ኣኖ ሮሜ ዓጮ" ሚኢሾሎይዳ ዓኣሢኮ ዓውካሮና ያኣፒንቴ ሱንዖና ያኦርዳይ?» ጌዒ ያኦጮኔ።

ዔያታ ማላዖ፡- «ሮሜ ዓጮ" ካኣቲሲኬ» ጌዔኔ።
 17 ዩሱሴ፡- «ያዒ ማዔቶ ካኣቲሲ ካኣቲሞ፣ ያኦሲሲ ያኦሲሞ ዒንጉዎቴ» ጌዔኔ። ዔያታ ዒዛኮ ማሂዖና ኮሺ" ዲቃቲ ሔርሼኔ።

**ኣይቄ ዓሲኮ ዔቂሢ ዛላ ያኦጮንቴ ያኦጮሢ
 (ማቴ. 22፣23-33፤ ሉቃ. 20፣27-40)**

18 «ኣይቄ ዓሲ ኣይባ"ፓ ዔቂንዲሞሴ» ጋዓ ሶደቄ ዓሳ ዩሱሴ ኮራ ሙካዖ ሢዚ ጌዒ ዒዛ ያኦጮኔ፡- 19 «ዔርዘሢያ! ሙሴ ዓሶ ዎይሣ ዎጎይዳ ኑሞ ፔቴ" ዎጌ ያኣፒ ዒንጌኔ፤ ዩና <ፔቴ" ዓሲ ላኣሊ ዔካዖ ሾውዎዖ ኣይቄቶ ዒዛኮ ጌርሲ ላኣሌሎ ዔኪ ኣይቄሢሞ ያጲ ጌሢ ናይ ሾዖንጎ" ጋዓያኬ። 20 ዓካሪ ሂንዳ ፔቴ" ዓሲኮ ላንካይ ዓቲንቄ ናይ ዓኣኔ ኑ ጎዖሞ፤ ዔያቶኮ ቶይዳሢ ላኣሊ ዔካዖ ሾውዎ ኣይቄኔ፤ 21 ሄሊ"ሴ ጌኤዚ ኣይቄሢኮ ዩኖ ላኣሌሎ ዔካዖ ኣሣ ሾውዎ ኣይቄኔ፤ ኣይሣሳሢያ ኣሣ ዩያጉዲ ማዔኔ፤ 22 ዩያይዳ ጎይሣ ላንኮ ጌርሲንሢ ቢያ ላኣሌሎ ዔካዖ ዳካላንዳ ናይ ሾውዎ ኣይቄዛ ቢያሢኮ ጋፒንዓ ላኣሌላ ኣይቄኔ፤ 23 ላንኮ ጌርሲንሢ ቢያ ዒዛ ዔኬያታሢሮ ጋፒንዓ ኣይቄ ዓሳ ዔቃ ዎደ"ና ዩና ላኣሌላ ዎያኮ ማሻ ማዓንዳይ?» ጌዒ ያኦጮኔ።

24 ዩሱሴ ዔያቶሞ ማላዖ፡- «ዒንሢ ኣኣዒዲ ዳቢንታሢ ያኣፒንቴሢ ያኦሲኮ ዎልቆና ዔራዎኣሢሮቲዎይ? 25 ኣይቄ ዓሳ ዔቃይ ጨሪንጨ ዓኣ ያኦሲኮ ኪኢታንሻጉዲ ማዓንዳፓ ዓቲሞ ዔኩዎሴ፤ ሎዑዎሴ። 26 ኣይቄ ዓሶ ዔቂዖ ዛሎ" ማዔቶ ጋዓንቴ

12:18 ዳኪ. ማዳ" 23፣8። 12:19 ላሚ. ዎማ 25፣5።

ጾታ ስም ስም ካየ ባኣካ" ታሞና ጾዲ ከኤዜ ወደ"ና ዓይጎ ከኤዜቶሞ ስም ማግኣፖይዳ ዒንሢ ናባቢባኣዓዳ? ዩና ዓይጎዳይ ጌዔቶ፡- <ጾኦ፤ ታኣኒ ዓብራሃሜ ጾኦ፤ ዩሳኣቄ ጾኦ፤ ያይቆኦቤ ጾኦ፤ ጌዔሢ። 27 ጾኦ፤ ሽሞፖና ናጎጎ ዓሶ ጾኦ፤ ሓይቄቶሞ ናጎጎና ናጎጎ ዓሶ ጾኦ፤ ሢንሢ ጋዓጎቴ ኮሺ" ዳቢጎታኔ» ጌዔ።

ቢያፓ ባሽ ማዔ ዓይሥሢ
(ማቴ. 22፡34-40፤ ሉቃ. 10፡25-28)

28 ስም ዔርዜ ዋጎ ዔርዛ ዓሶይዳፓ ፔቴ"ሰከያ ማርማሢ ዓያቶኮ ዋይዜ፤ ዩሱሴ ፔ ኮራ ጾኦ፤ ዓሶም ቃራ ማሢሢ ማሐሢ ዋይዚ ዒና ዔከ፤ ዩይ ዓሢ ዩሱሴ ባጎሢ ስም ካዎ፡- «ጾኦ፤ ዓይሢ ዓይሢ ያይዳፓ ቢያ ባሽ ማዔ ዓይሢ ያዎናዳይ?» ጌዒ ጾኦ፤።

29 ዩሱሴ ዓዛም ማሐዎ፡- «ቢያፓ ባሽ ማዔ ዓይሢ ያዎናዳይ! ጾኦ፤ ኦኦኮ ፔቴ" ጾኦ፤ ሌሊከ፤ 30 ኦኦኒያ ኦኦኮ ጾኦ፤ ጉቤ ዒናፓ፤ ጉቤ ሽሞፓፓ፤ ጉቤ ማሊፃፓ፤ ጉቤ ዋልቃፓ ናሽከ» ጋዓያከ ጌዔ። 31 ሓሢ ዩያ ማሊፃ ላምዓሳ ዓይሢ ያዎናዳይ" ዓሶ ኦናፊዒ ማሢ ናሽከ» ጋዓያከ። ዩንሢ ላምዎ ዓይሢ ያጎሢ ያዳፓ ማሌ" ባሻያ ባኣሴ።»

32 ስም ዔርዜ ዋጎ ዔርዛሢ ዩሱሴ ኮራ፡- «ሂዮ ፔኤሮ ኮሺከ ዔርዛሢዮ! <ጾኦ፤ ፔቴ"ከ፤ ዒዛይዳፓ ዓቴም ማሌ" ጾኦ፤ ባኣሴ» ኦኦኒ ጌዔሢ ጎኔ፤ 33 ዩያሮ ዓሶ ጉቤ ዒናፓ፤ ጉቤ ሽሞፓፓ፤ ጉቤ ማሊፃፓ፤ ጉቤ ዋልቃፓ ጾኦ፤ ናሽከ ኮይሳኔ፤ ሓሢ ማሌ" ዓሶ ዩያ ማሢ ናሽከ ኮይሳኔ፤ ታሚና ማቺ ጾኦ፤ ስም ዒንጎ ባኮ ዒንጎይና ዩያ ጉዳያ ማሌ" ዒንጎ ካኣኮይዳፓ ዩንሢ ላምዎ ዓይሢ ያጎሢ ካፒፃ ባሻያከ» ጌዔ። 34 ዩይ ዋጎ ዔርዛሢ ዔራቶና ጳቂሢ ማሢ ዩሱሴ ዛጋዎ፡- «ኦኦኒ ጾኦ፤ ካኣኮይዳፓ ሓከያቴዎሴ» ጌዔ።

ዩካፓ ዩሱሴ ኮራ ጩርቂ ጾኦ፤ ዓሶ ባኣሴ።

ማሰሐ ዛሎ" ጾኦ፤ ጎጎጎጎ ጾኦ፤
(ማቴ. 22፡41-46፤ ሉቃ. 20፡41-46)

35 ዩሱሴ ጾኦ፤ ጌኤኮ ማኣሮይዳ ዔርዛቤቃ ሂዚ ጌዒ ጾኦ፤፡- «ስም ዔርዜ ዋጎ ዔርዛ ዓሳ <ከሪሰቶሴ ዳውቴ ናይከ» ዓይጎሮ ጋዓይ? 36 ዳውቴ ፔ ቶኦከና ዓያና ጌኤሺ ዒዛ ዒና" ማሊሢ ጌሃዛ፡-

12:26 ከሴ. ማፃ 3፡6። 12:28 ሉቃ. 10፡25-28። 12:30 ላሚ. ዋማ 6፡4-5። 12:31 ሉቃ. ዓከ 19፡18። 12:32 ላሚ. ዋማ 4፡35። 12:33 ሆሴ. 6፡6።

«ያኑሲ፣ ታ ጎዳሢም * (ሚሲሌም)
 ኔኤኮ ሞርኮ ኔ ቢታንቶ ዳማ"
 ታኣኒ ማሐንዳያ ሄላ "ንዳኣና ታኣኮ ሚዛቆ ዛላ" ዴዔ
 ጌዔኔ፤ ጌኤኔ።

37 «ዓካሪ ዳውቴ ፔ ቶኦኪና ሳዳ፣ ጌዔ ዔኤሌቶ ሚሲሌ ዳውቴኮ ዋይቲ ናይ ማዓይ?» ዴያ ዒዚ ጋዓኣና ሚርጌ ዓሲ ዒዛሲ ዋዛና ዋይዛኔ።

ዩሱሴ ዋጎ ዔርዛ ዓሶና ፔርሴ ዓሶና ዳቢንቴ ዓሲታሢ ኬኤዜሢ
 (ማቴ. 23፣1-31፤ ሉቃ. 20፣45-47)

38 ዩሱሴ ዔርዚቤቃ ሂዚ ጌዔኔ፡- «የዶሲ ዓፒላ ማኣዒ ሴካ ሓንጋ ሓንቲሢና ሓሣ ቦኦኮ"ይዳ ኮሺ ዔኤሊ"ሢ ዔካኒ ናሽካ ሙሴ ዔርዜ ዋጎ ዔርዛ ዓሶይዳፓ ካፒንቱዋቱ፤ 39 ዔያታ ዓይሁዶ ዓሶኮ ቡኪንቶ ቤዘይዳ ቦንቾ ያይታ፡ ሙኡዘም ዔኤሎ" ቤሰካ ቦንቾ ቤሲ ዴንቁ ዳዓኒ ሩኡራኔ። 40 ዓሲ ዛጎም ጌዔ ያዶሲ ሺኢቆ ሺኢጰሢና ዓኒንሢባኣ ላኣሎኮ ማኣሮ ጌሺ ጌሺ ማንቁሳኔ፤ ዩያሮ ዔያቶይዳ ዴኤሢ ዋጌ ዋጊንታንዳኔ።»

ዜኤሮይንዴሎኮ ያኣሲም ዒንጎ ባኮ ዒንጊዶ
 (ሉቃ. 21፣1-4)

41 ያኣሲም ጌዔ ዓሳ ሚኢሾ ዒንጋ ሳኣፂኖኮ ዩሱሴ ቤርቶ ዛላ" ዴዔ ዓኣዖ ዴራ" ሳኣፂኖ ጋራ ሚኢሾ ዓጋንቴ ዛጌኔ፤ ዓሚ"ና ያርጎጮ ዓሳ ሚርጌ ሚኢሾ ዓጋዛ፣ 42 ፔቴ" ዜኤሪንዶስኬና ሙካዖ ዩኖ ዋዶ" ሚኢሾና ላምዖ ሲኪና ማዓ ኮሺ" ዳካ" ሚኢሾ ዓጌኔ። 43 ዩሱሴ ፔኤኮ ጊንዖ ሓንታ ናኣቶ" ዔኤላ"ዖ፡- «ጎኔ ታ ዒንሢም ጋዓኔ፤ ሳኣፂኖይዳ ሚኢሾ ዓጌ ዓሶይዳፓ ባሽ ዓጌዛ ሓኖ ዓኒ ሃይቁ፣ ማንቆ ላኣሌሎኬ ጌዔኔ፤ 44 ዓይጎር ጌዔቶ ሜሌ" ዓሳ ቢያ ዒንጌሢ ዓኣ ቆሎ"ይዳፓ ዲቢ ዑሣ ዓኣጴሢኔ፤ ዒዛ ጋዓንቴ ማንቆታዖ ፔኤኮ ዓኣማ ዓይሱዋዖ ዓጌኔ፤ ፔና ዋይሣንዳ ባኮንሢ ቢያ ዒንጌኔ።»

13

ዩሱሴ ጌኤኦ ማኣሮኮ ሻሂንቲዖ ዛሎ" ኬኤዜሢ
 (ማቴ. 24፣1-2፤ ሉቃ. 21፣5-6)

1 ዩሱሴ ጌኤኦ ማኣራፓ ኬሰካንቴ ዒዛኮ ጊንዖ ሓንታዞንሢዳፓ ፔቴ"ሰኬይ፡- «ዔርዛሢሣ! ሓያ ማኣሮ ማኦሮ ጊኢጊሾና ሹጮና

* 12:36 ጎዳ፡ ሃጊ ሙካንዳ ሚሲሌኬ። 12:36 ዓይኑ. 110፣1።

ማዠንገቴ ማእራ ዋዘጉዲ ኮሽካቴያ ሂንዳ ዛጌ!» ጌዔኔ።
2 ዬሱሴ ማሐያ፡- «ሐያ ዳኤጎ ማእሮ፣ ሹጮና ማዠናሂ ኔኤኒ ዛጋ?
ሃይ ማእራ ደዓንዳኔ፤ ሹቺ ሹቺዳ ሃኣዒዲ ኬልቁንቴ ፔቴ"ታየ
ዓታዓኬ» ጌዔኔ።

ጎዳ ሙኮኮ ቤርታ ዳውሲሂና ሜቶና ሙካንዳሂ
(ማቴ. 24፡3-14፤ ሉቃ. 21፡7-19)

3 ዬሱሴ ጌኤዠ ማእሮኮ ቤርቶ ዛሎ"ና ሪሚቲ ዲካ ጎየ ዲኮ"ይዳ
ኬሰኪ ዴዒ ዓኣንገቴ ጳደሮሴ፣ ያይቆኦቤ፣ ዮሐንሴንታ ዒንዲራሴንታ
ሌሊ ዒዛ ኮራ ሙካያ፡- 4 «ዬይ ኔኤኒ ጌዔ ባካ ማዓንዳሂ
ዓይዲዳይ? ዬይ ቢያ ማዓኒ ዑካኣና ዔርታሂ ዓይጎናዳይ? ሂንዳ
ኑም ኬኤዘ» ጌዒ ያኦጮኔ።

5 ዬሱሴ ዔያቶም ማሐያ፡- «የኣኒያ ዒንሂ ደቢሱዋጉዲ ዒንሂና
ዔሩዋቴ፤ 6 ሚርጌሂ፡- «ታኣኒ ሜሲሔኬ» ጌዒ ጌዒ ታ ሱንያና
ሙኪ ሚርጌ ዓሲ ደቢሳንዳኔ፤ 7 ዒንሂኮ ዑኬ ያልዚ ዔቁቶዋ
ሐሂ ሐኬ ቤሰካ ዓኣ ያልዚ ሐይሴ ዋይዛየ ዲቃቴጉቴ፤ ዬይ
ማዑዋየ ዓታዓኬ፤ ጋዓንገቴ ጋፒንፃ ሃጊከ። 8 ፔቴ" ዜርፃ ሜሌ"
ዜርፃይዳ፣ ካኣታ" ካኣቶ"ይዳ ያልዚ ዔቁሳንዳኔ፤ ዲማ ዲማ ቤሰካ
ሳዓ ዓገፂሂና ናይዚና ማዓንዳኔ፤ ዬይ ቢያ ሸይቺ ዓርቁሂ ቆፂ"
ሜታሳሂጉዲ ሜቶ"ኮ ቢያ ቤርቶኬ።

9 «ዒንሂያ ዒንሂ ዛሎ" ኮሺ" ዔሩዋቴ፤ ዓይጎር ጌዔቶ ዓሳ
ዒንሂ ዋጌም ዓኣሂ ዒንጋንዳኔ፤ ዓይሁዴ ዓሶኮ ቡኪንቶ ቤዘይዳ
ጳርቁንገቴ ታኣኮ ዒንሂ ማርካ ማዓንዳጉዲ ታ ዛሎ"ና ዋይሂ ዓሶና
ካኣቶ"ና ቤርታ ዒንሂ ዋጌም ሺኢካንዳኔ። 10 ጋፒንፃ ሙካንዳሂኮ
ቤርታ ጋዓንገቴ ኮዠ ሐይሳ ዲማ ዲማ ዜርፃም ቢያ ሄላ"ኒ ኮይሳኔ።
11 ዓሳ ዒንሂ ዓርቁ ዋጌም ሺኢሻኣና ሓኡኒ ዓይጎ ኬኤዛንዳ
ናንዳይ? ጌዒ ቤርታዲ ሜታዲጉቴ፤ ዒንሂ ሺኢኬ ዋደ"ና ዒንሂኮ
ዒና" ሙኬሂ ኬኤዙዋቴ፤ ዓይጎር ጌዔቶ ዒማ"ና ኬኤዛሂ ዓያና
ጌኤሺ ማዓንዳጋ ዓቴም ዒንሂቴዋሴ። 12 ጌርሲ ፔኤኮ ጌርሲ፣ ዓዴ
ፔኤኮ ናየ ሐይቢም ዓኣሂ ዒንጋንዳኔ፤ ናኣታ" ሸዔ ዓሶ ዒፂ ዓኣሂ
ዒንገሂና ዋዲሳንዳኔ። 13 ታ ዛሎሮ ዒንሂ ዓሲና ቢያ ዓይንገቴያ
ማዓንዳኔ፤ ጋፒንፃ ሄላ"ንዳኣና ጊቢ" ደዳሂ ጋዓንገቴ ዲቃንዳኔ።»

ዬሩሳሌሜ ዓጮ"ይዳ ሄላ"ኒ ዓኣ ፑርቶ ሜታሂ ዛሎ"
(ማቴ. 24፡15-28፤ ሉቃ. 21፡20-24)

14 ሐሣባዊ ዲካላ ፑርታ ባአዚ "ና ሻካካ" ባአዚ" ጴዳኒ ኮይሱዋ ቤሰካ ማዲንታንቲ ዲንሣ ዛጋንዳኔ፤ ዬያ ናባባሣ ዲና ዔኮንጎ፤ ዬኖ ዋድ"ና ዪሁዳ ዓጮ"ይዳ ዓአ ዓሳ ቢያ ዲኮ" ባንሣ ቤቶንጎ።
 * 15 ሹጮና ማዦና ማአሮኮ ዑጆይዳ ዓአ ዓሳ ኬኤፃፓ ኬዲ" ፔቲ" ባአዚ" ዔካንዳኔ ጌዒ ኔጎፓ፤ 16 ጎሺዳ ዓአዲ ዓአ ዓሳ ዓፒሎ ፔኤኮ ዔካኒ ገንሣ ማፃፓ፤ 17 ዬኖ ዋድ"ና ጎጆይንዳሣና ናአቶ" ዓአሎ" ዲንድንሣናም ባዴዔ፤ 18 ዬይ ቢያ ባርጊ ዋዴና ማዑዋጉዲ ሸኢቁዋቲ። 19 ዬኖ ዋድ"ና ያኦሲ ሳፃ ማዦማፓ ዓርቃፃ ሙኪ ዬኖ ኬሎ" ሄላ"ንዳአና ዛጊቤቂሶ ሜቶና ዋአዮና ማዓንዳኔ፤ ሴካ ቤርቲም ማዔቶዋ ዬያጉዴ ሜቶና ዋአዮና ማሊ ሄላ"ዓኬ።
 20 ያኦሲ ዬያ ኬሎ"ኮ ፓይድ" ዲኪሲባአያታቲ ዲቃኒ ያኦኒያ ዳንዳዲንዳዋንቲኬ፤ ጋዓንቲ ዶኦሪንቲዘንሣሮ ጌዒ ዬይ ኬላ" ቢያ ቃሚቃንዳኔ።

21 «ዬያሮ ያና ማዔቶዋ ለሜሲሔ ሓይሾ ሓካኬ፤ ለዬይሾ ያሶኬ» ጌዔቶ ጉሙርቁፖቲ። 22 ዋይቲይ ጌዔቶ ሉኡዚ ሜሲሔንሣና ሉኡዚ ያኦሲ ማሊሣ ኬኤዛያ ማላ ዓሳ ሙካንዳኔ፤ ዔያቶም ዳንዳዲንቲቶ ያኦሲኮ ዔርቲ ጉሙርቁንታ ዓሶታፃ ዳቢሳኒ ዓኪ ዲቃሣ ባአዚ"ና ማላታና ዔያታ ማዲንዳኔ። 23 ዲንሣና ኮሺ" ዔፋቲ፤ ሃያ ባኮ ቢያ ዬይ ዋድ" ሄላ"ንዳሣኮ ቤርታሲ ታ ዲንሣም ኬኤዛኔ።»

ዓሲ ናዓሣኮ ሙኮ
 (ማቲ. 24፡29-31፤ ሉቃ. 21፡25-28)

24 ዬኖ ዋድ"ና ዬያ ሜቶ"ኮ ቢያ ገንፃ ዓባ" ዲማንዳኔ፥ ዓጊናአ ፖዒንዲዋሴ፤ 25 ዦኦጋሣሣ ጫሪንጫፓ ኬዳ"ዛ ጫሪንጫይዳ ዋለቁና ዓአ ባካ ቢያ ዓጊፃንዳኔ። 26 ዬካፓ ዓሲኮ ናዓሣ ዴኤፒ ዋለቁና ቦንቺንቲ ሻኦሪና ሙኪ ጴዳንዳኔ፤ 27 ፔኤኮ ኪኢታንቶ ዲዚ ዳካዛ ዔያታ ጆይድ ዛሎ" ቢያ ዴንዲ ዓጮ"ኮ ጋፓፓ ጫሪንጫ ጋፖ ሄላ"ንዳአና ዓአ ዲዛኮ ዶኦሪንቲዘንሣ ቡኩሳንዳኔ።

ዋድ"ኮ ጋፓንፃ ዔርዛ ቤሌሶ ሚፃሎ
 (ማቲ. 24፡32-35፤ ሉቃ. 21፡29-33)

* 13:14 ዳአኔ. 9፡27 ጌዳ" ዓአሣ ዛጌ። 13:14 ዳአኔ. 9፡27፤ 11፡31፤ 12፡11።
 13:15 ሉቃ. 17፡31። 13:19 ዳአኔ. 12፡1፤ ዮሐ. ፆፔዳ 7፡14። 13:24 ዓሲ. 13፡10፤ ሂዚ. 32፡7፤ ዓዪ. 2፡10፤ 3፡15፤ ዮሐ. ፆፔዳ 6፡12። 13:25 ዓሲ. 34፡4፤ ዓዪ. 2፡10፤ ዮሐ. ፆፔዳ 6፡13። 13:26 ዳአኔ. 7፡13፤ ዮሐ. ፆፔዳ 1፡7።

28 ዩሱፍ ከኤዛዎ፡- «ቤሌሶ ሚጌሎኮ ኮኦከንሣ ሲንሢሞ ዔርዛያ ማዓንዳጉዲ፤ ሲዞኮ ካኣፓ ዒሊ፥ ዒላሺ ኬሳ" ዎደ"ና ያጎሢ ጥ ዑኩሢ ሲንሢ ዔራኔ። 29 ዩያጉዲ ሲንሢያ ዩይ ባካ ቢያ ማዓዛ ዛጋያ ዓሲኮ ናዓሢ ሙካ ዎደ" ዑኩሢና ሙኪ ካራ" ዓኣሢ ዔራዎቴ፤ 30 ጎኔ ታኣኒ ሲንሢሞ ጋዓኔ፤ ሓይ ሸይንታ ዓኣዳንዳሢኮ ቤርታ ዩይ ቢያ ማዓንዳኔ። 31 ጫሪንጮና ሳያና ዓኣዳንዳኔ፤ ታኣኮ ቃኣላ" ጋዓንቴ ናንገና ደዲ ናንጋንዳኔ» ጌዔኔ።

ጋፒንዎ ከሌሎና ዎደ"ና ያኦኒያ ዔራዎያ ማዒዎ
(ማቴ. 24፥36-44)

32 ዩሱፍ ሃሣ፡- «ጋዓንቴ ዩኖ ከሌሎና ዎደሎና ዛላ ዓዳሢፓ ዓቴሞ ያኦኒያ ዔራያ ባኣሴ፤ ጫሪንጮይዳ ዓኣ ከኢታንቸታቶዎ ሓሣ ናዓሢያ ዔራዎሱ። 33 ዩና ዎደ" ዓይዲ ሙካንዳቴያ ሲንሢ ዔራዎኣሢሮ ኮሺ" ደደዎቴ። 34 ዩና ዎደ" ማኣሮ ፔኤኮ ሃሺ" ሓኬ ዓጪ ዓኣዴ ዓሲሰኬያ ማላኔ፤ ዒዚ ፔቴ" ፔቴ" ዒዛሞ ማዳ ዓሶሞ ደማ ደማ ማዳ ሲንጋያ ካፓ ዓሢሞ ኮሺ" ደዲ ካፓንዳጉዲ ዓይሣኔ። 35 ዩያሮ ማኣሮኮ ዓዳሢ ሙካንዳ ዎደ" ሲንሢ ዔራዎያታሢሮ ሲንሢና ኮሺ" ዔራዎቴ፤ ጎዎንቴ ዒዚ ሴካ ዒባኒ፥ ዓቴቶ ሳዎኮ ገዲሚሺ፥ ማዒባኣቶ ኮይዳ ቁኢቃኣና፥ ዔይዔ ጌዔቶ ጉቴ" ዲቡርታ ሙካንዳኣናንዳኔ፤ 36 ዔራዎያ ሲንሢ ገንጊ ዓኣንቴ ዒዚ ሙኪ ሲንሢ ዴንቁዎጉዲ ደደዎቴ፤

37 «ሲንሢሞ ታኣኒ ከኤዛሢጉዲ ሓንጎ ዓሶማኣ ደደዎቴ ታ ጋዓኔ» ጌዔኔ።

14

ኪሪሰቶሴ ባይዛኒ ዓሶኮ ዎላ" ዘርቴዎ
(ማቴ. 26፥1-5፤ ሉቃ. 22፥1-2፤ ዮሐ. 11፥45-53)

1 ዓይሁዴ ዓሳ ዑሣ ዓኣዲያንታ ላኣዳ ሙዒ ቦንቸ ከሎ"ንታ ማሊ ቦንቸኒ ላምዎ ዓቢ ዓታዛ ቄኤሶኮ ሱኡጎና ዎጎ ኮሺ" ዔራ ዓሳ ጌኔ ማሊሢና ዩሱፍ ዓርቂ ዎዳንዶ ጎይሢ ኮዔኔ። 2 ጋዓንቴ ዴራ" ዑራ ዔቂሳንዳኔ ጌዒ፡- «ኦኡኒ ቦንቸ ከሎ"ና ዩያ ማዳዓ» ዔያታ ጌዔኔ።

† 13:28 ያጎሢ፡- ዒሰራዔኤሌ ዓጪና ዒኣካ ዓኣ ሚዎ ዒሊ ዒላሺ ኬሳ" ዎደኬ።
13:32 ማቴ. 24፥36። 13:34 ሉቃ. 12፥36-38። 14:1 ኬሲ. ማዎ 12፥1-7።

ሳውቃ ቲዦና ዩሱሴኮ ዑዎ ቲሽኬ ላኦሌሎ
(ማቴ. 26፥6-13፤ ዮሐ. 12፥1-8)

³ ዩሱሴ ቢታኒያ ጎዎ ጉርዶይዳ ዑዎ ኬሰካ ፑርቶ ደርዓሢና ዓርቂንቴዎ፣ ሲሞኑኔ ጎዎሢ ማኣራ ዓኣዎ ካሣ ሙዓኒ ጊኢጊ ዳዒ ዓኣንቴ ፔቴ" ላኦሌሰኬና ሹቺ ቢልቃዳይዳ ናርዶሴ ጎዎያ ቦንቺንቴያ ሓሣ ሻንቸዛ ሚርጌ ሚኢሼ ዔካ፣ ሳውቃያ ዋኣሢ ማዔ ቲሺ ኩንሢ ዔኪ ሙካዎ ዩኖ ቢልቃዳሎ ዎዲ ሳውቃ ቲዩሎ ዩሱሴኮ ቶኦካ" ዋሄኔ። ⁴ ዩያ ዒዛ ማዳኣና ዒኢካ ዓኣ ዓሶይዳ፣ ፔቴ" ፔቴ" ዓሳ ጎሪ"ንታዎ፡- «ሓይ ሳውቃ ቲዦ ጉሪ ዓታሢ ዓይጎርዳይ? ⁵ ሓያ ሳውቃ ቲዦ ፔቴ" ዓሲ ፔቴ" ለዔ ማዶ ማዶም ዒንጎንዶ ሚኢሼይዳ፣ ጉሣ ሻንቺ ዔኤቢ ባኣ፣ ዓሶ ማንቆም ዒንጎናቴ ዓይጌ ዓኣይ?» ጌዒ ላኦሌሎ ዋ ዔያታ ፓሴኔ።

⁶ ዩሱሴ ማሓዎ፡- «ሓሹ"ዋቴ፤ ዒዛ ዒንሢ ዓይጎር ማታሳይ? ዒዛ ታኣም ኮሺ ባኣዚ" ማዶኔ፤ ⁷ ማንቆ ዓሳ ቢያ ኬሊ" ዒንሢና ዎላ" ዓኣሢር ኮዔ ዎዶና ዔያቶ ዒንሢ ማኣዳ"ኒ ዳዳንዳዔ፤ ጋዓንቴ ታኣኒ ቢያ ኬሊ" ዒንሢና ዎላ" ሓይካቱዎሴ፤ ⁸ ሓና ላኦሌላ ፔኤም ዳንዳዒንቴሢ ጉዴያ ማዶኔ፤ ዓሽካ ታኣኮ ዲኡኪንቴዎንቴ ቤርታሲ ሳውቃ ቲሺና ዒዛ ታኣኮ ዑዎ ቲሽኪ ዲኡጉም ጊኢጊሼኔ። ⁹ ጎኔ ታ ዒንሢም ጋዔ፤ ዓጮ" ቢያይዳ ሓይ ኮዦ ሓይሳ ኬኤዚንታ ዎዶ"ና ዓንካ ማዔቶዎ ሓይ ዒዛ ማዶ ባካ ዒዛ ጳቂሥሢ ማዒ ኬኤዚንታንዳ፤» ጌዔኔ።

ዪሁዳ ዩሱሴ ጌሺሢና ዓኣሢ ዒንጋኒ ዓሶና ዎላ" ጊኢጌሢ
(ማቴ. 26፥14-16፤ ሉቃ. 22፥3-6)

¹⁰ ታጳ ላምዓሢዳ፣ ፔቴ" ዓሰቆርንቶ ዪሁዳ ጎዎሢ ዩሱሴ ጌሺሢና ዓኣሢ ዒንጋኒ ቁኤሶኮ ሱኡጎ ኮሪ ዓኣዶኔ። ¹¹ ዔያታ ዒዛኮ ጎዳ ሻንቸር ሙኪዎ ዔራዎ ኮሺ" ዎዛዲ ሚኢሼ ዒዛም ዒንጋኒ ዎላ" ጌሰቲ ጊኢጌኔ። ዩካ፣ ዒዚ ዩሱሴ ዓኣሢ ዒንጋኒ ዒዛም ጊኢጋንዳ ጎይሢ ኮዔኔ።

ዩሱሴ ዑሣ ዓኣዲዎ ኬሎ" ካዎ ዳኪንቴዘንሢና ዎላ" ሙዔሢ
(ማቴ. 26፥17-25፤ ሉቃ. 22፥7-14፤ 22፥21-23፤ ዮሐ. 13፥21-30)

¹² ዩሱሴኮ ጊንዎ ሓንታዘንሢ ዓይሁዴ ዓሳ ዑሣ ዓኣዲዎ ቦንቸ ኬሎ" ማራቶ ሹኪ ላኦዶዎ ሙዒ ቦንቸ ኬሎ"ኮ ዓይዎይዳ ዒዛ

14:3 ሉቃ. 7፥37-38። 14:7 ላሚ. ዎማ 15፥11።

ኮራ ሙካዎ፡- «ዑሣ ዓኣዲያ ኬሎ" ማሊ ሙዋ ካዋሢ ሙዓኒ ዋካ ዓኣዲ ገኢጊሻንዳጉዲ ኔኔኒ ኮዓይ?» ጌዒ ያኦጩኔ።

13 ዒዚያ ዒዛኮ ጊንዖ ሓንታዞንሢዳገ ለምዖንሢም ሂዚ ጌዒ ዳኬኔ፡- «ሴኬ ካታሞ ዴንዴዎቲ፤ ዒኢካ ዒንሢ ዋኣሢ ጉሲ ኬዴ ዓሲ ዴንቃንዳኔ፤ ዬያ ዓሢኮ ጊንዖ ዓኣዲዎቲ፤ 14 ዒዚ ዴንዲ ጌላ ኬኤዎማ ጌሊጋገ ማኦሮኮ ዓዳሢ ኮራ ሲርዛሢ፡ ታኣኮ ጊንዖ ሓንታዞንሢና ዋላ" ታኣኒ ዑሣ ዓኣዲያ ኬሎ" ሙዖ ሙዓንዳ ኬኤዎ ዋካዳይ?» ጋዓኔ፡ ጎዑዋቲ። 15 ዒዚያ ኩቦ ጋራ ዓኣ ሂኣሢ ገኢጊነቲ ዳልጎ ቤዘ ዒንሢም ዳውዋንዳኔ፤ ዒኢካ ኦም ገኢጊሻዎቲ።»

16 ለምዖ ጊንዖ ሓንታዞንሢ ኬሰኪ ካታሞ ዴንዲ ዬሱሴ ጌዔማጉዲ ቤዘዋ ዴንቁ ዑሣ ዓኣዲያ ኬሎ" ካዋሢ ሙዓኒ ዒኢካ ገኢጊሻኔ።

17 ሳዓ ዓመዛ ዬሱሴ ታጾ ለምዖንሢና ዋላ" ሙኬኔ፤ 18 ካሦ ሸኢሻ ዔያታ ሙዓኣና ዬሱሴ፡- «ጎኔ ታኣኒ ዒንሢም ጋዓኔ፤ ሓሢ ታኣና ዋላ" ካሦ ሙዓያ ዒንሢዳገ ፔቲ"ይ፡ ታና ዓኣሢ ዒንጋንዳኔ» ጌዔኔ።

19 ዔያታ ዬኖ ጌኤዘና ያያዎ፡- «ጎኔ ታናቲዋሴ፤ ኔ ታናኬ ጋዓ?» ጌዒ ጌዒ ፔቲ" ፔቲ"ሢ ዒዛ ያኦጩኔ።

20 ዬሱሴ ማሓዎ፡- «ዬይ ዓሢ ሓሢ ታኣና ዋላ" ሃኖ ጎንጋ ኩጮ ዳካያ፡ ዒንሢ ታጾ ለምዓሢዳገ ፔቲ"ሢኬ፤ 21 ዓሲኮ ናዓሢ ቤርታዲ ዒዛ ዛሎ" ፃኣፒነቲ ጎይዖና ሓይቁሢ ዓታዓኬ፤ ጋዓንቲ ዓሲኮ ናዓሢ ገሸሢና ዓኣሢ ዒንጋ ዬያ ዓሢም ባዴዔ፤ ዬይ ዓሢ ቤርታዲ ሸይንቲባኣቲ ቃራታዎኬ» ጌዔኔ።

ጎዳኮ ማደ" ካዋሢ
(ማቴ. 26፡26-30፤ ሉቃ. 22፡14-20፤ 1ቆሮ. 11፡23-25)

22 ዔያታ ሙዖይዳ ዓኣንቲ ዬሱሴ ካሢ ዔካዖ ጋላቲ ቡንዲጋገ ዒዛኮ ጊንዖ ሓንታ ናኣቶ"ም፡- «ሓኣዘጉዋቲ፡ ሓይ ታናኬ» ጌዒ ዒንጌኔ።

23 ሓሣ ዑሸኮ ባኮዋ ዔካዖ ጋላቲ ዔያቶም ዒንጌኔ፤ ቢያሢ ዑሸኮ ባኮይዳገ ዑሸኬኔ። 24 ዒማ"ና ዒዚ ዔያቶም፡- «ሓይ ታኣኮ ማርጌ ዓሶም ለኣሊንታንዳ ጫኣቁሞ ሱጉዎኬ፤ 25 ጎኔ ታ ዒንሢም ጋዓኔ፤ ያኣሲ ካኣቲሞይዳ ዓኮ ታኣኒ ዑሸካንዳያ ሄላ"ንዳኣና ሓኖ ዋይኖ ዑዠ ለሚ ታኣኒ ዑሸካዓኬ» ጌዔኔ።

26 ዬካገ ዔያታ ያኣሲ ቦንቾም ማዓ ዓይኦም ዓይናዳዖ ሪሚቲ ዲካ ዓኣዲኒ ኬሰኬኔ።

14:18 ዓይኦ. 41፡9። 14:24 ኬሲ. ማፃ 24፡8፤ ዓር. 31፡31-34።

ጰደርሴ ዒዛ ዔሩዋሴ ጋዓንዳኔ ጌዒ ዬሱሴ ከኤዘሢ
(ማቴ. 26፥31-35፤ ሉቃ. 22፥31-34፤ ዮሐ. 13፥36-38)

27 ዬሱሴ ዒዛኮ ጊንዖ ሓንታ ናኦቶ"ም፡- « ህንቃሢ ታኣኒ ዋዳንዳኔ፤ ማራታኣ ዣኣላንዳኔ፤ ጌይንቲ ፃኣፒንቴሢ፡፡ ታዒንሢ ሲቆ ማዔም ዒንሢ ሲያ ታና ሓሻ"ንዳኔ፤ 28 ጋዓንቴ ሓይባ"ፓ ታኣኒ ዔቁሰካፓ ጌሊላ ጎዖ ዓጮ" ቢሪ ታዒንሢ ዓኣዳንዳኔ» ጌዔኔ።

29 ጰደርሴ፡- «ሜሌ" ዓሳ ኔ ዛሎ"ና ዲቁንቴታቶዋ ታኣኒ ማሊ ዲቁንታዓከ» ጌዔኔ።

30 ዬሱሴ፡- «ታኣኒ ኔኤም ጎኔ ጋዓኔ፤ ሓሮ" ዒባኒ ኮይዳ ለሚ ቁኣቁዋንቴ ኔኤኒ ታና ሓይሢ ማይንቲ ታዒ ዒዛ ዔሩዋሴ» ጋዓንዳኔ» ጌዔኔ።

31 ጰደርሴ ጋዓንቴ፡- «ሓይቂ ሓይቆቴያ ታኣኒ ኔኤና ሓይቃንዳኣፓዓቴም ማሊ ታ ኔና ዔሩዋሴ» ጋዓንዳኔ» ጌዒ ጌዒ ዶዲሺ ከኤዛኣና ሓንጎ ዓቴ" ጊንዖ ሓንታዘንሢያ ያዒ ጌዔኔ።

ዬሱሴ ጌኤቴሴማኔ ጎዖ ቤዛ ሺኢቁ ሺኢጲዖ
(ማቴ. 26፥36-46፤ ሉቃ. 22፥39-46)

32 ዬማፓ ጌኤቴሴማኔ ጎዖያ፡ ቱኮ"ና ሚሢ ሚርጌ ዓኣ ቤሲ ዔያታ ዓኣዳዖ ዬሱሴ ፔኤኮ ጊንዖ ሓንታ ናኦቶ"ም፡- «ታኣኒ ሺኢቃኣና ዒንሢ ሃካ ደዑዋቴ» ጌዔሰካፓ፡ 33 ዒዛና ዋላ" ጰደርሴንታ ያይቆኦቤንታ ሓሣ ዮሓኒሴንታ ዔኪ ዓኣዳዖ ዒኢካ ዒዚ ኮሺ" ማሊ ያዩሢ ዓርቄኔ። 34 ዔያቶ ኮራ ዒዚ፡- «ሼምፓሢ ታኣኮ ሚርጌ ያዩ ሓይቃኒ ዑከኔ፤ ዒንሢ ሓይማካ ደዒ ዶዲ ካፑዋቴ» ጌዔኔ።

35 ዒዚ ዔያቶይዳፓ ዳካ" ሓኪ ዓኣዳዖ ባሊቶና ሳዓ ሎኦሚ ዳንዳዒንታያ ማዔቶ ዬና ፑርቶ ማቶ ዋደላ ዒዛ ሄሎ"ዋጉዲ፡ 36 ሄዚ ጌዒ ሺኢቄኔ፡- «ዓዳሢዮ! ቢያ ባኣዚ" ኔኤም ዳንዳዒንታያታሢር ሃሮ" ታኣኒ ዒካኒ ጊኢጌ ሜቶ" ታጊዳፓ ሓኪሴ፤ ጋዓንቴ ኔ ማሊያጉዲ ማዓንዳኣፓዓቴም ታ ማሊያጉዲ ማጋፓ።»

37 ዬካፓ ሓይሣ ዒዛኮ ጊንዖ ሃንታዘንሢ ኮራ ማዒ ሙካዖ ዔያታ ጊንዒ ዓኣንቴ ዳንቂ ጰደርሴ ኮራ፡- «ሲሞኦኔ! ኔኤኒ ጊንዒዳ? ዳካ" ዋደታዖ ጰጪ ዶዲ ደዒኒ ኔኤኒ ዳንዳዒባኣዓዳ?» ጌዔኔ።

38 ሄሊ"ሳዖ ቢያሢም፡- «ዒንሢ ዳቢሳኒ ጌሾ ባኣዚ"ዳ ዒንሢ ጌሎዋጉዲ ጰጪ ሺኢቁዋቴ፤ ዓሲኮ ዓያና ጊኢጌያከ፤ ጋዓንቴ ዓሸኪ ላቤያከ» ጌዔኔ።

39 ሐሣ ገንሣ ዓኣዲ ቤርታ ዒዚ ሺኢቄሢ ጎይዖ ላሚ ዒሚ ገዒ ሺኢቄኔ። 40 ዩካፓ ዒዚ ማዒ ሙካንቴ ገንዓሢ ዔያቶ ሚርገና ባሺሢሮ ገንዒ ዓኣንቴ ዳንቄኔ፤ ዔያታ ዒዛሞ ማሂ ኬኤዛኒያ ዳንዳዓባኣሴ።

41 ሓይሣሲ ዔያቶ ኮራ ማዒ ሙካን ሂዚ ገዔኔ፡- «ሐሢ ሄላ"ንዳኣና ዒንሢ ላሂ ሓውሺሢዳዳ? ማይ ዓካሪ ገዴኔ፤ ዎዳ"ኣ ሄሌ"ኔ፤ ሓይሻ ዓሲኮ ናዓሢ ጎሞ ዓሶ ኩጫ ገሺሢና ዓኣሢ ዒንገንታንዳኔ። 42 ሂዮ ማይ ዔቁዎቴ ኦኡኒ ዓኣዶሞ! ታና ገሺሢና ዓኣሢ ዒንገሢ ሓይሻ ሙኬኔ» ገዔኔ።

ዩሱሴ ሞርኮ ኩጫ ዓርቂንቴሢ
(ማቴ. 26፡47-56፤ ሉቃ. 22፡47-53፤ ዮሐ. 18፡3-12)

43 ዩሱሴ ሂዚ ገዒ ኬኤዛ ጎይሣ ዓኣንቴ ዒዛኮ ገንዖ ሓንታ ታጳ ላምዓሢዳፓ ፔቴ" ዪሁዳ ጎይሢ ሙኬኔ፤ ዒዛና ዎላ" ዓፓሮና ኮኣሎ"ና ዓርቁ ሚርገ ዓሲ ዓኣኔ፤ ዩያታ ዳኪንቴሢ ቄኤሶኮ ሱኡጎና ሙሴ ዔርዜ ዎጎ ዔርዛ ዓሶንታ ጨሞንታይዳፓኤ። 44 ገሺዖና ዓኣሢ ዒንገ ዪሁዳ ዓሶሞ፡- «ዒንሢ ዓርቃንዳሢ ዎያዳይ ገዔቶ <ኮሺዳ?> ገዒ ታኣኒ ሂርቃንዳሢኬ፤ ዒዛ ዛገ ዓርቁ ዔኪ ዓኣዲዎቴ» ገዒ ዔያታ ዔራንዳጉዲ ቤርታዲ ኬኤኬኔ።

45 ዪሁዳ ሙሙካን ዩሱሴ ኮራ ዶጪ፡- «ዔርዛሢዮ!» ገዒ ሂርቄኔ። 46 ዩማፓ ዓሳ ዩሱሴ ቶሊ"ንዲዎ ጎይሢ ዓርቄኔ። 47 ዩማና ዒኢካ ዔቁ ዓኣ ዩሱሴኮ ገንዖ ሓንታዘንሢዳፓ ፔቴ"ሰኬይ ጨንቻ ቱገ ቄኤሶ ሱኡገሢ ዓይላ"ሢኮ ዎዮ ቆዳ" ቲቄኔ። 48 ዩሱሴያ ዔያቶሞ ሂዚ ገዔኔ፡- «ጨንቻና ኮኣሎ"ና ዒንሢ ዔኪ ሙኬሢ ሱላጉዲ ታና ዓርቃኒዳ? 49 ቢያ ኬሊ" ገኤኮ ማኣሮይዳ ታኣኒ ዔርዚ ዔርዚ ናንጋኣና ዒንሢ ታና ዓርቁባኣሴ፤ ጋዓንቴ ሓይ ማዔሢ ያኣፒንቴሢ ኩማንዳጉዲኬ።»

50 ዩማፓ ዒዛኮ ገንዖ ሓንታ ናኣታ" ቢያ ዒዛ ሃሺ" ፑኒንቴኔ።

51 ዒማ"ና ሜሌ" ባኣዚ" ዑፃ ባኣያ ፓሎ ዓፒላ ማኣዔ ዳጌሰኬይ ሌሊ ዩሱሴኮ ገንዖ ገንዖ ዓኣዳንቴ ዓሳ ዩያ ዳጌሢ ዓርቃዛ። 52 ዩዮ ፓሎ ዓፒሌሎ ኬኤሪ፣ ዑሢ ጉሪ ጳሽኪ ቶሌ"ኔ።

ዩሱሴ ዓይሁደኮ ዎይሣ ዓሶ ቡኪንቶ ቤርቶ ሺኢኬሢ
(ማቴ. 26፡57-68፤ ሉቃ. 22፡54-55፤ 22፡63-71፤ ዮሐ. 18፡13-14፤ 18፡19-24)

53 ዩሱሴ ዔያታ ቄኤሶኮ ቢያ ዑፃሢ ማኣሪ ዔኪ ዓኣዳኔ፤ ዒኢካ ቄኤሶኮ ሱኡጎና ጨሞና ሐሣ ሙሴ ዔርዜ ዎጎ ዔርዛ ዓሳ ቢያ

14:49 ሉቃ. 19፡47፤ 21፡37።

ቡኪንቴኔ። 54 ጴጂሮሴያ ቄኤሶኮ ቢያ ዑፃሢ ዲሮ ጋሮ ሄላ"ንዳኣና ሓኬ ሓኬ ዩሱሴኮ ጊንፆ ዓኣዳፆ ዒኢካ ዲሮ ጋሮ ካፓ ዓሶና ዎላ" ዴዒ ታሚ ካሽታኔ። 55 ቄኤሶኮ ሱኡጎና ዓይሁድኮ ቡኪንቶ ቢታ" ቢያ ዩሱሴ ሓይቃንዳጉዲ ዎጊሳንዳ ማርካ ኮዔኔ፤ ጋዓንቴ ዔያታ ዴንቁባኣሴ። 56 ማርጌሢ ሉኡቂ ማርካቴንቴ ዔያታ ኬኤዜ ጌኤዛ ፔቴ" ማዒባኣሴ።

57 ፔቴ" ፔቴ" ዓሳ ዔቃፆ ሃዚ ጌዒ ሉኡቂ ማርካቴኔ፡- 58 « <ታኣኒ ሓያ ዓሲ ኩቻ ማዦና ጌኤዦ ማኣሮ ሻሂ፥ ሓይሦ ኬሊ"ዳ ሜሌ" ዓሲ ኩቻ ማዦንቴባኣያ ማዦንዳኔ» ዒ ጋዓንቴ ኦኤኒ ዎይዜኔ።» 59 ያዒ ዔያታ ጌዔንቴያ ማርካታ ዔያቶኮ ዎላ" ካኣሚባኣሴ።

60 ቄኤሶኮ ቢያ ዑፃሢ ዔያቶ ባኣካ" ዔቃፆ ዩሱሴ ኮራ፡- «ፔቴ" ባኣዚ"ታፆ ማሂ ኔ ኬኤዙዎዓዳ? ሓይ ዓሳ ኔጊዳ ጋዓ ባካ ዓይጎዳፆ?» ጌዒ ያኦጩኔ።

61 ዩሱሴ ጋዓንቴ ዚቲ ጌዔያፓዓቴም ፔቴ" ባኣዚ"ታፆ ማሂ ኬኤዚባኣያ ማዓዛ ቄኤሶኮ ቢያ ዑፃሢ ዩሱሴ ኮራ ላሚ፡- «ዓንጂንቴ ያኦሲኮ ናኣዚ" ሜሲሔ ኔናዳ?» ጌዒ ያኦጩኔ።

62 ዩሱሴያ ማሓፆ፡- «ሂኮ ታናኬ፤ ዓሲኮ ናዓሢ ዴኤፖ ያኦሲኮ ሚዘቆ ዘላ" ዴዒ ዓኣንቴ ሓሣ ጫሪንጮ ሻኣሮና ማዒ ሙካንቴ ዒንሢሢ ዘጋንዳኔ» ጌዔኔ።

63 ዒማ"ና ቄኤሶኮ ቢያ ዑፃሢ ዳጋዲ ፔኤኮ ዓፐሎ ዳርዘፆ፡- «ሜሌ" ማርካ ኦም ማይ ዓይጎ ኮይሳይ? 64 ሓያ ዎይዙዎቴ፤ ያኦሲ ዒዚ ጫሽካንቴ ዒንሢሢ ዎይዜኔ፤ ዓካሪ ሓይ ዒንሢሢም ዓይጎ ማላይ?» ጋዓዛ፥ ቢያሢ ፔቴ" ዑኡሲና፡- «ሓይቢ ዒዛም ኮይሳኔ!» ጌዒ ዎጌኔ።

65 ፔቴ" ፔቴ" ዓሳ ዒዛይዳ ጩቲ" ጩቲ" ዓኣፓ ዒዛኮ ዘጉዎጉዲ ቱርጫና ቱኪ"፡- «ሂንዳ ኔኤኒ ያኦሲ ማሊሢ ኬኤዛያታቴ ኔና ያኣኒ ዲሌ"ቶዎዔሬ» ጌዒ ጌዒ ዔያታ ዒዛ ኩቹ ሙሊ ዲሌ"ኔ። ሓንጎ ዲሮ ጋሮ ካፓ ዓሳ ሓሣ ዒዛ ባዒ ባዒ ዔኪ ዓኣዴኔ።

ጴጂሮሴኮ ዩሱሴ ታኣኒ ዔሩዎሴ ጌይፆ
(ማቲ. 26፥69-75፤ ሉቃ. 22፥56-62፤ ዮሐ. 18፥15-18፤ 18፥25-27)

66 ጴጂሮሴ ቄኤሶኮ ቢያ ዑፃሢ ማኣሮኮ ደኦሌ" ዲሮ ጋራ ዓኣንቴ ቄኤሶኮ ቢያ ዑፃሢም ዓይሢንቴ ማዳ ፔቴ" ዉዲሮ ናይሰኬና ሙካፆ፥ 67 ጴጂሮሴ ዒኢካ ታሚ ካሽታንቴ ዴንቁ ኮሺ" ዘጋፆ፡- «ኔኤኒያ ናዚሬቶ ዓሢ ዩሱሴና ዎላ" ዓኣያቴ» ጌዔኔ።

68 ዲዚ ጋዓንቴ፡- «ታኣኒ ዔሩዋሴ፤ ኔኤኒ ጋዓ ባካ ታኣም ዔርቱዋሴ» ጌዔኔ። ዩማ ዲዚ ጌዔ ካሮ" ባንሢ ከከሰካኣና ከይዳ ቁኢቁኔ።

69 ዉደሮ ርዓላ ጳዒርሴ ዛጋዖ ዲኢካ ዔቁ ዓኣ ዓሶም፡- «ሓይያ ዔያቶ ባኣካ" ዓኣያኩ» ጌዔ ላሚ ከኤዚሢሢ ዓርቁኔ። 70 ዲዚ ጋዓንቴ ሓሣ ገንሣ «ታ ዲዛ ዔሩዋሴ» ጌዔኔ።

ዳካ" ናጋጉዲ ጋዓዖ ዲኢካ ዔቁ ዓኣ ዓሳ ጳዒርሴ ኮራ፡- «ኔኤኒ ጌሊላ ዓሲታሢሮ ጎኔ ኔ ዔያቶ ባኣካ" ዓኣያኩ» ጌዔኔ።

71 ዲዚ ጋዓንቴ፡- «ዲንሢ ዩያ ጋዓ ዓሢ ታኣኒ ዔሩዋሴ፤ ታና ባይዘም» ጌዔ ፔና ጋዳንቁ ጫኣቁሢ ዓርቁኔ።

72 ዩማጋ ኔጉዋዖ ከይዳ ላሚሣ ቁኢቃዛ ጳዒርሴም፡- «ከይዳ ላሚ ቁኢቁዋንቴ ሓይሢ ማይንቴ ኔኤኒ ታና <ዔሩዋሴ> ጋዓንዳኔ» ጌዔ ዩሱሴ ከኤዜ ቃኣላ" ጳቃዛ ዲናጋ ዖዪ ዩኤከኔ።

15

ዩሱሴኮ ጳላዖሴ ቤርቶ ሺኢኪዖ

(ማቴ. 27፥1-2፤ 27፥11-14፤ ሉቃ. 23፥1-5፤ ዮሐ. 18፥28-

38)

1 ጉቴ" ዋንዖ ቤዘና ቁኤሶኮ ሱኡጋ ጨዋንታ ሙሴ ዔርዜ ዋጎ ዔርዛ ዓሶንታ ሓሣ ዓይሁደኮ ቡኪንቶ ቤዘ ሱኡጎንታ ዋላ" ካኣሚ ዘርቴሰካጋ ዩሱሴ ዔያታ ቱኪ" ዔኪ ጳላዖሴም ዓኣሢ ዲንጌኔ። 2 ጳላዖሴ ዩሱሴ ኮራ፡- «ኔኤኒ ዓይሁደኮ ካኣቲዳ?» ጌዔ ዖኦጩኔ።

ዲዚ፡- «ኔኤኒ ጌዔሢ ጉዳያኩ» ጌዔኔ።

3 ቁኤሶኮ ሱኡጋ ጋዓንቴ «ሚርጌ ዳቦ ዓኣኔ» ጌዔ ጋይዲ ጋይዲ ከኤዛኔ። 4 ዩያሮ ጳላዖሴ፡- «ዋኣዲ ባኣዚ" ዔያታ ከኤዛቴያ ሂንዳ ኮሺ" ዛጌ፤ ኔኤኒ ፔቴ"ታዖ ማሂ ከኤዛ ባኣዚ" ማሊ ባኣዓዳ?» ጌዔ ላሚ ዖኦጩኔ።

5 ጳላዖሴ «ሃያጉዳ ዓሲ» ጌዔ ዲቃቲ ማላንዳያ ሄላ"ንዳኣና ዩሱሴ ሓሣ ፔቴ" ባኣዚ" ማሂ ከኤዚባኣሴ።

ዩሱሴ ሓይቃንዳጉዲ ዋገንቴሢ

(ማቴ. 27፥15-26፤ ሉቃ. 23፥13-25፤ ዮሐ. 18፥39-40፤

19፥1-16)

6 ጳላዖሴ ለዓ ለዓ ዓይሁደኮ ዑሣ ዓኣዲዖ ማሊ ቦንቾ ዋደ"ና ዓሳ ቡሊ"ንቶንጎ ጌዔ ዖኦጩ ዓሲ ፔቴ" ሌሊ ቱኡዘ ዓሶይዳጋ ቡላ"ያኩ። 7 ዓማ"ና ዑራ ዔቁሲ ዓሲ ዋዳ ዓሲና ዓይሢንቴ ዲዖ ዓሲ ቱኡሲ ማኣሪ ጌሌያ ዓኣኔ፤ ዩኖ ዓሶይዳጋ ፔቴ"ሢ ባርባኔ

ጎዖስኬያኩ። 8 ዓሳ ጲላዎሴ ኮራ ሙካዖ ዎንዴ ዔያቶኮ ለዓ ዔርቲ ጎይዖ ቱኡዞ ዓሶም ማዲንታንዳጉዲ ያኦጩኑ። 9 ዒዚያ ዔያቶ ኮራ፡- «ዓይሁዶ ካኣቲ ታኣኒ ዒንሢም ቡላ"ንዳጉዲ ዒንሢ ኮዓ?» ጌዒ ያኦጩኑ። 10 ዩያ ዒ ጌዔሢ ቄኤሶኮ ሱኡጋ ዩሱሴ ዓኣሢ ዒንጌሢ ቄኢሩሞና ማዔሢ ዔራያታሢሮኩ።

11 ቄኤሶኮ ሱኡጋ ጋዓንቲ ዓሳ ጲላዎሴ ኮራ፡- «ባርባኔ ኑም ቡላ"ንቶንጎ፤ ዩሱሴ ቡላ"ንቶጋ» ጋዓንዳጉዲ ዓሶ ዓይሢኑ። 12 ጲላዎሴያ፡- «ሂዴቶ ሓያ ዓይሁዶ ካኣቲ ዒንሢ ጋዓሢ ታኣኒ ዎዶ"ንደይ?» ጌዒ ዓሶ ለሚ ያኦጩኑ።

13 ዔያታ፡- «ዒዛ ሱሱዳ!»* ጌዒ ጌዒ ጊንሢ ዒላቲኑ።

14 ጲላዎሴ ዓሶ ኮራ፡- «ዒዚ ፑርቲሴ ባካ" ዓይጎዳይ?» ጌዔኑ። ዔያታ ጋዓንቲ፡- «ዒዛ ሱዳ! ሱሱዳ!» ጌዒ ሃቺም ዒላቲኑ።

15 ጲላዎሴ ዓሶ ዎዛሳኒ ባርባኔ ቡላ"ዎ ዩሱሴ ዓሶና ጳርቂሲ ሱፃንዳጉዲ ዓኣሢ ዒንጌኑ።

ፖኦሊሳ ዩሱሴ ቦሂ ዓማሊ" ሺሬሢ
(ማቲ. 27፡27-31፤ ዮሐ. 19፡2-3)

16 ፖኦሊሳ ዩሱሴ ዔኪ ዓጮ" ዎይሢ ጲላዎሴ ማኣሪ ዓኣዲ ማርሾ ጋር ጌልዛዖ ዓቲ" ሜሌ" ፖኦሊሶዎ ቢያ ዔኤሌ"ኔ፤ 17 ዒማ"ና ዲንኪ ዞቄ ያደሲ ዓፒላ ዔያታ ዒዛ ማይሲ ሓሣ ካኣቶ"ኮ ቶኦካ ዓጎያ ዓክሊሌ ጎዖ ባኮ ማሊሲ ዓንጊሢ ጉኡሪ ማሂ ቶኦካ" ዓጊጋጋ፡- 18 «ዓይሁዶ ካኣቲዮ! ኮሺ ኔኤም ማዖንጎ» ጌዒ ጌዒ ቦሂኑ። 19 ዎኦሺጉዳ ሚሢናኣ ቶኦካ" ዒዛኮ ጳርቂ ጳርቂ ጩቺያ ዑፃ ዒዛኮ ጩቲ" ጩቲ" ሓሣ ዒዛኮ ቤርታ ጎኔ ጉምዓታያ ማሊ ጌሺሢ ጎምዓቶ ጉምዓቲ ጉምዓቲ ዚጌኑ። 20 ዩያይዲ ዒዛ ዔያታ ቦሂ ሺሬሰካጋ ዲንኮ ዞቄ ዓፒሎ ዒዛ ዑፃጋ ኬሲ" ዒዛኮ ቤርታ ማኣዖ ዓፒሎ ማይሲ ሱፃኒ ዔኪ ዓኣዳኑ።

ዩሱሴ ሱዲንቲሢ
(ማቲ. 27፡32-44፤ ሉቃ. 23፡26-43፤ ዮሐ. 19፡17-27)

21 ዔያታ ዓኣዳ ጎይሢ ዓኣዖ ቄሬና ጎዖ ዓጪ ዓሲ ማዔያ ሲሰኪንዲሬና ሩፖሴ ጎዖስኬንሢኮ ዓዶ ሲሞኦኔ ጎዖሢ ካታሞኮ ዙላ"ጋ ካታሞ ጌላንቲ ካኣማዖ ዩሱሴ ሱዲንታንዳ ፑርቲሴ ዓሶ ሱፃ ሚዖ ዓሢ ዎልቁና ኬዲሴኑ። 22 ዩካጋ ዩሱሴ ዔያታ «ቶኦኪ ሜጌሢ» ጌይንታ፡ ጎልጎታ ጎዖ ቤዞ ዔኪ ዓኣዳኑ። 23 ዒኢካ ዒዚ

* 15:13 ሱሱዳ፡- ጋዓዛ ሱዖሢ ሱሲና ሆላ"ቱዋንቲ ፑርቲሴ ዓሲ ሱዖ ሚሢዳ ለምዖ ኩጮና ቶኮና ሚሰማሬና ጳርቂኩ። 15:21 ሮሜ 16፡13።

ሄሌ"ስካፓ ፔቴ" ካርቤ ጎዖ ጫንቺ ባአዚ"ና ሲኢሪንቴ ዑሺ ዋይኔፓ ኮሾ"ናፖ ዑሽካንዳጉዲ ዔያታ ዒንጋዛ ዒዚ ዑሽኪባአሴ። 24 ዩካፓ ዔያታ ዒዛ ሱፃፖ ዓፒሎ ዒዛኮ ዲማሲ ዔራኒ ዓጎ ባአዚ" ዋለም ዓገ ፓቂንቲ ዔኬኔ። 25 ዩሱሴ ዔያታ ሱፃ ዋዳ" ጉቶኮ ሶኦፓ ዋዳ ማዓአናኬ። 26 ዩሱሴኮ ዳቢንቶ ዔርዛንዳጉዲ «ዓይሁዴ ካአቲ» ጌይንቲ ፃኣፒንቴ ባአዚ" ፑርቲሴ ዓሶ ሱፃ ማፖ ዑፃ ዓአኔ። 27 ዒማ"ና ላምፖ ሱላ ዩሱሴና ዋላ" ዔኪ ሙኪ ፔቴ"ሢ ዩሱሴኮ ማዛቆ ዛላ"፥ ፔቴ"ሢ ሻውሎ" ዛላ" ሱፃኔ። [28 ያዒ ማዒፃና «ዋይዛ ዒፃ ዓሶና ዋላ" ፓይዲንቴኔ» ጌይንቲ ቤርታ ኬኤዘና ፆኦሲ ማሊፃ ኮሜኔ።]†

29 ኮይለና ዓአዳ ዓጎ ቶኦኮ" ቦሂሢና ዓገሢ ዓገሢ፡- «ዓአህ! ኔኤኒ ጌኤኮ ማአር ሻሂ ሓይሦ ኬሊ"ዳ ማዠሦ! 30 ሂንዳ ሓሢ ፑርቲሴ ዓሶ ሱፃ ማፖፓ ኬዲ" ኔና ዳቂሾ!» ጌዔኔ።

31 ዩያጉዲ ሓሢ ቁኤሶኮ ሱኡጎና ሙሴ ዔርዜ ዋጎ ዔርዛ ዓጎ ዋሊ ኮራ፡- «ሜሌ" ዓሶ ዒ ዳቂሾኔ፤ ፔና ጋዓንቴ ዳቂሻኒ ዳንዳዑቆሴ። 32 ዒዚ ጎኔ ማሲቴ፥ ዒሰራዔኤሌ ካአቲታቶ ሂንዳ ሓሢ ዒዛ ሱፃና ማፖፓ ኬደ"ንጎ፤ ኦኤኒ ዛገጋፓ ጉሙርቆም!» ሂዚ ጌዒ ጌዒ ዒዛ ቦሃአና ዩኖ ጎይፖ ዒዛና ዋላ" ሱፃንቴ ሱላ ማዔ ዓጎአ ዒዛ ቦሂ ቦሂ ጫሽኬኔ።

ዩሱሴኮ ሓይቂፖ
(ማቴ. 27፥45-56፤ ሉቃ. 23፥44-49፤ ዮሐ. 19፥28-30)

33 ዒማ"ና ሮኦርኮ ዓባ" ሳዛ ማዔማፓ ዓርቃፖ ዴንዲ ማሢ ዴንቦልጎ ዋዳ ሄሊ"ንዳአና ሳዓ ቢያ ዲሜኔ። 34 ማሢ ዴንቦልጎ ዋዳ ማዓዛ ዩሱሴ፡- «ዔሎሄ! ዔሎሄ! ላማጎባቂታኒ!» ጌዒ ዴኤፒ ዑኡሲና ዒላቴኔ። ዩኖኮ ቡሊ"ፃ፡- «ፆኦሲዮ! ፆኦሲዮ! ኔኤኒ ታና ዓይጎር ሓሾ"ይ?» ጌይሢኬ።

35 ዒኢካ ዔቂ ዓአ ዓሶይዳፓ ፔቴ" ፔቴ" ዓጎ ዒዛኮ ዒላቶ ዋይዛፖ፡- «ሓይሾ ዒዚ ዔኤሊያሴ ዔኤላ"ኔ!» ጌዔኔ።

36 ዔያቶይዳፓ ፔቴ"ስኬይ ጳሽኪ ዴንዲ ዋይኔይዳፓ ኮሾ"ና ሶልኪ ኮሽኰዎ ዑሺዳ ዓፒላ ቱርጫጉዴ ባአዚ" ዓገ ዋኦሺ ማሢና ዩሱሴ ዑሽካንዳጉዲ ዒንጋፖ፡- «ጫክ ዔኤሊያሴ ሂንዳ ሙኪ ዒዛ ኬሣቴ ኦኤኒ ዛጎም» ጌዔኔ።

15:24 ዓይኑ. 22፥18። † 15:28 ፔቴ" ፔቴ" ማፃአፖይዳፓይ. 28ይዳ ዓአ ቃአላ" ፃኣፒንታኔ፤ ዩና ቃአላ" ሉቃ. 22፥ 37 ጌዳ" ዓአዘ ማላኔ። 15:28 ዒሲ. 53፥12።
15:29 ዓይኑ. 22፥7፤ 109፥25፤ ማር. 14፥58፤ ዮሐ. 2፥19። 15:34 ዓይኑ. 22፥1። 15:36 ዓይኑ. 69፥21።

37 ዩዛፓ ሐሣ ዩሱስ ዴኤፒ ዑኩሲና ዒላቴኔ፤ ሼምፓሢያ ዒዛኮ ዲዴኔ።

38 ዒማ"ና ጌኤዠ ማእሮኮ ጋሮይዳ ዲማሲሢ ማሂ ጎኦቢ ጌሦና ዓፒላ" ሎፓ ሉ ሄላ"ንዳእና ዳርዒ ላምፖ ፓቂንቴኔ። 39 ፑርቲሴ ዓሶ ሱዖ ሚፖኮ ቤርቶ ዛላ" ዔቂ ዓኣ፣ ፔቴ" ፖኦሊሶ ዓይሣሰኬይ ዩሱሴ ዩያይዲ ዒላቴ ሐይቄሢ ዛጋዖ፡- «ሐይ ዓሢ ጎኔና ፖኦሲ ናይታዖኬ» ጌዔኔ።

ጎልጎታ ጎዖ ቤዛ ዓኣ ላኦሎንሢ
(ማቴ. 27፡55-56፤ ዮሐ. 19፡25-27)

40 ዒማ"ና ሐኬ ዔቂ ዛጋ ፔቴ" ፔቴ" ላኦሊ ዓኣኔ። ዩያቶይዳፓ ማግዴላ ዓጮ" ማይራማ፣ ዳኮ" ያይቆኦቤና ዮሳ ጎዖዞንሢኮ ዒንዶ ማይራሞ ጌይንታዞንታ ሴሎሜ ጎዖዞንታ ቢያ ዓኣኔ። 41 ዩሱሴ ጌሊላ ዓጮ"ይዳ ዓኣ ዎደ"ና ዔያታ ዒዛኮ ጊንፖ ሐንታያ ሐሣ ዒዛ ማኣዳ"ያኬ። ዔያቶጉዴያ ዩሱሴና ዎላ" ዩራሳላሜ ሙኬ ማርጌ ሜሌ" ላኦሊ ዓኣኔ።

ዩሱሴ ዲኡኪንቴሢ
(ማቴ. 27፡57-61፤ ሉቃ. 23፡50-56፤ ዮሐ. 19፡38-42)

42 ሳዓ ዓሚያታሢሮ ዓይሁዶኮ ሐውሾ ኬላ" ዑኬም ዓሶኮ ጌኦጊንቴ ጌኦጊንቶያ ማዔኔ፤ 43 ዒማ"ና ዓይሁዶ ዓሶኮ ቡኪንቶ ቤዛ ሱኡጎይዳፓ ፔቴ" ዮሴፔ ጌይንታያ ቦንቺንታ ዓሲ ዓርማቴያሴ ጎዖ ዓጪዳፓ ሙኬኔ። ዒዚያ ፖኦሲኮ ካኣቱሞ ዎዛና ካፓ ዓሲኬ። ዒዚ ዒጊጩዎዖ ጰላፖሴ ቤርቶ ሙኪ ዩሱሴኮ ሌዞ ዒንጋንዳጉዲ ሸኦቄኔ። 44 ጰላፖሴያ፡- «ዎይቲ ዩያይዲ ዑኬና ዒ ሐይቄይ» ጌዒ ዲቃቲ ማላፖ ፖኦሊሶ ዓይሣሢ ፔ ባንሢ ዔኤሊ"፡- «ጎኔ ዒዚ ሐይቄንቴ ናጊያ?» ጌዒ ፖኦሴኔ። 45 ዩሱሴኮ ሐይቄፖ ፖኦሊሶ ዓይሣሢ ኮራፓ ዎይዛፖ ዮሴፔ ሌዞ ዔካንዳጉዲ ዒ ዓይሣኔ። 46 ዮሴፔ ዓኪ ኮይዚንታንዳ ዓፒላ ሻንቃዖ ዩሱሴኮ ሌዞ ፑርቲሴ ዓሶ ሱዖ ሚፖፓ ኬሢ ሱኡዲ፣ ሹጮ ደደ ጰሊ" ቦኦኪ ኮሾ"ና ቆኦፖይዳ ዲኡኬሰካፓ ዴኤፒ ሹቺ ኮላሲ ዲኡፖ ዔቶ ካሮ" ዎዴኔ። 47 ማግዴላ ዓጮ" ማይራሞና ዮሳ ዒንዶ ማይራሞና ዩሱሴ ዓሳ ዎካ ዲኡኬቴያ ዛጌኔ።

15:38 ኬሲ. ማፃ 26፡31-33። 15:41 ሉቃ. 8፡2-3።

16

ዩሱስ ሐይባግጥ ዔቄሢ

(ማቴ. 28፥1-8፤ ሉቃ. 24፥1-12፤ ዮሐ. 20፥1-10)

1 ዓይሁድኮ ሐውሾ ከላ" ጋፔሰካፓ ማግደላ ዓጮ" ማይራማ፥ ያይቆኑቤ ዒንዳ ማይራማ፥ ሴሎሜንታ ዋላ" ዩሱሴኮ ሌዞ ቲሽካኒ ሳውቃ ቲሽ ሻንቄኔ፤ 2 ወዴ ጉቴ" ዓባ" የዖርቃኣና ዲኡፖ ዔቶ ቤዞ ዔያታ ዓኣዳኔ። 3 ዔያታ ዋሊ ኮራ፡- «ሹጫሢ ዲኡፖ ዔቶ ካራ"ፓ ያኑኒ ኑም ኮላሲ ሺኣሻንዳይ?» ጌዒ ዋላ" ጌሰቲ ጌሰቲ ዓኣዳኔ። 4 ዔያቶ ዩያ ጌይሴሢ ዲኡፖ ዔቶ ካሮ" ዋዶና ሹጫሢ ኮሺ" ዳኔፒታሢሮኬ። ዩካፓ ዔያታ ዳግ ጌዒ ዛጋየ ሹጫሢ ኮላዲ ዓኣንቴ ዳንቄኔ። 5 ዲኡፖ ዔቶ ዔያታ ጌላዛ ቦኣሬ ያዶሲ ዓፒላ ማኣዔ ዳጌ ሚዛቆ ዛላ" ዳዒ ዓኣንቴ ዳንቃየ ዲቃቴኔ።

6 ዒዚ ጋዓንቴ ዔያቶም ሂዚ ጌዔኔ፡- «ደዲዋቴ፥ ዲቃቴጉቴ፤ ዒንሢ ኮዓሢ ሱዲንቴ ናዚሬቶ ዩሱሴ ማዔሢ ታኣኒ ዔራኔ፤ ዒዚ ዔቄኔ፥ ሐይካ ባኣሴ፤ ዲኡከንቴ ቤዞ ሐይሾ ሐኣዛጉዋቴ፤ 7 ሐሢ ዓኣዲጋፓ ጳዒርሴንታ ሐንጎ ዒዛኮ ጊንዖ ሐንታ ናኣቶ"ንታም ሐያኮ ቤርታ ዒዚ ዒንሢም ከኤዜሢጉዲ ጌሊላ ዒንሢ ቢሪ ዓኣዳንዳኔ፤ ዒኣካ ዒዛ ዒንሢ ዛጋንዳኔ ጌዒ ከኤዙዋቴ» ጌዔኔ።

8 ላኣሎንሢያ ዒጊቹሞና ጎጋይቂ ጎጋይቂ ዲኡፖ ዔታፓ ከሰከ ጳሽኬኔ፤ ዔያታ ኮሺ" ዒጊጩያታሢሮ ፔቴ"ታየ ያኣማኣ ከኤዚባኣሴ። *

ዩሱሴ ማግደላ ዓጮ" ማይራሞም ጳዴሢ

(ማቴ. 28፥9-10፤ ዮሐ. 20፥11-18)

[9 ዩሱሴ ወዴ ጉቴ" ሐይባግጥ ዔቄሰካፓ ቤርታዲ ላንካይ ፑርታ ዓያና ዒዚ ከሴ" ማግደላ ዓጮ" ማይራሞም ጳዴኔ፤ † 10 ዒዛኣ ዳንዲ ያዩሢና ዩኤፒናይዳ ዓኣ ዒዛኮ ጊንዖ ሐንታ ናኣቶ"ም ከኤዜኔ፤ 11 ዒዛ ዔያቶም፡- «ዩሱሴ ሐይባግጥ ዔቄ ሐሢ ሳዛና ዓኣንቴ ታኣኒ ታ ዓኣፒና ዛጌኔ» ጌዒ ከኤዛዛ፥ ዔያታ ጋዓንቴ ዒዛሲ ጎኔኬ ጌይ ጉሙርቁባኣሴ።

16:7 ማቴ. 26፥32፤ ማር. 14፥28። * **16:8** ፔቴ" ፔቴ" ሚናኣ ማፃኣፖኮ ፓይ. 8ይዳ ሂዚ ጋዓ ቃኣላ ዓኣኔ፡- «ላኣሎንሢያ ጳዒርሴና ላንንሢና ኮይላ" ዓኣዲ ከኢታንቻሢ ከኤዜ ባኮ ቢያ ዔያቶም ከኤዜኔ፤ ዩካፓ ዩሱሴ ፔኤር ናንጊና ዳቄንታ ማዔ፥ ላኣሚንቴዋ ኮዦ ሃይሶ ዓቡ"ኮ ከዛፓ ዳንዲ ጌሎ ሄላ"ንዳኣና ዒዛኮ ጊንዖ ሃንታዛንሢ ዛሎ"ና ዳኬኔ።» † **16:9** ፔቴ" ፔቴ" ሚናኣ፥ ጉሙርቁንታ ማፃኣፓ ፓይ. 9-20 ዓኣ ፓይዶ" ቃሱ"ዋሴ።

ዩሱሴ ዒዛኮ ጊንፆ ሐንታ ናኣቶ"ይዳፓ ላምዖንሢሞ ጴዳሢ
(ሉቃ. 24፥13-35)

12 ዩካፓ ሓሣ ላሚ ካታማፓ ዙሎ" ዓኣዲያ ላምዖ ዒዛኮ ጊንፆ ሐንታሰኩንሢሞ ዩሱሴ ዲማ ጎይሢና ጴዳኔ። 13 ዔያታ ሓሣ ዴንዲ ዓቲ" ዩሱሴኮ ጊንፆ ሐንታ ናኣቶ"ም ኬኤዛዛ፥ ጊንፆ ሐንታ ናኣታ" ጋዓንቴ ዩንሢሲያ ጉሙርቁባኣሴ።

ዩሱሴ ታጳ ፔቴ" ዒዛኮ ዳኪንቴዘንሢሞ ጴዳሢ
(ማቴ. 28፥16-20፤ ሉቃ. 24፥36-49፤ ዮሐ. 20፥19-23፤ ዳኪ. ማደ" 1፥6-8)

14 ዩካፓ ታጳ ፔቴ"ዘንሢ ካሣ ሸኢሺ ዴዒ ሙዓንቴ ዩሱሴ ዔያቶም ጴደፆ ዔያቶኮ ጉሙርቁፆ ዓቲፆና ሓሣ «ዩሱሴ ሓይባፓ ዔቁሳዘና ዓኣንቴ ኦኡኒ ኦ ዓኣፒና ዛጌኔ» ጌዒ ዔያቶም ኬኤዘ ዓሶኮ ሓይሶ ዔኪባኣሢሮ ዒና"ኣ ዔያቶኮ ዒፂ ደዴሢሮ ዔያቶ ቦሄኔ። 15 ሂዚያ ዔያቶም ጌዔኔ፡- «ዓጮ" ቢያ ዴንዲዋቴ፤ ዓሶ ቢያሢሞ ሓያ ኮዢ ሓይሶ ዔርዙዋቴ። 16 ጉሙርቁ ጎናሲ ፆኦሲ ዔኬሢና ዋኣሢና ማሰቴሢ ጳቃንዳኔ፤ ፆኦሲ ጉሙርቁ ጎናሲ ዔኩዋኣሢ ጋዓንቴ ፑርታና ዋጊንታንዳኔ። 17 ታና ጉሙርቁ ጎናሲ ዔካዘንሢሞ ቢያ ሐንሢ ዲቃሣ ማደ"ንሢ ማደንዳ ቢታንቶ ዒንጊንታንዳኔ፤ ታ ሱንፆና ፑርቶ ዓያና" ዔያታ ኬሳ"ንዳኔ፤ ዓኪ ሙኡቹና ጌሰታንዳኔ፤ 18 ሸኡዢ ዔያታ ኩቻ ዓርቁቶዋ ሓሣ ዓሲም ደርዖ ማዒ ዋደ ባኣዚ"ታዖ ዔያታ ዑሸኬቶ ዔያቶም ደርዖ ማዓዓኬ፤ ኩጮ ዔያታ ሓርጊንቴ ዓሶ ዑፃ ጌሣዛ ሓርጊንቴ ዓሳ ጳቃንዳኔ።»

ዩሱሴኮ ጫሪንጮ ዓኣዲፆ
(ሉቃ. 24፥50-53፤ ዳኪ. ማደ" 1፥9-11)

19 ጎዳ ዩሱሴ ዩያ ቢያ ኬኤዘሢኮ ጊንፆፓ ጫሪንጮ ዓኣዲ ፆኦሲኮዋ ሚዛቆ ዛላ" ዴዔኔ፤ 20 ዩሱሴኮ ጊንፆ ሐንታ ናኣታ" ቢያ ቤዛ ዓኣዲ ዓኣዲ ዔርዘኔ፤ ጎዳሢያ ዔያቶና ዋላ" ማዴኔ። ዲቃሣ ማደ ማደንዳጉዲ ቢታንቶ ዔያቶም ዒንጊ ዔርዚፆዋ ዔያቶኮ ዒ ደዲሼኔ።]

16:15 ዳኪ. ማደ" 1፥8። 16:19 ዳኪ. ማደ" 1፥9-11።

ጌጌዥ ማግኔግ
The Holy Bible in the Maale language of Ethiopia,
using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929